


Wantok  
SSH Current Shelves  
UC San Diego  
Received on: 07-15-03



pes 2



pes 3



Nius bilong ol  
meri

pes 12

**STOPIM  
KORAPSEN  
NAU!**



### Gutbai dani's long Bogenvil

Ol Mista seida bilong Hw Ailan i dani's long taimpe oren long Bogenvil long Mista long mekim tes de bilong ol Hw Mentoring Grup (HMG) long Bogenvil. Ol Australia, de Ellen, Fiji na Vanuata de Hw Mista long Bogenvil bilhain long klostu 10-pela yia ol Hw stap lukautim hap long taim bilong bikpele pait na heve.

# PNG ami bai go helpim Solomon Ailan

### Veronica Hatutasi i raitim

OPOSISEN i soim olsem ol bai i no inap sapotim Gavman bilong Somare long kamapim nupela lo bilong pinisim Palamen sapos vot i nogat bilip i laik kamap long bihain taim long salensim Gavman.

Memba bilong Bulolo John Muingnepe i tokaut olsem vot i nogat bilip em wanpela bikpela samting aninit long demokrasi we i save mekim gavman i mekim gut wok bilong em long lukautim na ranim kantri.

Mista Muingnepe i tok vot i nogat bilip i save mekim bai gavman wok

gut long sevim pipel na kantri bikos gavman i mas pret long dispela vot i nogat bilip bai i kamap na em i mas wok gut olgeta taim.

Em i askim olsem sapos ol pipel i no amamas long gavman na ol toktok kros long planti samting gavman i mekim we i no stret long laik na sindaun bilong ol. Bai kantri i mekim wanem long dispela kain wari na hevi bilong ol pipel? Vot i nogat bilip em hap bun bilong demokrasi o strong bilong fri kantri. Olsem na sapos gavman i go egensim laik bilong kantri, orait vot i nogat bilip em rot bilong stretim gavman na kantri, Mista

Muingnepe i tok.

Em i tok tu olsem ol memba i noken lukluk long dispela nupela lo Gavman i laik kamapim na tingim amamas na ol gutpela samting ol bai kisim sapos dispela lo i kamap na ol bai stap ful 5-pela yia long palamen. Ol memba i noken lukluk long pawa na interes bilong ol yet long dispela taim nau. Ol lida i mas lukluk long gutpela rot na pasin bilong demoresi i mas stap olgeta taim long gavman na kantri bilong yumi, Mista Muingnepe i tok.

Gavman bilong Somare i laik kamapim wanpela lo nau bilong pinisim palamen sapos wanpela

lain o Oposisen i laik kamapim vot i nogat bilip long Gavman. Dispela lo bai rausim Palamen na salim olgeta memba i go bek long ples long sanap gen long bai ileksen bikos vot i nogat bilip i kamap na pinisim Palamen.

Dispela lo tu i soim olsem ol memba na Oposisen i noken tingting long kamapim vot i nogat bilip bikos bai palamen i pinis na olgeta memba bai i go bek long ilektoret bilong ol. Narapela rot tu em, ol memba long gavman bai laikim dispela lo i kamap bai ol i ken stap ful 5 yia long palamen bikos nogat memba bai laik kamapim vot i

nogat bilip na go bek long ileksen gen long ples.

Palamen long dispela wik bai paitim tok long kamapim dispela lo bilong pinisim Palamen sapos wanpela vot i nogat bilip i laik kamap long bihain taim. Dispela bai wanpela bikpela lo bilong kantri na i mas kisim namba bilong vot olsem 73 long mekim em i kamap lo bihain long palamen i tok pait long en tripela taim.

Opis bilong Oposisen lida Sir Mekere Morauta i tokim Wantok olsem ol i tingting long singautim bung na tokaut long dispela tingting bilong ol long bihain taim.

with

- Win a trip to Sydney with accommodation
- K1,000 spending money
- Meet Marcus Bai in the dressing room
- Watch the game between Storms and Bulldogs at the Sydney Show Ground
- Tour Sydney with Marcus
- Be part of Marcus next Hi-Way Beef Commercial for 2004

6 Just what you need for your next party

SSH Current Shelves DU 740 A2 W3 v. 1512

# PLIS RIPOT

## Nesanel Kapitel Distrik:

PLIS long Mosbi i bin holim pasim na sasim 94 pipel long ol trabel i kamap long Tete Setelmen long Gerehu long las na dispela wik.

Tenpela pipel i dai long dispela birua we tupela pikinini i stap insait long en.

Ol trabel i bin kamap namel long ol Tari na Goilala pipel husat i bin gat belkros na pait na dai i kamap.

Plis i tok olgeta ol dispela 94 pipel i kisim sas long kilim dai narapela man.

Bos bilong ol plis long Nesanel Kapitel na Sentrel Provins Jeffrey Vaki i egensim tru dispela birua na pasin bilong kilim dai narapela man na i tok ol dispela saspek bai i stap long plis sel inap long ol sanap long kot. Em bin tok amamas tu long ol plis man na meri husat i karimaut wok bilong ol na ol samting i stap isi long Tete Setelmen.

Ol bin mekim Tete olsem "ples bilong pait" long dispela wik na ol i no putim taim we bai ol i rausim dispela tok long en.

Plis i tok dispela pasin bilong kilim dai narapela man em i nogut tru na ol i apil i go long ol setelmen lida long noken larim moa pait na bagarap long ol samting i kamap.

## Nesanel Kapitel:

PLIS long Mosbi i bin sutim dai wanpela top kriminrl o raskol.

Plis i tokaut long em olsem Leslie Leslie. Em i bilong ples Hula insait long Sentrel provins. Plis i bin kilim em i dai long ples bilong em long Hula bihain long wanpela pait namel long ol.

Plis i tok Leslie i bin ronawe long Baisu haus kalabus long Westen Hailans provins we em bin kalabus long em long wokim ol birua olsem stil wantaim gan, wokim ol arapela stil pasin, bagarapim meri na kilim dai narapela man.

Plis i tok leslie em i wanpela hatko raskol husat ol i wok long papainim em inap nau.

Bos bilong ol plis long NCD na Sentrel provins Jeffrey Vaki i tok bodi bilong Leslie i stap nau long Pot Mosbi Jenerel Haus sik.

Em i tok Leslie i wok long ronawe na hait long Mosbi bihain long em i ronawe las yia long Baisu Plis long Hula i bin askim longn helpim na wanpela spesel plis yunit long Mosbi i bin go helpim ol long kisim Leslie. Wanpela plisman i bin kisim bagarap long pait wantaim Leslie na ol bin kisim em i kam long Pot Mosbi Jenerel Haus sik.

## Morobe:

Plis i holim pasim 10-pela pipel bihain long ol raskol i go insait long weahaus bilong Luteran Siping kampani na mekim nabaut long menesa.

Ol ripot i tok sampela yangpela man bilong ol ples klostu long wof o bris we Luteran Siping i stap long en i bin go na wokim nabaut na stilim ol samting bilong ol bisnis kampani i stap insait long weahaus.

Plis ripot i tok plis i bin go hariap long hap we trabel i kamap long en na ol bin holim pasim 10-pela pipel.

Planti ol bisnis haus long Finshafen i lusim ol samting long stoa we kos bilong ol i winim plan-ti tausen kina.

# Pasifik mas wok wantaim long daunim ol kon

Veronica Hatutasi i raitim

OL Pasifik kantri i mas wok bung wantaim long daunim ol hevi olsem ol kwik mani bisnis bikos ol bai bagarapim rijen, Plis Komisina Sam Inguba i tok.

Mista Inguba i bin wokim dispela toktok insait long tripela de semina i kamap long Mosbi long dispela wik. Federel Plis bilong Australia i bin sponsaim dispela woksop i sut long ol kriminel o raskol pasin long Wes Afrika we sampela lain i save plenim long mekim.

Mista inguba i bin tok ol raskol

pasin we ol i save plenim olsem kwik mani piramid skim bilong Naigeria i save singaut long ol man i peim ol bikpela fi pastaim na ol blek maket we i save kirap na sut i go hariap long bagarapim na pundaunim wok mani long ol sosaiti husat politikis bilong ol i no strongpela.

"Dispela ol kain raskol pasin i mekim kantri na wok mani bilong em i no strong na tu, bagarapim rijen. Olsem na i moabeta long ol kantri long Pasifik rijen long wok bung wantaim na daunim ol kain birua olsem," Mista inguba i tok.

Em i tok bikpela mani we ol kwik mani skim i save stilim em

ol i save salim i go long ol narapela kantri na haitim i stap long ol ovasis benk akaun. Mekim na wok mani bilong ol kantri we ol i kisim mani long ol i save bungim hevi.

Em bin tok tu olsem ol ol raskol pasin ol i plenim na kari-maut long Wes Afrika i save wok long ol sosel na poliitkel sistem i no streongpela na ol kantri we ol i lukim olsem i no strong-pela em ol kain grup olsem i save taetim.

Ol lain long benking bisnis, Intenel Revenyu Komisn, Atoni Jenerel na plis i stap insait long dispela woksop bai pinis long tude.

# Bung long kamapim Iko Forestri polisi

Fay Duega i raitim

EM i gutpela long kamapim polisi bilong Iko Forestri nau na ol i ken glasim na skelim na bai i no gutpela sapos i nogat polisi tru, Quentin Ducenne em Fores Polisi edvaisa i tok long wanpela bung we em i bin givim ripot bilong em long draf polisi long dispela samting.

Em i tok sampela pipel i tok i no gutpela long kamapim Iko Forestri hariap tumas tasol, ol arapela i tok em i leit pinis long kamapim dispela polisi. Tasol em i tok i moabeta long gat wanpela Iko Forestri polisi nau na yusim olsem stia o gaid bikos bai i no gutpela sapos i nogat polisi tru.

Draf polisi i bin kamap bihain long ol tingting we ol bin kisim long ol woksop we Nesanel Fores Atoriti i bin kamapim long olgeta foapela rijen long kantri. Polisi Komponen bilong Iko Forestri Progrem we Yuropien Yunien i fandim na Mista Ducenne i kam aninit long en i go pas long wokim dispela draf polisi.

Mista Ducenne i tok forestri i save givim-planti sans long daunim pasin bilong sot long ol samting (poveti).



Tenkyu na gutbai! • Ol Pis Monitas i tromoi han taim ol i daunim ol fleg na tok gut-bai long Bogenvil. Lukim ol stori long Pes 13. Foto: Lou Anderson-Australia Hai Komisn.

# Inguba singautim pablik long egensim raskol pasin

PLIS bai givim bikpela mekim save long mekim ol raskol i pei long ol birua ol i kamapim na tu ol dispela husat i kilim ol plisman, Plis Komisina Sam Inguba i tok.

Mista Inguba i wokim dispela toktok bihain long ol raskol long Bulolo insait long Morobe provins i bin kilim wanpela plisman bilong Is Nu Briten las Fraide na kamapim bagarap long narapela husat nau i stap long Angau Haus sik long Lae.

Mista Inguba i tok pasin we

ol raskol i bin kilim dai nating Plis Konstebol Gerry Teno long Bulolo i soim gen ol hevi we ol plis manmeri i ken bungim long wok bilong ol.

Taim em i autim bikpela tok sori i go long famili na haus lain bilong Konstebol Teno, Mista Inguba i tok lo bai givim mekim save i go long ol saspek ol lain husat i karimaut dispela birua.

Konstebol Teno husat i gat 29 krismas i bilong ples Raluana insait long Is Nu

Briten. Em i marit na em i gat tripela pikinini.

Mista Inguba i tok plis long Morobe i bin holim tripela saspek long wanpela operesen las wiken we ol bin kisim tu tupela hai pawa AR-25 raifel we ol plis i save yusim. Ol bin stilim ol dispela long ol plisman we ol i bin kamapim birua long ol em plis i kisim ol bk pinis.

Leit Konstebol Teno i bin go wantaim ol arapela plisman long wanpela ples long Bulolo we ol Katolik Yut i save wok

long en bilong kisim wanpela raskol taim ol bin bungim birua.

Mista Inguba i tokaut tu long narapela plisman husat i bin kisim bagarap. nem bilong en em Pasi Anton na em i gat 27 krismas. Em i bilong ples Sangriwa long Angoram insait long Is sepik.

Mista Inguba i singaut long ol gutpela manmeri bilong PNG na long olgeta hap bilong komyuniti long egensim dispela pasin we ol kriminel i wokim long en.





# PM tok klia long lo bilong pasim vot nogat bilip

## ...Sir Mekere laik save long as bilong senis

Neville Choi i raitim

PRAIM Minista Sir Michael Somare i givim strongpela toktok long bekim ol askim bilong Oposisen Lida Sir Mekere Morauta long lo bilong pasim vot i nogat bilip.

Sir Mekere i bin askim Sir Michael long tokaut long Palamen long as bilong ol dispela senis i go long lo bilong vot i nogat bilip.

Sir Mekere i tokim Palamen

olsem gavman i no bin yusim opis bilong Konstitusene Developmen Komisin (CDC) long glasim ol dispela senis long lo na ol i no givim sans long pablik long paitim toktok na givim tok orait long dispela lo.

Sir Michael i belhat wantaim na em i bekim olsem as tingting bilong ol dispela senis em bilong mekim gavman i sanap strong.

Em i tok olsem em i stap longpela taim long nesene palamen na em i lukim olsem Papua Niugini i bin gat planti senis long gavman klostu klostu.

"Mi stap longpela taim long hia na mi lukim olsem i nogat wanpela gavman i sanap strong na kamapim developmen long kantri taim ol i stap long dispela opis.

"Mi bai no inap stap longpela taim moa, tasol mi laikim bai ol gutpela wok dispela gavman i wok long mekim long givim strong long kantri bai i mas stap yet," Sir Michael i tok.

Em i skruim bekim bilong ol askim i kam long Sir Mekere na em i tok olsem i nogat wanpela narapela as tingting long ol dispela senis.

"Mi laikim gavman i mas sanap strong na pinisim gut taim bilong em long gavman. Sapos mi no mekim ol dispela senis, husat bai mekim? Mi go pas long dispela samting bikos mi ting olsem em i wanpela gutpela samting bilong ol pipel long dispela kantri.

"Sapos yu tok olsem ol pipel i nogat sans long paitim toktok long

ol dispela senis, nau em i sans bilong yupela ol memba long palamen long kisim toktok bilong ol pipel bilong yu na paitim tok long ol dispela senis long hia long palamen.

"Em nau ol pipel bai inap long tokim yupela long tingting bilong ol long ol dispela senis," Sir Michael i tok.

Em i tok tu olsem PNG em i wanpela liklik kantri, tasol em i gat planti moa politikel pati tru i stap. Olsem na i save gat kainkain politiks nabaut i kamap long palamen na pipel na kantri i save kisim taim.

Em i tok olsem ol pipel wantaim ol memba bilong palamen bai inap long mekim ol senis long dispela lo sapos ol i nogat bilip long en.

## Plis holim pasim ol Saina long Jacksons ples balus

OL PLIS na ol opisa bilong Dipatmen bilong Praim Minista i belhat tru taim ol i holim pasim sampela lain Saina husat i nogat pepa long kam na stap insait long Papua Niugini.

Ol dispela 5-pela lain Saina i kam long Fujian provins long Saina.

Ol plis i tok olsem i save gat planti lain Saina i save kam insait long kantri long olgeta wik.

Planti long ol dispela lain Saina i save kam long dispela wanpela hap.

Ol opisa bilong gavman i krosim ol lain imigresen o lain husat i save was gut long ol lain long ovasis husat i laik kam na stap nating long PNG.

Plis i tok olsem planti long ol dispela lain i save kam insait long PNG olsem ol turis, na taim ol i kam stap long kantri, ol i save lus na i save hat tru long painim ol na sasim ol.

Ol i tokaut tu olsem taim ol i save putim ol dispela lain insait long sel long plis stesen, ol memba bilong palamen, ol loya na ol olupela memba i save askim ol long lusim ol i go fri.

Ol i tok olsem planti lain i save kisim mani long ol Saina long kisim ol dispela kain lus lain i kam insait long Papua Niugini.

Plis i tok dispela stil pasin i save stat long opis bilong PNG embesi long Beijing we ol i save givim ol pepa long kisim balus i kam long PNG na ol i no save kisim tok orait long ol dipatmen bilong Praim Minista na Leba.

Ol i tok olsem ol i save pinis long sampela lain husat i wok long mekim dispela samting.

Dispela hevi i bin kamap bipo na wanpela bikpela wok painimaut i bin kamap, tasol nogat planti man i kisim taim long dispela wok painimaut na plis i tok olsem dispela wok painimaut i no karim gutpela kaikai.

## Papamama long SHP i mas baim skul fi yet

OL PAPANAMA long Sauten Hailans i mas baim yet skul fi bilong ol pikinini bilong ol bilong wanem mani bilong fri edukesen i no kamap yet.

Ol papamama husat i no pinisim gut sampela skul fi bilong dispela yia i mas go het na baim pastaim.

Bihain long em i winim kot long ileksen bilong em olsem gavana bilong Sauten Hailans, Hami Yawari i bin tokaut long fri edukesen bilong olgeta skul mangi long provins.

Tasol Provinsel Edministrata bilong

Sauten Hailans, Warren Temokang i tok olsem polisi bilong Gavana long fri edukesen i stap yet, tasol mani bilong stretim dispela polisi i no kam yet long nesene gavman.

Olsem na ol papamama i mas baim skul fi bilong ol pikinini bilong ol.

Bihain mani bilong fri edukesen i kam, bai ol skul bai inap long givim bek mani bilong ol papamama.

Em i tokim olgeta bod bilong ol skul long kisim mani long olgeta papamama husat i no pinisim gut ol skul fi bilong ol.



**Yu mas kam long PNG...** • Em biknem ragbi pilaia bilong Australia long bipo, Andrew Ettinghausen o planti man i save kolim em long 'ET'. Em i bin kam raun long PNG na Oro provins long painim wanpela bikhet pis long Inglis ol i kolim Blackbass. ET i kam raun na kirap nogut long ol dispela bikhet pis na kalsa bilong PNG tu. Em i tok olsem em bai soim ol pipel bilong Australia olsem PNG em i wanpela gutpela kantri long kam raun long en. *Poto: JOE IVAHARIA*

## Ol memba autim wari long salim ol sik manmeri i go long ples

Neville Choi i raitim

OL MEMBA bilong Palamen i autim wari bilong ol long baim balus tiket na kar na bot bilong ol sikman na meri husat i save kam long ol bikpela haus sik long taun long kisim helpim.

Ol memba bilong Kiriwina-Goodenough na Galf i bin autim dispela wari olsem planti long ol narapela memba na ol provinsel Gavana i wok long kisim taim

long painim mani bilong salim ol dispela lain manmeri i go bek long ples bilong ol.

Memba bilong Kiriwina-Goodenough, Brian Pulayasi i tokim Palamen long dispela wik olsem i save gat planti manmeri husat i save go painim helpim long ol liklik helt senta na ed pos long ples, tasol i nogat marasin na ol helt senta i save salim ol i go long ol bikpela haus sik long ol taun na siti. Tasol bihain long ol i kam long

bikpela haus sik, planti long ol i save nogat mani long go bek gen long ples.

Olsem na ol i save go na askim ol memba long mani bai ol inap long go bek long ples bilong ol.

Mista Pulayasi i askim Minista bilong Helt, Melchior Pep sapos em i save long dispela hevi bilong ol provinsel memba, na sapos dipatmen na ministri bilong Helt bai i givim sampela helpim long ol.



Dispela em wanpela liklik kona bilong ol liklik stori, wari, o askim.

• Ol lain long Kavieng i no wanbel wantaim ol pasin bilong ol wantok bilong ol. Taim biknem ben bilong rait lewa na rong lewa, Junia Kopex i go raun las wik long pilai long hap, ol man husat i go leit long danis i harim olsem Junia Kopex i laik pinis long pilai na danis i laik pas, ol i kirapim pait long geit.

• Trangu ol Junia Kopex lain. Bisnisman Wally Schnaubelt i kisim ol i go long Kavieng long go pilai na em putim ol long Kavieng Hotel. Tasol ol boi nogut ya i no wanbel liklik. Ol i tokim wanpela lain bilong *Wantok Niuspepa* olsem hangre i bin kilim ol nogut tru. Long moning olgeta wanwan i kaikai tupela bret tasol. Sore, ol i hangre nogut tru na driman long rais na tinpis wantaim kumu.

• Sapos yu wanpela sapota bilong Cronulla Sharks ragbi tim bilong Australia, orait yu mekim asua pinis bikos yumi no luksave na go tok welkam long olupela biknem kepten na senta bilong Sharks Andrew Ettinghausen (ET) long las wik Sarere taim em i kam long Mosbi na go long Popondeta. Em orait ol nius manmeri tu i abrus long bungim em na boi nogut i kam na wel nating go pinis long Pops. Ol i tok ET i kam long painim wanpela bikhet pis ya. Em wanem kain pis nau ya.

• Wanpela stua long Mosbi taun i putim toksave olsem, 'New Stock Arrived' o nupela saplai i kam pinis. Tasol stua yet i nogat wanpela samting i stap long en o hangamap long sait sait long soim ol kastoma olsem ol nupela kago o saplai i kamap na stap pinis long stua. Dispela i mekim sampela kastoma i paul tru long dispela wik Mande taim ol i sanap ausait na lukluk tasol long glas we i nogat samting i hangamap o stap insait long stua.

• Wanpela man long Kimbe i save raitim pas long *Wantok* olgeta taim na wanpela taim em i laik yusim nem bilong narapela man long Wewak. Man long Wewak em mipela i save gut long pes bilong em na tu mipela i save long raiting bilong em long pepa. Tasol man long Kimbe i laik mekim olsem tasol mipela i save gut tu long raiting bilong man long Kimbe. Mipela i ting olsem man long Kimbe i laik mekim pilai long man bilong Wewak tasol. Plis noken mekim olsem gen.

• Niuspepa poto bilong Ryan Pini taim em i winim namba wan gol medol bilong PNG long SP Gems long Mande i no luk stret. Pes bilong boi nogut em orait tasol ol nem long medol na siot em werim i krangi liklik. Mipela sampela i painim hat long ritim nem ol i raitim long medol. I luk olsem ol i raitim nem ya long beksait i go long fran olsem na hat long ritim. Ating niuspepa yet i laik tanim poto long beksait i kam long fran.

# Ripot bilong PNGBC i op

RIPOT bilong wok painimaut insait long pasin na rot long salim bilong Papua Niugini Benking Koporesen (PNGBC) i kam aut pinis bilong ol pipel bilong Papua Niugini long lukim.

Praim Minista Sir Michael Somare i givim dispela ripot i go long Palamen long las wik.

Ripot i tok olsem dispela wok painimaut i tok olsem sapos gavman i bin wet bihain long wanpela yia na salim PNGBC, bai ol inap long kisim moa mani

long em.

Sapos gavman i bin wet wanpela yia moa, PNGBC bai inap long gat moa mani na ol bai inap long salim na kisim moa mani.

Sir Michael i tokim Palamen olsem olpela Praim Minista Sir Mekere Morauta i bin mekim disisen hariap na salim PNGBC pas-taim long 2002 nesanel ileksen.

Em i tok olsem em i kla tru olsem i gat sampela samting we ol i bin mekim hait taim ol i salim PNGBC.

Praivetaisesen Komisn i no bin go het long salim PNGBC, na Sir Michael i tok olsem bikos long dispela na ol i salim beng bilong ol Papua Niugini stret long liklik prais.

Insait long ripot, ol i tok olsem Sir Mekere i bin laikim bai ol i salim PNGBC hariap bikos em i no laikim ol man long stapim.

Ripot i tok olsem olpela gavman i bin hariap long salim Telikom na Habas Bod tu bikos ol i bin laik yusim sampela mani i kam long ol dispela bisnis long sapatim fri edukesen progrem bilong gavman long dispela taim.

Wanpela bikpela samting i bin stap long as bilong dispela wok painimaut em planti man i tok olsem i gat ol lain husat i bin pasim tok long baim PNGBC long mekim mani bilong ol yet.



• Ol sumatin bilong Hohola Demonstresen Skul i sanap aninit long Poreporena fre-we insait long tanel ol i bin wokim bilong ol sumatin long wokabaut i go long skul. Planti eksiden i save kamap long fri-we rot tasol ol sumatin i no save yusim dispela tanel long wanem ol man i pispis na pekpek insait long en na i wokim stil pasin tu. Foto: JOE IVAHARIA

## Ol Hap Hap Nius Palamen mas kisim vot long HIV/AIDS Lo

Helt Minista Melchior Pep long dispela wik i bin putim long Palamen bil o lo long mesesim na stopim sik HIV/AIDS. i gro bikpela. Ol bin tebolim dispela bil na Palamen i bin glasim na skelim dispela bil long namba tu taim. Palamen bai kisim vot long em pastaim bipo ol i mekim kamap lo long en. Mista Pep i tok ol politisen i mas toktok na givim gutpela sapat long Bil bilong stopim, daunim na menesim sik HIV/AIDS insait long kantri.

## Bogenvil mas wokim kwik disisen long ol gan

Long hariapim lusim Inta Gavman Rilesens na Bogenvil Afeas Minista Sir Peter Barter i tok strong gen olsem lusim ol gan na pinisim Stej 2 na 3 em i bikpela samting we bai givim rot long Bogenvil i kirapim nupela otonomi gavman bilong em. Long toktok bilong em long Arawa long Mande insait long bung bilong tok gutbai long ol pis monitas, Sir Peter i bin tok em i bikpela samting long wokim disisen bilong wanem samting i mas kamap long ol gan. Na em i tok gutpela samting em long bagarapim ol gan we i kamapim bikpela hevi, pen na dai long ailan. Em bin tok gavman i no amamas long bung bilong komiti i lukautim wok bilong lusim ol gan las wik i no kamap wantaim wanpela disisen long mekim wanem long ol gan ol i bungim wantaim long ol kontena long Stej 2 level.

Taim em i tok tenkyu long ol pis monitas long gutpela wok ol bin mekim, em bin tok taim ol i lusim ailan nau, bikpela wok i go nau long han bilong ol Bogenvil pipel yet long skruim wok long strerim ples bilong ol yet.

### Neville Choi i raitim

MINISTA bilong Woks, Gabriel Kapris i tok olgeta rot projek long Hailans bai i pinis long 2005.

I gat tupela bikpela rot projek i wok long kamap long Hailans rijon. Namba wan projek em long ol provinsel rot we Esien Developmen Benk (ADB) na nesanel gavman i go pas long em na narapela bikpela rot projek em stretim bilong Hailans Haiwe.

Mista Kapris i wok long bekim askim bilong Gavana bilong Enga, Peter Ipatas.

Mista Ipatas i bin askim

em long tokaut sapos i gat inap taim bilong pinisim ol dispela rot projek.

Mista Kapris i tokim palamen olsem Hailans Haiwe em i wanpela bikpela rot we i stap aninit long lukaut bilong nesanel gavman.

Em i tok olsem dispela em wanpela bikpela projek stret, olsem na ol bai i brukim i go long ol liklik hap na ol wanwan ovasis lain i nap long helpim wantaim liklik mani bilong stretim.

Mista Kapris i tokaut olsem long tupela wik i go pinis, seketeri bilong Woks i bin go raun lukim ol dispela rot wantaim ol enjinia na ol i givim pinis ripot long em.

Em i tok olsem em i wok long bung wantaim minista bilong Fainens na Trensport bai ol inap long kisim mani hariap long pinisim ol dispela projek kwiktaim.

Em i tok olsem Wol Benk na AusAID i givim tok orait pinis long givim helpim long mani bilong ol dispela wok.

AusAID bai helpim long stretim Hailans Haiwe i stat long Lae i go long Simbu; ADB bai wok wantaim Porgera join vensa long stretim Hailans Haiwe rot i stat long Westen Hailans provins i go inap long Sauten Hailans provins na Enga.

Rot long Simbu i go long

Westen Hailans em Mista Kapris i tok olsem ol i wok long paitim toktok wantaim Wol Benk yet long kisim sapat bilong ol long lukautim dispela hap.

Em i tokim ol narapela memba husat i gat wari long ol dispela rot i mas pinis hariap, olsem bikpela samting em olsem rot i pinis.

Em i tokim olgeta Hailans memba olsem ol i noken wari long we gavman bai i stretim dispela rot.

Nogat, em i tok olsem bikpela samting em rot i mas gutpela na ol pipel bai inap long kisim ol maket kaikai na ol narapela samting bilong ol i go long maket.

# Rot projek long Hailans bai pinis long 2005



## Seneta Hill i amamas long wok bilong ol PMG

DIFENS Minista bilong Australia Seneta Robert Hill i luksave long gutpela wok ol pis monitas i bin wokim long Bogenvil. Em i tok em i namba wan taim kain grup i go insait long kantri na stap insait long pait eria han nating na i no karim wanpela gan.

Insait long opisel seremoni bilong tok gutbai na givim luksave long bikpela na gutpela wok ol Pis Monitoring Grup (PMG) i bin wokim long moa long faivpela yia, Seneta Hill i bin tok amamas long ol PMG long helpim kamapim bel isi pasin namel long olgeta pait grup na ol manmeri nating long Bogenvil na tu, long go pas long wok bilong lusim ol gan na sapatim Yunaitet Nesens Obseva Misin (UNOMB) long Bogenvil long bungim na putim ol gan long ol kontena.

Dispela wok i bikpela samting bikos taim olgeta gan i raus long han bilong ol eks paitman na ol i putim ol long kontena, Bogenvil bai inap long sanapim nupela otonomi gavman bilong em. Nau em 90

pesen mak bilong ol gan i stap pinis long ol kontena.

Seneta Hill i bin tok stat yet long 1997 taim ol PMG i bin go long namba wan taim long kirapim Operesen Bel Isi long Bogenvil, planti gutpela wok long stretim Bogenvil i kamap.


Em i tok samting olsem 3,500 militeri manmeri na 300 man nating bilong Australia i bin wok long PMG insait long moa long faivpela yia. Ol arapela em ol i kam long Nu Silan, Fiji na Vanuatu. "Wok bilong painim gutpela sindaun i kamap nau long hap we Bogenvil i no nidim ol militeri lain long wok long en. Tasol Australia bai ino inap long wokabaut lusim Bogenvil, nogat. Mipela wantaim Nu Silan bai go insait long nupela Bogenvil Trensisenel Tim long kisim ples bilong PMG na wok klostu wantaim ol komyuniti long Bogenvil na Yunaitet nesens long monitaim na helpim sapatim wok bilong painim gutpela sindaun," Seneta Hill i bin tok.



# Wenge tokaut long ol projek bilong provins

MOROBE Gavana Luther Wenge i bin tokaut long sampela bikipela projek gavman bilong em i laik kamapim aninit long 5 Yia Developmen Plen bilong Morobe provins long 5-pela yia i kam.

- Ol dispela projek em,
    - Sapmanga Praimeri Skul dabol klasrum K25,000
    - Siwea Helt Sab senta mentenens K15,000
    - Wasu - Kabwum Kofi Mil stadi K10,000
    - Tutumang Biling mentenens K200,000
- Totol K250,000  
Mista Wenge i tok amamas tu long ol arapela Morobe lida bilong



• Luther Wenge - 5 yia developmen plen bilong Morobe - Totol em K250,000

Nesanel Palamen long mekim wankain tu long Distrik Sapot Grent mani long ilektoret bilong ol wanwan. Dispela mani i save kam bihainim lo olsem na wok i stap long han bilong yumi ol lida long mekim wok wantaim dispela mani, maski dispela mani em liklik.

Wenge i tokaut tu long 5 Yia Developmen Plen bilong provins na 9-pela distrik we i gat 33 Lokol Level gavman Kaunsil na 450 wod i stap insait. Em i tok ol wok i save hat tu long kamap long provins we i gat moa long 500 manmeri i stap wantaim tu ol arapela pipel bilong Papua Niugini husat i gat kainkain

tokples na pasin tumbuna i stap wantaim.

Yumi save pinis olsem namba bilong ol pipel long provins i go antap pinis bihain long kaunim pipel (sensas) i bin kamap olsem na dispela bai putim planti wok antap long ol eria bilong givim sevis na arapela bikipela helpim ol pipel i laikim.

Pastaim 5 Yia Plen long 1998 i kam long 2002 em yumi ron isi i kam tasol dispela nupela 5 Yia Plen em yumi inap bungim ol traim na hevi long rot i go bikos bai i gat planti senis na disisen bai i kam long Nesanel, Provinsal na Lokol Level Gavman, em i tok.

Rifom sistem i bin wok long sampela hap tasol em i no wok gut long sampela hap. Politik sistem i groa hariap tumas na i save bihainim namba gem na ino moa lukluk long wok tru bilong em long givim sevis na helpim i go long ol pipel.

Mi ken tok stret olsem taim mipela i bin apim namba bilong ol kaunsil long 28 i go antap long 33, dispela i daunim mak bilong mani aninit long Viles Sevis na Lokol Level Gavman Grent. Mani i nogat nau long givim sevis long pipel bikos mani i go lus insait long wok bilong sanapim ol dispela opis.

## Gavana Yuni askim long Vanimo haus sik ripot



•Gavana Yuni i laikim ripot bilong haus sik.

SANDAUN Gavana Carlos Yuni i laikim kliapela toktok long wanem samting gavman na ol helt atoriti i wokim long ol ripot olsem bikipela hap mani bilong

Vanimo Haus sik em ol bin paulim long faivpela krismas i go pinis long 1998.

Gavana Yuni i bin autim wari bilong em long sindaun bilong Palamen long dispela wik.

Em bin putim askim bilong em i go long Helt Minista Melchior Pep.

Long bekim askim bilong em, Minista Pep i tok em bai tebolim o putim kamap ripot long dispela samting i go long Palamen.

Ol ripot long dispela samting i sut long sief eksekutiv opisa bilong Vanimo Haus sik long 1998 we bikman i bin baim wanpela haus long K124,600. Tasol em i tok taim haus i klostu pinis, kos bilong em inap long K38,000 tasol.

Mista Yuni i bin tok ol atoriti i no mekim wanpela samting,

maski odita bilong Helt Dipatmen i bin karimaut wanpela wok painim we i bin painimaut olsem pasin bilong paulim mani i kamap.

Long ripot bilong em, odita bihain long wok painimaut i bin tok long saspandim o rausim bot bilong haus sik na CEO.

Mista Yuni i tok dispela K124,600 em i krismas presen long CEO.

Em bin tok tu olsem dispela CEO i bin rausim wanpela kontrak namel long haus sik bot na wanpela kampani we ol bin stretim ausati long wantaim bikipela manimak inap long K500,000.

Minista Pep i tok em i klia long dispela samting na em bai wokim wanpela stetmen long palamen.

## Morobe plis holim saspek

PLIS long Morobe provins i holim pasim saspek husat i bin go pas long sutim dai tupela plisman long Bulolo distrik.

Plis i tokaut long nem bilong saspek olsem Arnold Salinga na em i bilong Ambunti eria insait long Is Sepik provins.

Long ol ripot, saspek i stap long Lae plis stesen taim ol arapela poroman bilong en em ol i stap long Bulolo plis sel.

Ripot i tok ol sios na komyuniti lida i bin wok wantaim plis long kisim saspek, bihain long ol plis i putim presa i go long ol.

Plis ripot i tokaut long tupela plisman we saspek ya na lain bilong em

i bin sutim. Wanpela em Konstebol Jerry teno bilong Is Nu Briten na narapela em Konstebol Anton Pasi bilong is Sepik na tupelas i bin wok long Bulolo plis stesen olsem ol jenerel duti plisman.

Provinsal Plis Komanda Giossi Labi i bin tok em i gat bikipela luksave long tupela opisa husat i man bilong hatwok stret.

Em bin tok Salinga em i wanpela strongpela kriminel na em bin ron-awe long kalabus we em bin stap long en bihain long em i bin sutim dai wanpela bisnis man long Lae long mun Janueri las yia.

Em bin tok man ya em i gat nem nogut na komyuniti long Bulolo i save pret long en.

## Lae komyuniti sapatim Angau Haus sik

KOMYUNITI long Lae i sapatim Angau Memoriel Haus sik bihainim ol hevi em i wok long bungim long mani i sot na em i stopim sampela sevis em i save karimaut long en.

Aninit long fanding program bilong AusAID ol i kolim long Medikel Ikwipmen Menesmen Projek (MEMP), Nesanel Pikinini Kea seksen bilong haus sik i save lukautim ol bebi bin kisim tupela mesin bilong helpim ol nupela bebi long bodi bilong ol i stap hot na ol dispela we mama i karim we ol i liklik tumas. Pe bilong tupela mesin ya em K10,000.

Sief Eksekutiv opisa long haus sik Margaret Samei taim em i tok tenkyu long dispela donesen i bin tok ol bin gat wanpela mesin tasol i bagarap pinis na tupela we ol i kisim nau bai

helpim haus sik long wok bilong em.

Em bin tok amamas long MEMP program na AusAID long sapatim wok bilong helt kea bilong haus sik.

Long wankain taim tu, ol meri na mama grup long Lae i luksave long hevi na ol i donetim ol gaden kaikai na mani i go long haus sik.

Long las wik, ol meri bilong Ahi Lokol Level Gavman i bin donetim moa long K400 na givim tu ol gaden kaikai bilong helpim ol sikman meri long haus sik husat nau i wok long kisim kaikai tupela taim tasol insait long wanpela de.

Mani we ol i donetim bai helpim long bilingd wod bilong ol pikinini. Dispela em long kisim ples bilong olupela wod we ol anis i bin bagarapim na ol bin rausim.

## Disisen bilong Bulolo ileksen kot long Julai 31

Yakam Kelo i raitim

SUPRIM Kot apil bilong Bulolo ilektoret namel long olupela memba Samson Napo na nau memba John Muingnepe i bin kamap long las wik Fraide. Na disisen bilong dispela kot bai kamap long Julai 31, 2003.

Loya bilong Samson Napo, Ralph Saulep i toktok strong olsem foapela balot bokis i gat wankain namba tasol bikipela asua em Ritening Opisa long dispela taim i mekim asua tru long raitim namba 1 na 2 long tupela bokis ya.

Mista Saulep i tok dispela namba 1 na 2 Ritening Opisa i raitim antap long bokis MOR 0186 na MOR 0184 i no stret tru bihainim lo i lukautim wok bilong ileksen. I gat 4-pela balot bokis we tupela balot bokis i gat wankain namba MOR 0186 na narapela tupela i gat wankain namba MOR 0184.

Tasol Mista Saulep i tok ol i nogat toktok long dispela foapela bokis wantaim wankain namba. Ol i gat toktok tasol long wanem as na Riten Opisa i kirap gen na raitim namba 1 na namba 2 long dispela wankain bokis ya.

Em i tok sapos balot bokis i bin sot long taim ol ileksen opisa i go kisim vot long Waria, orait ol inap kisim sampela moa balot bokis long Wau we i gat sampela ekstra balot bokis i stap. Tasol ol i no mekim olsem na ol i go het na yusim wankain bokis long

pulapim ol balot pepa insait.

Dispela i bin las foapela balot bokis i kam long Waria eria long Garaina we i kamap long tali rum long Bulolo na pinisim olgeta wok bilong kaunim vot.

Mista Saulep i tok taim dispela foapela bokis i no bin kam yet, Samson Napo i bin stap pas long namba. Taim ol dispela bokis i kamap, em nau John Muingnepe i go pas na winim Samson Napo long 45 vot tasol.

Jas i go pas, Sir Kubulan Los, Jas Mark Sevua na Jas Gib Salika i harim dispela Suprim Kot.

Jas Sevua i askim Saulep sapos em i gat toktok egensim ol balot pepa insait long ol dispela bokis na sapos ol dispela vot i no kamap stret. Tasol Mista Saulep i tok ol i nogat toktok ol pepa na balot bokis. Ol i toktok long pasin Ritening Opisa i mekim long raitim namba 1 na 2 long bokis. Dispela i mekim bokis ya i no stret bikos em i no kam long opis bilong Iktoret Komisin. Na dispela i mekim olgeta bokis ya i no stret long kaunim ol vot insait.

Jas Sevua i tok em i no lukim wanpela as bikos i nogat toktok egensim risal bilong vot, i nogat toktok long pasin paul long ol dispela bokis na i nogat arapela trabel i kamap long karim ol dispela bokis i go long tali rum long kaunim.

Ausait long kot Mista Saulep i tokim Wantok olsem em i luksave olsem ol Jas i pulap gut

long harim ol kot bilong balot bokis na ol balot pepa i gat trabel o paul pasin long ol. Na ol i no bin harim dispela kain ileksen kot em i kamapim nau olsem Ritening Opisa i mekim asua long raitim namba bilong em yet i go antap long ol dispela balot bokis.

Loya bilong memba John Muingnepe Mista Stevens i no mekim planti toktok tumas bikos em i bihainim na sanap strong yet antap long Nesanel Kot disisen we i givim disisen i go long em.

Loya i makim Iktoret Komisin Dokta John Nonggorr i tokim kot olsem i gat toktok long balot bokis, i ngat toktok long balot pepa, i nogat toktok long pasin paul o bikhet nabaut. Olsem na amas tausen balot pepa i stap insait long ol dispela foapela balot bokis i stret na klinpela vot bilong ol pipel bilong Garaina husat i bihainim lo long makim vot bilong ol long makim lida.

Dokta Nonggorr i tok wanem samting Ritening Opisa i mekim long raitim namba long foapela balot bokis ya em stret bikos em i gat dispela pawa bilong karimaut wok bilong ileksen long dispela taim.

Suprim Kot i surukim de i go long Julai 31 long tokaut long disisen bilong ileksen kot bilong Bulolo ilektoret namel long nupela memba John Muingnepe na olupela memba Samson Napo.

## Ol Katolik long Riwo i lotu antap long solwara

Mesery Gubag i raitim

Long 22 Jun, ol pipel bilong lotu Katolik long Riwo insait long Madang i bin mekim lotu bilong Corpus Kristi antap long solwara.

Dispela kain lotu ino save kamap long ol arapela sios bilong ol Katolik insait long wol. Presiden bilong Divine Word Univesti, Pater. Jan Czuba igo pas long holim dispela misa we moa long 1000 manmeri i kamap long en.

As tingting bilong mekim lotu antap long solwara em long bringim tok bilong God igo long ol lain husat istap long ol ailan na tu long tingim ol blesing bilong God long ol solwara, rif na environmen.

Siaman husat i go pas long redim

ol alta na wok bilong dispela sevis, Aloysius Bilas itok dispela em namba seven taim nau long ol kongregesen bilong Immaculate Conception sios long mekim kain lotu olsem.

Em tok tu olsem Madang i kisim nem "beautiful" o naispela moa long ol planti ailan istap autsait tasol long hap bilong Riwo olsem na igutpela long sios luksave long dispela blesing na mekim lotu ausait long haus lotu tu.

"Mipela plen pinis long mekim narapela lotu antap long solwara long 2005. Dispela pasin i narakain na mipela laik askim ol arapela lain husat i laik lotu wantaim mipela long redi na kam bai mipela ikain lotu wantaim long strongim bilip bilong mipela yet," Mr Bilas itok.

## Ol Simbu lida laikim bia bai op ...Spak brus na hom bru bagarapim ples

OL LIDA bilong ol liklik ples long Simbu provins i wok long singaut long ol nesanel lida bilong ol long provins long lusim bia i go insait long Simbu provins.

Ol lida bilong Kundiawa, Gembogl na Kerowagi bin bung long las wiken na autim ol hevi ol pipel i wok long kisim long mariwana o spak brus na hom bru.

Ol i tok olsem bihain long ol i pasim bia insait long Simbu, dispela tupela samting i kamap bikpela tru na i wok long givim hevi long planti manmeri insait long Simbu provins.

Provinsel gavman i bin pasim bia insait long Simbu long 1995. Tasol ol i luksave long ol narapela hevi i

kamap bihain long ol i pasim bia.

Ol dispela kain samting olsem spak brus na hom bru i wok long bagarapim planti long ol yangpela manmeri na taim ol i save kisim ol dispela samting, ol i save mekim ol kainkain trabel na stil pasin.

Sampela lida i tok olsem wan wan lida i mas lukluk long ol pipel bilong em long skulim ol olsem spak brus na hom bru em ol samting nogut tru inap long bagarapim sindaun bilong komyniti.

Ol i tok olsem hom bru i bin kamap bikpela tru bihain long ol i pasim bia, bikos em i no dia na i isi tru long mekim.

# Siune laikim 'Yumi Yet' bris bilong Gembogl

Neville Choi  
i raitim

MEMBA bilong Gembogl long Simbu provins, John Siune i autim wari bilong em long palamen long dispela wik olsem Gembogl na Kundiawa i nogat wanpela 'Yumi Yet' bris i stap.

Mista Siune i tromoi askim i go long Minista bilong Works, Gabriel

Kapris long tokaut long wanem taim bai Gembogl i kisim wanpela bris aninit long 'Yumi Yet' bris program bilong gavman.

Mista Kapris i tokim Mista Siune olsem em i mas raitim wanpela pas i go long dipatmen bilong Works, na ol bai inap long givim em dis-

pela bris bilong Gembogl.

Mista Siune i bekim olsem em i bin raitim pas long taim yet i go long opis bilong Works minista na em i bin kisim wanpela pas i givim tok orait olsem ol bai kisim wanpela bris long ilektoret bilong em, tasol i bin longpela taim

pinis na i nogat wanpela bris i sanap long dispela hap yet.

Mista Kapris i bekim na tok olsem sapos dipatmen na ministri bilong em i givim pinis tok orait long em i nap long kisim wanpela 'Yumi Yet' bris long ples bilong em, em bai kisim wanpela bris.



•Spak brus em i wanpela bikpela hevi tru long Simbu. Provinsel gavman i bin pasim bia long 1995 na spak brus na hom bru i kamap bikpela stret na bagarapim laip bilong ol manmeri long Simbu.

## Tomiape askim minista bilong plis long noken senisim gutpela plisman

Neville Choi i raitim

TOM Tomiape, memba bilong Tari-Pori i askim Minista bilong Intenel Sekyuriti, Yawa Silupa long noken senisim wanpela plisman husat i wok long mekim gutpela wok long ol hap long Tari-Pori na Koroba-Kopiago.

Mista Tomiape i tok olsem ol pipel bilong Tari i bin askim em long toktok wantaim Mista Silupa bai em i ken givim oda olsem ol i no inap long senisim dispela plisman husat i save wok hat stret long strongim wok lo na oda long ol dispela hap.

Mista Tomiape i tokim palamen olsem bihain long dispela plisman i bin go stap long Tari-Pori, em i bin

mekim gutpela wok long strongim lo na oda namel ol komyniti long hap, na ol i no laikim wanpela narapela plisman i kam na kisim ples bilong dispela wanpela plisman.

Mista Tomiape i no tokaut long nem bilong dispela plisman, tasol em i tok olsem ol pipel bilong Tari-Pori na Koroba-Kopiago i gat gutpela sindaun tasol long wok bilong dispela plisman.

Mista Silupa i bekim olsem em i no save long dispela senis na em bai i go na painimaut long dipatmen bilong ol plis long lukluk long dispela askim na bihain bai inap long givim bekim long palamen i go bek long memba bilong Tari-Pori.

## Ol yut long Westen Hailans laik senisim laip

OL YUT long Tambul na Nebiliya insait long Westen Hailans provins i tokaut pinis olsem ol i laik senisim laip bilong ol na pinisim stil pasin bilong ol.

Wanpela mausman bilong ol i tokaut long dispela wik olsem ol yut i tokaut olsem ol bai noken mekim stil pasin moa.

Ol yut i tok olsem ol i lukim olsem bikpela samting em long kisim divelopmen i go long ples bilong ol. Ol i tok olsem stil pasin i no wanpela gutpela samting, na ples bilong ol bai i no inap long kisim divelopmen sapos ol i mekim stil pasin.

Ol i skelim olsem ol i nap long givim sevis i go long komyniti bilong ol sapos ol i lukluk long ol samting olsem statim ol liklik bisnis bilong ol

yet long ples.

Planti long ol dispela yut i tokaut olsem ol i tingting tu long ol lain bai i kam bihain long ol.

Ol i tok olsem ol pikinini bilong ol i mas noken mekim dispela kain stil pasin na ol i mas save long wok hat long helpim komyniti bilong ol.

Ol i luksave olsem ol stil pasin bilong ol i wok long bagarapim komyniti bilong ol.

Ol i tok olsem ol bai stapim olgeta stil pasin bilong ol na ol bai i stop long smukim spak brus wantaim long dispela sarere i kam.

Ol i salim pinis ol toksave i go long ol bikman bilong plis na ol lida long Tambul-Nebiliya long kam na luksave long dispela senis bilong ol.

## Baisu kalabus kisim kaikai

OL KALABUS long Baisu Kalabus long Westen Hailans provins i kisim liklik helpim long kaikai i kam long Ivenjelikel Brathahud sios (EBC).

Dispela sios i givim Baisu Kalabus ol kaukau, banana na ol narapela kaikai.

Ol manmeri bilong EBC i bin karim ol dispela hap kaikai i go long wanpela program bilong sios long Baisu.

Dispela program i stap insait long plen bilong Koreksenel Sevises (CS) dipatmen.

Nupela bosman bilong Baisu kalabus, Berry Forova i tok amamas long helpim i kam long EBC na em i tok tenkyu long ol.

Aninit long dispela sios program bilong CS dipatmen, ol i laik skulim ol kalabus long gutpela sindaun sapos

ol i givim laip bilong ol i go long God papa.

Mista Forova i tok olsem sapos ol i pinisim taim bilong ol long kalabus, ol bai inap long kamap gutpela manmeri insait long komyniti.

Em i tok olsem sapos ol narapela sios i laik go bungim ol lain kalabus long Baisu na helpim ol, ol inap long go na skulim tok bilong God i go long ol.

Em i tok olsem olgeta kainkain sios inap long go long Baisu long helpim ol wan-lotu bilong ol.

Mista Forova i tok olsem i nogat hevi namel long olgeta sios bikos Baisu kalabus i save opim ol dua bilong ol i go long olgeta sios long kam na helpim ol trangu kalabus.



### OFFICE OF THE REGISTRAR OF POLITICAL PARTIES

## PUBLIC NOTICE

I WISH TO INFORM THE PUBLIC THAT MY OFFICE IS CONDUCTING A NUMBER OF AWARENESS CAMPAIGNS ON THE PROPOSED CHANGES TO THE INTERGRITY OF POLITICAL PARTIES AND CANDIDATES LAW.

OPEN FORUM UPNG - FRIDAY, 4 JULY, FROM 3 - 5PM

TALKBACK ON NBC - SATURDAY & MONDAY, FROM 7 - 8 PM FOR TWO WEEKS COMMENCING 5 TO 14 JULY.

FM 100 TALK BACK - TUESDAY, 8 JULY 10AM - 12PM ON

INFORMATION ON THE PROPOSED CHANGES WILL SOON BE AVAILABLE ON THE PRIME MINISTER'S WEBSITE at [www.pm.gov.pg](http://www.pm.gov.pg).

MORE INFORMATION ON THE AWARENESS CAMPAIGN WILL BE PUBLISHED NEXT WEEK IN THE WANTOK NIUSPEPA

Authorised by the Registrar of Political Parties, Paul Bengo CBE.



# Ol Tari bagarapim ol Goilala

## ... Sampela gutpela manmeri i dai nating

PAIT i kamap namel long ol pipel bilong Tari long Sauten Hailens na ol pipel bilong Goilala long Sentral provins las Fonde long Pot Mosbi i lukim 10-pela pipel i dai, namel long ol dispela dai manmeri em i wanpela liklik gel tu husat i gat tupela krismas tasol.

Pait i bin kirap taim ol lain Tari i kam na bagarapim Tete setelmen we ol Goilala save stap long Gerehu.

Ol i bagarapim stret dispela hap na i bin ronim na sutim ol manmeri wantaim naip long kilim ol.

Ol Tari i bin wokim dispela pasin bikos ol i bilip olsem ol Goilala i bin kilim wanpela man Tari.

Bodi bilong dispela man sampela lain i bin painim klostu long Tete setelmen long moning las Fonde olsem na ol Tari i suspek olsem ol Goilala i kilim em.

Tasol bekim bek bilong ol i bagarapim planti inosent manmeri bilong Tete setelmen, namel long ol em dispela yangpela gel tupela krismas bilong em.

Papa bilong dispela gel i bin karim em stap long haus taim ol birua i bin kam.

Papa i bin karim pikinini bilong em long bros bilong em na man nogut husat i bin laik sutim em wantaim naip i bin abrus na sutim liklik gel ya long het bilong em.

Ol Goilala i givim wanpela petisen i go long Sosol Welfe na

Developmen minista, Ledi Carol Kidu, Goilala MP, Fabian Inne na Sentral provins gavana, Alphonse Moroi.

Ol i sanapim tu tripela haus long kamap olsem ol haus kraik na ol yut i wok long raun long rot, soim ol kad na askim ol manmeri long mani long helpim ol dispela i kisim bagarap long dispela pait na long salim ol bodi i go long ples bilong ol. Wanpela wokaton i bin kamap long Tunde tu long kisim mani.

Ol yut i tokim ol manmeri olsem ples long Gerehu i orait na ol i mas noken pret long muv raun.

Polis i sasim 31 pipel wantaim wilful merda na i luk olsem bai ol sasim sampela moa yet.

# Wanpela moa meri putim ten long Miss PNG resis

MISS PNG Red Cross resis i gat wanpela nupela meri husat putim pinis laik bilong em long stap insait long dispela resis.

Dispela yangpela meri i bin bungim sampela bikpela hevi taim em liklik.

Sibona Bogahenao husat i gat 22 krismas, i wok olsem wanpela akauns supavisa wantaim RH Hypermarket husat i sponsorim em long dispela resis olsem Miss RH Hypermarket.

Long las wik Fraide, ol sponso bilong em i mekim ofisal lonsing bilong em long stap long dispela resis na statim kempen bilong em long bungim mani o fandreising long ol kainkain samting olsem

danis na dina bilong sariti wok o wok bilong helpim ol trangu na ol sik lain, o nogat kaikai o klos.

Miss Bogahenao i tokim ol lain husat i bin stap long dispela lonsing olsem bikos em i bin fes bon bilong ol sixpela pikinini insait long famili, laip i bin hat long sampela taim, tasol em i no save tubel tumas na wantaim luv na sapot bilong papa na mama bilong em, em i kamap long mak we em i stap long em nau.

"Mi amamas na tok tenkyu tru long ol bikos ol i givim mi strong long bihainim ol driman bilong mi," em i tok.

Miss Bogahenao i bilong Barakau na Hanuabada insait long Sentral provins.



**Hevi bilong diwai** • Planti kros i kamap pinis long dispela logging projeck i wok long kamap long Kiunga-Aiambak. Long wik bipo las wik, Greenpeace, wanpela intenesenel grup husat i save kempen long lukautim kain samting olsem graun, solwara na ol animol antap na insait long tupela, i tok strong olsem nesenel gavman i mas holim pasim ol timba kampani Concord Pacific i katim insait long dispela Kiunga-Aiambak logging projeck na stapim operesen bilong ol dispela lain. Greenpeace i tok olsem gavman i tok planti taim pinis olsem dispela projek em i no stret bikos em i no bihainim lo stret na tu i wok long bagarapim graun na laip bilong ol pipel long hap, tasol nogat wanpela samting i kamap yet long stapim ol dispela pasin nogut. Ol poto ya i soim ol operesen i wok long go het yet. Fes wan i soim ol trak bilong Concord Pacific i muvim ol diwai klostu long ples Binge na narapela i



# FRI GIFT PACK\*



**Speed K3,500**  
SAVIM K402

- EF2600 Model
- 2.8 KVA
- 2800 Watts Out-Put
- 4 Stroke Fuel

**Baim wanpela bilong ol dispela kain Genset long dispela taim bilong promosen na bai yu ken kisim wanpela Yamaha Fri Gift Pack.**

*HARIAP NOGUT BAI PINIS!*



**Speed K1,965**  
SAVIM K330

- ET950 Model
- .78 KVA
- 950 Watts Out-Put
- 2 Stroke Fuel



**Speed K1,695**  
SAVIM K240

- ET650 Model
- .55 KVA
- 650 Watts Out-Put
- 2 Stroke Fuel

**OLGETA PRAIS IGAT 10% VAT TAKIS**

**15 BRANCHES NATIONWIDE**  
PORT MORESBY • LAE • KOKOPO • MADANG  
GOROKA • MT HAGEN • WEWAK • KAVIENG  
KIMBE • TABUBIL • VANIMO • BUKA • ALOTAU

**Ela Motors**  
  
www.elamotors.com.pg

# Karanas Ke Asosiesen helpim ol Nu Ailan long helpim ol yet

## Neville Choi i raitim

WANPELA asosiesen long Kavieng long Niu Ailan provins i wok long skulim ol manmeri bilong provins long yusim ol risoses bilong ol long kamapim gutpela sindaun bilong ol na famili bilong ol.

Karanas Ke (Care) Asosiesen em wanpela non gavman oge-naisesen o wanpela grup we i no save kisim helpim long gavman.

Dispela asosiesen em i save go raun long ol liklik ples long Niu Ailan na givim skul long ol manmeri long ol samting olsem statim bisnis bilong ol yet wantaim ol samting olsem graun, vanila, kopra, kakao na wel pam.

Ol komyuniti we Karanas Ke i go raun pinis long ol i tok amamas long kain wok dispela asosiesen i wok long mekim.

Ol i go raun pinis long 7-pela komyuniti insait long Sentrel Niu Ailan, tupela long Namatanai na tupela long Tikana Lokol Level Gavman long statim dispela program bilong ol.

Ol i save givim skul long ol manmeri long ol developmen plen bilong nesenel gavman.

Man husat i go pas long

Karanas Ke, Jarius Parorie, i tok olsem planti manmeri long ol ples ol i go raun na mekim wok awenes i givim sapot bilong ol long dispela program.

Mista Parorie i tok olsem ol i bin go raun long tripela skul na ol i bin helpim long skulim ol sumatin long lukautim graun na ol samting i gro long graun.

Ol i bin givim ol liklik buk long ol dispela skul long lukautim gut graun long makim Wol Envairnmen Dei long las mun.

## Sapotim liklik wok bisnis

Mista Parorie i bin tokim Wantok Niuspepa olsem Karanas Ke i save sapotim tu infomel sekta o liklik wok bisnis bilong ol manmeri long ples na long taun tu.

Em i tok olsem Karanas Ke i wok long askim ol opis bilong gavman long Niu Ailan long kamapim sampela gutpela polisi long strongim ol wok liklik bisnis long wanem i gat planti manmeri husat i wok long statim ol liklik wok bisnis bilong ol yet long mani.

Mista Parorie i tok olsem ol manmeri i kisim taim stret long kisim mani, na dispela kain liklik

wok bisnis i wok long helpim planti long ol long mekim mani bilong famili bilong ol.

Insait long Kavieng taun yet, Mista Parorie i tok olsem wanpela maket ol i kolim 'kona maket' em i soim olsem planti manmeri i wok long lukluk long liklik wok bisnis bilong ol long kisim mani.

Dispela maket i stap long sait bilong Buluminski Haiwe na i save givim sans long ol manmeri long kam na salim kaikai na ol narapela samting long hap.

Mista Parorie i askim gavman bilong Gavana lan Ling-Stuckey na Kavieng Urban Atoriti long lukluk long ol liklik wok bisnis bilong ol manmeri na traun na kamapim ol gutpela polisi bilong provins bai i nap long helpim ol pipel.

Nau yet Karanas Ke i wok long givim ol hap hap vanila kating wantaim skul long we bilong planim na lukautim vanila i go long ol manmeri.

Ol i gat wanpela klinik bilong ol pikinini i stap long Kavieng taun yet, na ol i save givim skul long ol kain kain samting olsem helpim ol fama long we long groim ol samting.

## Gavana i no laikim PEA paulim wok painimaut bilong Treseri

GAVANA bilong Niu Ailan, lan Ling-Stuckey, i no laikim Public Employees Association (PEA) i suvim nus na paulim wok painimaut bilong Dipatmen bilong Treseri i go insait long ol pablik sevens husat i wok long paulim mani bilong provin-sel emnistresen.

Mista Ling-Stuckey i bin mekim dispela singaut taim em i bin toktok long wanpela bikpela kibung long Samo viles long Namatanai.

Em i tok olsem PEA i mas lukluk long senisim ol man i go pas long han bilong PEA long Kavieng.

Mista Ling-Stuckey i tok olsem ol i

noken bung wantaim ol lain bilong ol long Kavieng bilong wanem ol dispela lain i bin wok klostu wantaim ol lain pablik sevens plis i sasim ol pinis.

Long palamen las wik, Mista Ling-Stuckey i tokaut tu olsem plis i bin sasim pinis wanpela sinia pablik seven bikos ol i tok em i paulim K323,583 we i bin stap insait long Nu Ailan Imejensi Fan aninit long lukaut bilong Helt Dipatmen long Nu Ailan.


Plis i bin lusim dispela pablik seven pinis bihairi long em i peim K500 i go long kalabus na wetim kot bilong em long Jun 30.

## Nu Ailan gavman laik pulim pawa long Kavieng i go long Namatanai

NU AILAN provin-sel gavman i makim pinis pawa bai i mas go pas olsem wanpela bikpela projek aninit long Pablik Invesmen Program bilong nesenel gavman.

Nu Ailan provin-sel gavana, lan Ling-Stuckey i bin tokaut long dispela las wik long palamen bihairi long em i bin bung wantaim memba bilong Kavieng, Martin Aini na Nu Ailan provin-sel edministreta Robinson Sirambat long givim wanpela pepa long dispela projek i go long minista bilong Nesenel Plening, Sinai Brown.

Mista Ling-Stuckey i



•Minista bilong Nesenel Plening, Sinai Brown.

tok olsem provin-sel gavman bai kisim K12 milien long pulim pawa long Kavieng i go inap long Namatanai.

Nambawan hap bilong dispela projek long Kavieng i go inap long Bol viles we i stap long boda bilong Kavieng na Namatanai bai i mas gat K1.8 milien. Em i tok olsem provin-sel gavman i wok long askim long K630,000 bai i kam long nesenel gavman long statim dispela projek.

Mista Aini i tokim Mista Brown olsem ol komiti bilong baset lukautim Kavieng i givim tok orait bilong ol pinis long dispela projek and em i tok tenkyu long PNG Power long helpim bilong ol.

## Manus plisman kisim taim

OL PLISMAN na meri long Manus provins i kisim taim nau bihairi long Helt Dipatmen i pasim plis stesen, ol sel na sampela haus bilong ol.

Dispela i pasim wok bilong olgeta plisman husat i wok long Manus.

Sampela ol kalabus husat i stap wetim kot bilong ol i go fri bihairi long ol plis i lusim ol i go aut long sel bilong ol taim Helt Dipatmen i pasim.

15-pela haus bilong ol plisman, plis stesen na ol sel bilong holim kalabus i wetim kot i pas.

Ol sampela plisman husat i nogat famili i bin

baim balus tiket long mani bilong ol yet na lusim provins pinis.

Tasol ol plisman long Manus i gat planti moa hevi.

24 plisman olgeta bai kisim taim stat long tude.

Helt Dipatmen i bin givim oda long pasim ol dispela haus na plis stesen long 3-pela mun i go pinis.

Ol i bin givim inap long tude long ol plis long painim mani na mekim ol senis long stretim ol sel na plis stesen wantaim ol haus bilong ol.

De bilong dispela em i pinis tude.

Nau bai ol plisman i nogat hap long wok.

Ol i save kisim taim tu long painim bensin bilong kar na moto long mekim wok bilong ol long strongim lo na oda.

Ol bikman bilong plis long Manus i wok long toksave long ol manmeri bilong Manus olsem sapos ol i painim hevi, ol i mas traun na stretim namel long ol yet.

Dispela em i bikos plis bai i no nap long helpim ol long dispela.

Ol i tok olsem sapos ol manmeri husat i painim hevi i kisim hevi bilong ol i kam na ripotim long plis long taun, ol bai i mas baim bensin bilong ol plis bai ol inap long go na helpim ol long stretim.



• Planti yut long Wes Nu Briten i wok long painim hevi long spak brus. Dispela samting em wanpela bikpela hevi long dispela provins. Olsem na ol plis long hap i wok long traun na stopim. Nau opis bilong ol yut long Wes Nu Briten i kisim sampela helpim, bai ol i nap long stopim ol yut long smokim spak brus. fail foto.

## LLG memba i tok Ling-Stuckey i no lukluk long Namatanai

WANPELA memba bilong Namatanai Lokol Level Gavman i tokaut olsem Gavana bilong Nu Ailan, lan Ling-Stuckey i lus tingting long Namatanai.

Alfred Elisha, presiden bilong Namatanai Lokol Level Gavman i tok olsem i gat planti niuspepa ripot long ol wok bilong provin-sel gavman aninit long Mista Ling-Stuckey, tasol ol pipel bilong Namatanai i no lukim wanpela kain liklik wok bilong gavman bilong em.

"Ol gavman sevis ino kamap na gavana i wok long givim aut ol teng wara, sospen na ol karasin kuka na mekim ol manmeri i kisim kain pasin olsem kago kal.

"Namatanai i no kisim pawa saplai moa long wanpela wik, helt senta na ol skul i pas, tasol gavana i wok long

givim aut ol teng wara na dingi yet," Mista Elisha i tok.

Em i tok olsem dispela kain givim aut long ol samting i go long ol pipel i wok long kamap olsem wanpela kago kal ken.

Em i tok dispela i wok long kamap aninit long dispela 'Lemus straksa' we i wok long lus tingting long ol pipel bilong Namatanai.

Mista Elisha i sapotim tu toktok bilong PEA Presiden Napoleon Liosi we em i askim Praim Minista Sir Michael Somare, husat i save lukautim Pablik Sevis ministri long lukluk long ol hevi bilong ol pablik seven long Nu Ailan.

Em i tok tenkyu long ol bisnis long Namatanai husat bai i pasim ol stoa bilong ol bai gavana i kisim ol sevis i go long Namatanai.

## Ol yut long Wes Nu Briten i kisim helpim

OL YUT long Wes Nu Briten i kisim pinis helpim inap moa long K21,000 i kam long Papua Niugini Komyuniti Developmen Skim (CDS) long strongim provin-sel yut kaunsil bilong ol.

Yut opis long Kimbe bai yusim dispela mani long baim ol nupela kompyuta na masin na long givim trening i go long ol yut loida long olgeta distrik long

Wes Nu Briten.

Siaman bilong Wes Nu Briten Yut Kaunsil, Conrad Golumu i tok olsem hap mani bai i go long kirapim wanpela provin-sel yut program.

Em i givim bikpela tenkyu i go long CDS long givim dispela mani long helpim ol yut long provins.

Yut opis i no bin kisim wanpela

mani i kam long provin-sel gavman.

Bipo, Wes Nu Briten provin-sel gavman i save putim liklik mani long provin-sel baset long ol yut, tasol nau i nogat tu.

Yut kaunsil i laik kirapim gut ol wok bilong ol yut bai ol ino nap mekim ol stil pasin na bagarapim ol yet long smuk spak brus na ol narapela kain samting nogut.



# 896 giaman tisa i save kisim pe long potnait

BUNG bilong ol Provinsal Edukesen Advaisa (PEA) las wik long Lae i painim aut olsem i gat 986 giaman nem bilong ol tisa i save kisim potnait nating insait long kantri.

Seketeri long Edukesen Peter Baki i tok dispela em bikpela hevi na sapos ol i rausim ol dispela giaman nem bai Gavman i ken sevim gut K12 milien long olgeta yia.

Olsem na dispela senis bai helpim long kamapim nupela sistem bilong pe rol we ol bai kamapim long mun Oktoba. Ol

provinsal opisa i kisim moa save long dispela nupela sistem na dispela woksop i helpim ol long redi long dispela nupela sistem.

Long dispela taim bilong woksop tu ol Provisal Edukesen Advaisa i lukluk insait gen long lif pe bilong ol tisa long dispela yia 2003, ol i luksave olsem i gat inap mani bilong lukautim ol tisa long dispela yia. Dispela i soim tu olsem 2002 woksop i bin kamap gut we ol i bin bung na kamapim baset bilong dispela yia 2003.

Ol Provinsal Edukesen Advaisa

i redi nau long givim klia tingting long ol Edministreta bilong ol long wanwan provins long putim stret namba o baset bilong ol tisa long lif fea bilong ol long 2004 neks yia.

Insait long dispela woksop tu ol i tokaut long ol hevi bilong ol tisa i aplai long kisim wok na ol i kamap wantaim sampela gutpela rot nau we ol tisa i ken aplai long ol posisen we i gat ekting tisa i holim longpela taim i kam na tu ol tisa i ken aplai long winim ol posisen we i nogat man long en. Woksop ya i luksave long ol hevi na eria bilong stretim long kamapim gutpela sis-

tem long dispela.

Ol i redim narapela woksop long mun Ogas long lukluk insait long ol wok na hevi bilong ol elementeri skul long sait bilong rejistresen na posisen na baset bilong skul.

Mista Baki i mekim bikpela tok amamas long ol Provinsal Edukesen Advaisa long kamap na kamapim ol bikpela hevi we i save kamap olgeta taim we ol i ken lukluk nau na stretim. Em i tok amamas tu long AusAID long givim helpim long kamapim dispela woksop.

Long dispela woksop tu ol provinsal edukesen i kisim save olsem ol i mas stretim gut ol ripot na rekot na salim stret olgeta i go klia long nesanel edukesen opis bai ol wok bilong redim pe na arapela mani na helpim bilong ol tisa i ken kamap gut na stret.

Dispela woksop i kamap gut tru we planti hevi bilong ol tisa long sait bilong balus tiket na sait bilong makim ol tisa long wok em ol i tokaut long en na kamap wantaim ol tingting na rot bilong stretim nau long baset na nupela sistem bilong pe long neks yia i go.

## Bogenvil laikim vokesenel na teknikel skul

HELT na Edukesen sevis em tupela bikpela samting we bai strongim wok long gutpela sindaun long Bogenvil.

Planti skul i wok long op nau long Bogenvil long komyuniti, praimer, viles Tok Ples level na tu long sait bilong ol vokesenel trening.

Bikpela wari long Bogenvil em long planti ol pikinini we hevi i bin karamapim ol na ol i gro bikpela tasol ol i nogat gutpela skul. Sampela long ol em ol bin staim skul tasol ol i bin stap long komyuniti skul taim Bogenvil hevi i kamap na ol no bin skul moa long 10 na 12 yias na planti bilong ol i pilim olsem ol i bikpela pinis na ol i les long go bek long skul wantaim ol liklik sumatin we krismas bilong ol i daun-bilo tumas long ol.

Olsem na i gutpela long kirapim moa vokesenel na teknikel skul insait long Bogenvil bilong helpim ol manki i laik skul long wok mekenik, kapenta, wok agrikalsa, fiseris, welda na ol arapela teknikel wok we bai helpim ol yangpela long kisim mani na ol i ken lukautim ol yet na famili bilong ol.

Moma Vokesenel na teknikel Hai skul long Buin, Arawa vokesenel na teknikel skul na Mabiri Bois Teknikel skul long Mabiri insait long sentrel Bogenvil em tripela long ol skul we i wok long helpim gut ol yangpela long kisim save long teknikel na akademik eria wantaim.

Ol ripot i tok tu olsem moa skul i wok long op long Bogenvil na tu nau, ol eria long "no go jon" we i tambu bikos ol BRA

i kontrolim em, ol skul i op long em tu.

Rot we ol skul i wok long op em sapos komyuniti i laikim skul long eria bilong ol, komyuniti yet i tok orait na sapatim ol wok long redim ol samting bipo skul i ken sanap. Em long sanapim ol klasrum na haus tisa, painim ol voluntia tisa, larim eria skul inspekta long go lukim skul na bihain em i glasim ol samting na i stret, rejistaim skul na aplai i go long PNG Edukesen Dipatmen long kisim ol tisa wantaim setifiket bilong kisim ples bilong ol voluntia tisa.

Planti skul long Bogenvil nau i kam aninit long edukesen rifom o senis we Nesenel Gavman i bin statim long 1995. Na provins i gat tupela sekenderi skul long Hutjena na Bisop Wade long Tarlena.

## UPNG na CDI strongim wok long sevim

Veronica Hatutasi i raitim

WOK pren namel long Yunivesiti ov PNG (UPNG) na Chevron Texaco em wanpela non gavman ogenaiesen na Komyuniti Dvelopmen Inisitiv (CDI) i go strong moa bihain long ol i makim Din o bos bilong Skul ov Medisin na Saiens, Profesa Mathias Sapuri olsem CDI bod dairekta.

Dispela em gutpela nius long tupela ogenaiesen bikos ol i go insait long narakain progrem bilong karim sevis i go long ol pipel long ol ruel eria o ples i stap longwe long taun we i hat long ol pipel i kisim ol gavman sevis.

Eksekutyut Dairekta bilong CDI Dennis Fleming i bin raitim wanpela pas na askim em sapos em i ken kamap olsem wanpela long ol bod dairekta.

Dispela i bihainim wanpela agrimen we edministresen bilong UPNG na CDI i bin sainim long mun Epril we i strongim progrem bilong skul i skruim na strongim ol wok bilong em insait long Pimaga long Sauten Hailans na Kikori long Galf provins.

Ol pipel insait long ol ruel komyuniti bai kisim gutpela helpim long ol dokta bilong UPNG na long wankain taim tu, givim sans long skul (marasin skul) long skruim trening progrem long ol ruel komyuniti.

Aninit long progrem CDI bai lukautim kos o pe bilong trentop na ples bilong slip long ol medikel opisa na ol sumatin i skul long kamap dokta husat i wokim fainel yia bilong ol i go stap na wok



• Profesa Mathias Sapuri (lephan) na vais sansela bilong UPNG Les Eastcott i sindaun long bung wantaim ol CDI lain. Foto: BRIAN TOBIA

long ol ruel komyuniti.

Profesa Sapuri i bin tok welkam long dispela askim long em i kamap wanpela CDI bod dairekta na em i bilip olsem dispela bai strongim wok bung namel long tupela ogenaiesen long kisim salens bilong karim ol sevis i go long ol ruel komyuniti.

Em i bin tok dispela i bikpela samting long wanem em bai strongim UPNG na CDI long putim wantaim ol risos bilong ol na wok bung long wok we tupela i laik kamapim long en.

Wantaim dispela wok em i

kisim i min olsem bai i gat moa toktok na wok bung wantaim long skruim wok long dispela eria. Na bai inap long helpim kisim ol sevis long ol eria we gavman i no inap long go long en, putim ol dokta long karimaut ol rises wok we bai helpim gavman taim em i mekim ol helt progrem bilong em.

I kam inap nau, CDI i bungim planti salens taim ol bikpela sik i kamap na em i luksave olsem em i mas wok wantaim ol arapela ogenaiesen olsem UPNG long helpim ol komyuniti.

Em i bin tok CDI em i wanpela NGO grup we i laik helpim ol ruel komyuniti long sait bilong mekim ol i lukautim gut ol yet na tu, long kamapim ol gutpela samting long sait bilong ol lain i save givim ol sosel sevis i go long ol.

Wanpela long ol bikpela samting we ol i wok long en em long kisim gutpela komyuniti helt insait long ol ruel eri, moa yet long sapatim na helpim ol lain i givim praimer helt kea na tu, long helpim ol komyuniti long bihainim ol rot we ol i ken abrusim sik.

## Ol savelain stapim sik SARS long go bikpela

OL Minista bilong Asia Pasifik Ekonomik Komyuniti (APEC) i bung long Singapo long lukluk long ol rot bilong redim kantri sapos wanpela bikpela sik nogut i kamap long bihain taim. Ol i mekim dispela bihain long sik SARS i kamapim bikpela hevi long planti kantri insait long Asia Pasifik rijon long dispela yia.


Insait long dispela APEC bung tu bai ol Minista i lukluk long ol rot bilong kirapim bek bisnis na long sait bilong lukautim gut ol kaikai taim wanpela bikpela sik nogut i laik kamap bihain taim.

Long las wik Wol Helt Ogenaisesen (WHO) i lukluk long ol hevi na bagarap sik SARS i bin kamapim. Olsem na long dispela APEC bung bai ol Minista i lukluk long sait bilong bisnis na gavman we SARS i putim ol long hevi. Bai ol i toktok tu long rot bilong pait egensim sik SARS na rot bilong kirapim bek bisnis na wanem eksen bai ol i kisim long bihain taim long sanap egensim kain bikpela sik olsem.

WHO i bin tokaut pinis olsem sik SARS em nupela kain sik we inap kisim olgeta pipel long dispela taim insait long wol. Olsem na rot bilong abrusim sik SARS na arapela wankain sik olsem long bihain taim WHO i laikim olgeta kantri long wol i mas redim ol yet gut na sanap wantaim long daunim wanem kain pret inap kamap long bihain taim.

Sik SARS nau em ol saveman na ol dokta i wok long stapim na daunim sik ya long i noken go bikpela moa na planti manmeri i no moa kisim dispela sik. Olsem na ol dokta i wok hat long stapim dispela sik olgeta na tu kamap wantaim rot bilong stapim ol kain bikpela sik olsem we i laik kamap long bihain taim.

**Natnat i wok long Bagarapim yu? Yu wari tumas long Sik Malaria? OL TAUNAM BILONG SALIM**



**Rotary i pait egens Malaria Kam lukim mipela long 6 mile o Ringim - 325 8900 Prais i daunbilo na i gutpela stret- Yu ken baim planti long wanpela prais DEPT OF HEALTH - WHO - UNICEF**

TOKTOK MITING  
Wantaim  
Fr. Paul Liwun SVD



LAS wik i gat bikpela hevi i bin kamap long Gerehu, insait long Tete setelmen long Pot Mosbi. OI Tari, lain bilong Sauten Hailans i bin kilim 7-pela lain bilong Goilala long Sentrel provins long bekim bek.

Dispela hevi i bin kamap bikos ol lain bilong Tari i bin sutim tok olsem ol Goilala i bin kilim wanpela man Tari taim em i go long Gerehu maket long salim smuk.

Pasin bilong bekim bek em i stap strong long taim bilong tumbuna tasol. Nogat. Long taim bilong yumi tu pasin nogut bilong ol tumbuna i stap pas yet, maski ol manmeri i stap insait long bikpela siti olsem Pot Mosbi.

Tasol yumi mas tingim gut. I no olgeta manmeri bilong Tari i stap long Pot Mosbi i gat dispela kain pasin. Ol liklik lain tasol i mekim pasin nogut, na olgeta manmeri bilong Tari i kisim nem nogut.

Bilong wanem na pasin bilong bekim bek i stap strong yet?

Wanpela sumatin, gret tri long St Peter Primary Skul i skul i stap na belo bilong 3-kilok i pairap long makim taim bilong skul i pinis. Boi ya i lusim klasrum bilong em wantu tasol na ran i go long geit.

Em i save pinis olsem mama bilong em bai wetim em long geit. Bikos olgeta apinun, mama bilong em i save kam na kisim em long skul na go bek long haus bilong ol long Henao Draiv long Goden.

Taim em i lukim mama bilong em na holim pasim em, boi ya i tok, "Mama long taim bilong lans, wanpela boi i paitim het bilong me, na yu lukim, poret bilong mi i solap liklik i stap yet."

Mama bilong em i save pinis olsem pikinini bilong em i bin mekim sampela samting i rong, olsem na pren bilong em i bin paitim em.

Tasol, olsem wanpela gutpela mama i save lukautim gut ol pikinini bilong em, em i no bin krosim pikinini bilong em.

Nogat.

Mama ya i askim pikinini bilong em, "Taim pren bilong yu i bin paitim yu, yu tu i bin paitim em long bekim pen i stap long poret bilong yu o nogat?"

Pikinini i tok, "Nogat na nogat tru."

Mama bilong em i bin kirap nogut tru taim em i harim olsem pikinini bilong em i no bekim.

Mama i askim em gen, "Bilong wanem na yu no bin bekim long paitim em?"

Pikinini i bin bekim olsem: "Mama, mi bin pilim pen nogut tru taim em i paitim mi. Olsem na mi tingim long mi yet olsem - sapos mi bekim em na paitim em, em tu bai pilim pen moa moa yet. Olsem na mi no bin pait bek na paitim em. Em i rong a?"

Jesus i tok, yu mas laikim narapela manmeri olsem yu laikim yu yet.

Bikos God i bin laikim yu pastaim tru. Sapos yu tok yu laikim God, yu mas soim long laikim ol narapela manmeri.

Tasol sapos yu bagarapim laip bilong ol narapela, em i mak olsem yu no laikim God.



**"God i bin mekim gut tru long yumi na yumi mas mekim ol gutpela pasin"**

Yumi mas tokim ol manmeri long ol i mas stap anit long ol king na ol gavman, na ol i mas bhainim tok bilong ol. Na oltaim ol i mas redi long mekim olgeta kain gutpela wok. Ol i no ken tok nogut long wanpela man, na ol i no ken tok pait. Oltaim ol i mas stap isi tasol na mekim gutpela pasin log olgeta manmeri. Yu save, bipo yumi tu i no gat gutpela tingting na yumi save sakim tok. Satan i bin giamanim yumi na yumi no bin bhainim rot bilong God. I olsem yumi stap wok wok nting bilong ol kain kain laik bilong bodi. Yumi bin wokabaut long pasin bilong bel kros na bel nogut long arapela. Ol man i bin birua long yumi na yumi wan wan i bin birua long arapela.

Taitus 3: 1-3

# Mosbi Angliken Bisop egensim kilim dai long Tete

Veronica Hatutasi i raitim

BISOP Peter Fox bilong Angliken Sios long Pot Mosbi i tok egensim tru pasin i kamap long Tete setelmen long Gerehu insait long Nesenel Kapitell distrik we ol i bin kilim i dai sevenpela pipel.

Olsem na em i wokim apil o askim i go long ol Kristen manmeri long tok egensim vailens o pasin bilong bagarapim na kilim dai na rausim laip bilong narapela man na tu, pasin gridi we i kamapim sem long mipela olgeta.

Hevi i kamap namel long ol Tari na Goilala pipel insait long Tete setelmen na kam bek bilong en em sevenpela pipel, we sampela em ol pikinini, em ol i bin kilim ol i dai.



• Bisop Peter Fox.

Bisop Peter i tok Mama Lo bilong PNG i tok PNG em i wanpela Kristen kantri tasol ol kain pasin i kamap long kilim dai nating nating narapela em i no soim tru piksa olsem PNG i wanpela Kristen kantri na Mama Lo i kamap long Kristen faundesens.

Em i bin tok ol kriminel o raskol i save raun fri long ol strit bilong Mosbi na wokim nabaut taim ol manmeri na pikinini i save lokim ol yet insait long ol haus na stap wantaim pret.

Em i tok planti pasin bilong kilim dai na rausim laip bilong ol man i wok long kamap na em i askim sapos dispela pasin i save kamap insait long Kristen kantri?

"Dispela kantri we yumi save stap na dai long en em Mama Lo i tok em i wanpela Kristen kantri. Olsem wanem na bai yumi giaman olsem taim yumi save yusim ol gan na tamiok long stretim ol hevi we mipela inap stretim long pasin bilong sindaun na toktok wantaim?"

"I gat ol Kristen pipel i stap insait long dispela kantri na mipela i noken givap. Mipela i

wok long sevim komyuniti tasol longpela taim tumas, mipela i lukim ol samting i kamap, pasim maus na i no wokim wanpela toktok. Na planti lain i kisim hevi pinis," Bisop Peter i tok.

Taim em i apil long ol Kristen long tok egensim pasin bilong bagarapim man, em i askim tu ol famili na haus lain long noken haitim ol bikhet man tasol tokim em long tingim famili na senisim pasin na sapos nogat, givim em long han bilong plis.

Bisop i bin tok noken wokim ol ekskius long ol bikhet man bikos em i no pasin hangre o nogat wok i bin kilim dai ol lain long Gerehu.

Em i bin tok em pasin i no stret, tingting i sot na strong long pawa i wokim na as bilong kros pait we narapela lain i peim wantaim laip bilong ol.

## Gavana Moroi helpim Riwalirubu na Gabagaribu sios



• Wanpela yut bilong Riwali ples i penim pes bilong Daniel Mona, man i makim ol yut long Sentrel Provinsel Gavman, olsem mak bilong welkam long ples bilong ol.

Steven Gimbo i raitim

LONG tupela Sande i go pinis, ol Katolik Daiosis na peris insait long kantri i bin amamasim wanpela bikpela pestode insait long sios kalenda. Dispela em ol pikinini i bin kisim sakramen bilong Konfemasio na Komyunio.

Ol bilip manmeri bilong Sen Theresa Peris long Lido insait long Vanimo Daiosis long Wes Sepik i bin amamasim dispela pestode wantaim Bisop bilong ol. Planti yangpela i bin kisim sakramen bilong Konfemasio na Komyunio.

Ol dispela lain bilong Lido i bhainim tu planti arapela bilip manmeri husat i bin kisim sakramen bilong Konfemasio insait long dispela mun, stat long pestode bilong Pentekos, em taim bilong tingim Holi Spirit i kam daun long ol disaipel bilong Jisas.

Namba bilong ol lain husat i

bin kisim konfemasio em bin 230 olgeta tasol moa yet bai kisim dispela sakramen bhain.

Bisop bilong Vanimo Bisop Cesare Bonivento i bin tok em i amamasim tru long givim Sakramen bilong Konfemasio long ol dispela lain we bai singautim Holi Spirit long kam pulamapim ol na ol bai kisim strong long mekim wok bilong Bikpela.

"Tude, yumi olgeta i mas opim tru bel bilong yumi bai Holi Spirit i ken kam insait long yumi. Em i laik mekim bikpela mirakel tasol sapos yumi i no laik opim dua bilong bel bilong yumi, Holi Spirit i no inap long kam daun," Bisop Bonivento i bin tok long stat bilong Misa lotu.

Long homili o tok skul bilong em, Bisop i bin tok Holi Spirit em Spirit bilong Jisas na strong Konfemasio, ol lain i save kisim dispela strong na kamap wan wantaim Jisas.

Em i bin tokim ol lain i kisim

Konfemasio long noken pret moa bikos ol i kisim strong pinis tasol long go aut na autim Tok. Bisop i bin tok moa olsem taim ol i kisim pinis konfemasio, orait, ol i mas stap olsem ol gutpela Kristen tru na noken go bek long pasin bilong tudak.

Ol lain peris husat i bin helpim ol bilip lain long kisim Konfemasio em Sen Joseph's Peiwi, Holi Kros, Vanimo taun, Holi Trinit, Baro, St Theresa bilong Lisiu peris, Lido na Wutung sab peris. Ol arapela peris insait long bus eria bai kisim konfemasio long sampela taim bhain taim Bisop i raun i go lukim ol long pastorel wok-abaut bilong em.

Long pestode bilong Kopus Kristi, sampela bilip manmeri bilong Lido i bin kisim sakramen bilong Komyunio na Konfemasio. Na ol i bin skruim gen long kisim dispela tupela sakramen long las Sande em pestode bilong Santu Peter na Paul.

SENTREL Provins Gavana Alphonse Moroi na delegesens bilong em i bin kisim gutpela welkam long ples Riwalirubu long las wiken taim em i bin stap insait long wanpela misa long sapotim wok bilong sios long hap.

Ples Riwali em i stap antap long maunten na yu ken lukluk i go dun long Hula Be. Ol pipel i bin kirap nogut long lukim Gavana Moroi i draiv i go long ples bilong ol. Hariap tru, ol lidaman i bin singautim wanpela miting na pasim tok long kisim gavana i go antap long maunten ples we ol pipel i bin givim em gutpela welkam stret.

Bihain Gavana Moroi i bin joinim ol pipel bilong ples Riwalirubu na Babagarubu, long wanpela sios sevis we Pasto John Naime, husat i makim sios long provinsel gavman i bin go pas long en.

Long ol toktok bilong em, Pasto Naime i bin singaut strong long bel isi na sekan pasin i mas kamap insait long komyuniti bikos planti hevi nau i stap namel long ol komyuniti na ples.

Em i bin tok PNG em i Kristen kantri na em i moabeta long yumi i pogivim wanpela arapela na wok bung gut wantaim long kamapim gutpela komyuniti.

Bihain long lotu, Pasto Naime i bin makim Gavana na Provinsel Gavman na givim K5,000 sekmani i go long nupela sios bilding komiti siaman Edward Kila.

Mista Kila i amamas long Gavana na delegesens bilong em long raun i go lukim sios bilong ol.





Office of the Registrar of Political Parties

## THE AMENDMENTS TO THE ORGANIC LAW ON POLITICAL PARTIES AND CANDIDATES AND THE CONSTITUTION OF PAPUA NEW GUINEA

### A. RE-ARRANGEMENT OF THE PROVISIONS OF THE ORGANIC LAW

1. The Revised Organic Law is a result of an extensive re-arrangement of the initial Law.
2. The re-arrangement of the provisions has not affected the main features that were entrenched in the initial Law. All these main features have not been changed.
3. The entire provision of the Law have been re-arranged to achieve some logical sequence of the Parts, Divisions, and Sections for ease of reference and comprehensibility.

### B. THE AMENDMENT (ADDITIONS; DELECTIONS ETC)

#### 4.1 Preamble Preliminary

- 4.1.1 Spear heading the list of amendments is a new addition "Preamble" that provides an "inspirational" political statement, which triggers changes to the Organic Law.
- 4.1.2 Section 1, on Compliance is expanded to include the variety of rights in the National Constitution, as clearly stated, to be regulated or restructured to give effect to the intent of the Organic Law.

#### 4.2 Administering Authority (Section 3 - 12)

- 4.2.1 The names of the administering authority the Central Fund Board of Management has been changed to that of the Integrity of Political Parties and Candidates Commission.
  - 4.2.2 The Commission is categorically declared to be a Constitutional Institution which Section 129(2) of the Constitution provides for and made reference to it to be such a body.
  - 4.2.3 The administering authority is brought from the old Organic Law, Part IV to become Part II under the revised law so that everyone knows which is the authority charged with the responsibility of administering and monitoring the Law.
  - 4.2.4 The Commission is given an additional function to administer the terms and conditions of employment of the executives of the registered political parties.
  - 4.2.5 The Commission is also given an addition power to refer and make application on issues of Constitutional interpretation to the Courts of Law.
- #### 4.3 The Secretariat of the Board (Section 13)
- 4.3.1 The administrative unit of the Board has been renamed from Secretariat to be a Registry.
- #### 4.4 Office of the Registrar of Political Parties (Sections 16 to 23)
- 4.4.1 The office of the Registrar is categorically declared to be the Constitutional Office as referenced in Section 129 (2) of the Constitution.
  - 4.4.2 An additional provision is provided for the holder of the Office, to be reappointed after he attains the voluntary retirement age of 55 years and bring it in line with what is provided for the Chief Ombudsman and the Electoral Commissioner.
  - 4.4.3 The Registrar is given an additional responsibility to administer the terms and conditions of the executives of political parties on behalf of the Commission.

#### 4.5 Executive Officers of Political Parties (Section 25)

- 4.5.1 The national executives of registered political parties, which have Members of Parliament, are entitled to remunerations from the National Budget. These only include the President, Secretary and Treasurer of each political party that has members of Parliament.

#### 4.6 Political Parties (Section 27, 29)

- 4.6.1 An additional requirement for a political party to register is that if the political party wishes to nominate or endorse candidates in Local level government elections.
- 4.6.2 An additional qualification for registration is that a political party must at least have 500 financial members and evidence by it having a register of its financial members.
- 4.6.3 There are now additional provisions to state clearly that the registered political party is a legal entity and can sue and be sued.

#### 4.7 Endorsement of Candidates (Section 53 - 54)

- 4.7.1 Political parties are prohibited from endorsing and or supporting more than one candidate for an electorate.

- 4.7.2 An independent candidate is prohibited from receiving or soliciting support from a political party.

- 4.7.3 Penalty for a winning candidate who is found guilty is nullification of the election win.

#### 4.8 Invitation to form Government (Section 63)

- 4.8.1 Where two or three political parties have an equal number of successful candidates the Electoral Commission should advise the Head of State as to which political party has the highest votes declared and the Head of State shall invite that political party to form government.

#### 4.9 Office of the Opposition and Election of the Opposition Leader (Section 64)

- 4.9.1 There is a new provision under which there is established an Office of the Opposition and those members not in Government shall in a democratic manner elect one of their members to be the Leader of Opposition.

- 4.9.2 The elected leader then appoints one of his members to be the deputy leader.

- 4.9.3 The National Budget for each year shall make funds available for the operation of the Office of Opposition.

#### 4.10 Member elected without endorsement (Section 69)

- 4.10.1 Independent Candidates are now required to join a registered political party at any time, after the return of writs and before the election of the Speaker.

- 4.10.2 If the independent candidate does not choose to be a member of a registered political party during this period, he will continue as an Independent for the rest of the term of Parliament.

#### 4.11 Funding of Female Candidates (Section 83)

- 4.11.1 This provision is amended by adding where the female candidate obtain 10% of the votes cast in the electorate, the political party shall be entitled to 75% of K10,000 payable to a successful candidate under section 74 (2) (a).

- 4.11.2 There is a new sub-section which makes it clear that where a female candidate being endorsed by a political party has been successful, the political party is not entitled to any payments under this section.

#### 4.12 Claims for Payment (Section 84 - 86)

- 4.12.1 No claims for payment will be made to a political party for a member of members who fail to lodge their financial returns to the Registrar within the prescribed period.

### C. CONSTITUTIONAL AMENDMENTS

#### 5. Motion of No confidence (Section 145 of the National Constitution)

- 5.1 The Provision in the Organic Law remains the same.
  - 5.2 Section 145 of the National Constitution is amended by adding that in the event of a successful motion of no confidence, Parliament shall immediately dissolve and national elections shall be held.
  - 5.3 When the mandate given to the political party which forms government after the election is questioned by the Member of Parliament, the Parliament is dissolved to all a new mandate to be given by the people in a general election.
- #### 6. General Elections (Section 105 of the National Constitution)
- 6.1 Section 105 is amended by adding that in the event of a successful motion of no confidence, the Electoral Commission shall advise the Head of State to issue writs for a General Election.

Authorized by  
MR PAUL BENGU, CBE  
Registrar of Political Parties

# Nes Josephine i gat bikpela laik long ol siklain

Veronica Hatutasi i raitim

**P**LANTI manmeri i save mekim bikpela hatwok long planti yia insait long ol bus ples bilong PNG, tasol nogat gutpela luksave i go long ol. Hia em stori bilong wanpela Bogenvil nesmeri husat i wok klostu long 40 krismas na i wok strong yet insait long wanpela rurel helt senta. Long taim bilong bikpela hevi long ailan, em no bin malolo o givap.

Dispela meri nes nem bilong em em Josephine Ditato. Krismas bilong em i stap namel long 55 na 60 na em i kam long ples Tokunutu long Siwai distrik. Em i gat tupela pikinini man na tupela bubu. Man bilong em Joe Ditato bilong Manetai eria i bin wanpela wokman bilong PNG Difens fos. Em bin dai long taim bilong Bogenvil hevi long 1993 samting.

Long taim bilong hevi na hatpela taim, nes Josephine i bin lukautim famili bilong em na long wankain taim tu, skruim wok olsem nes. Man bilong em i no bin stap wantaim em na tupela pikinini bikos em i stap long asples bilong em yet long Manetai na pait i banisim em i stap long hap.

Em i stap strong tru long wok bilong em we em i stat long wokim 37 krismas i go pinis.

"Lewa bilong mi i sut long helpim na lukautim ol pipel i sik, ol mama i karim pikinini na ol manmeri na pikinini we ol sik i daunim ol long kamap orait. Mi nogat tingting long pinis long wok. Bai mi skruim wok yet long Monoitu helt senta i go inap ol atoriti i tokim mi long pinis,"

Josephine i bin tokim Wantok.

"Siwai em wanpela eria long bik ailan Bogenvil we pait i bin strong tru. Bikpela pait i bin kamap namel long ol BRA na resistens paitman. Long taim PNG gavman i bin putim tambu o bloket long ailan na olgeta sevis i pas, Monoitu helt senta i bin stap op. Wanem liklik marasin i bin stap, em mipela i yusim long helpim olgeta lain. Ol manmeri na pikinini, ol BRA na resistens.

"Taim bilong Bogenvil hevi, ol sik we i bin kamap strong em long malaria, niunonia, ol sua na ol mama i gat bel na ol i bungim hevi. Ol dispela sik i bin kilim dai planti pipel, antap long ol dispela we ol i pait wantaim masket na dai.

"Long dispela taim nogut we ol pipel i pret stret bikos tupela sait em BRA na resistens i birua tru, mipela long helt senta i wok. Long 1995, ol i bin kukim dispela gutpela

pemenen helt senta ol bin opim long 1989 tasol mipela i no stopim sevis, nogat. Ol i bin wokim wanpela liklik haus saksak na mipela i wok inap ol pipel bilong Korikunu long Siwai i bin sanapim nupela na bikpela bilding we mipela i yusim nau," Josephine i tok.

Olsem jenerel diti nes, Josephine i wok long sait bilong autpesen we em i lukim ol sik manmeri na pikinini, skelim ol marasin na givim long ol, pasim ol sua, wok long ol jenerel wod, mateniti wod we ol mama i save karim pikinini

long en na ol arapela eria moa we wok i stap long em.

Rot we Josephine i bin kisim trening em i wanpela gutpela stori em i tokim Wantok.

Papa mama bilong Josephine i bin dai taim em i liklik na ol Katolik Sista i bin lukautim em long Monoitu Misin stesen. Long yia 1955, em i stap long lukaut bilong ol

Katolik Maris Sista, planti bilong ol em ol bilong kantri Amerika. Em i bin skul inap long Gret 5 na em i lusim skul na kamap olsem nes asisten. Wok ya i kisim em i go long ol arapela hap bilong Bogenvil na Taurama ami Haus sik long Pot Mosbi.

"Laik bilong mi long kamap nes em i bin kamap taim mi stap wantaim ol Sista na lukim ol i wok. Na intres bilong mi i bin gro long helpim ol manmeri na pikinini i sik. Mi bin hariap long joinim ol Sista olsem nes asisten taim mi ronawe long skul," Josephine i tok.

Josephine i wanpela strongpela meri na maski sik polio i bin bgarapim em taim em i liklik meri yet na em i no save wokabout gut, dispela i no stopim em long wok bilong em. Taim bilong Bogenvil hevi, maski em i kisim pe o nogat bikos long ol rurel eria olsem Monoitu, sampela taim, ol helt na skul tisa wantaim i

no save kisim pe inap long tripela mun samting.

"Bai husat i helpim ol sikman o ol mama i laik karim bel? Mi no wari long mi yet, lewa bilong mi i stap long helpim ol pipel i laikim helpim bilong mi. Maski traipela nait, o long bikpela ren o marasin i sot, mi mas helpim ol lain i kam long mi taim ol i stap long hevi," Josephine i tok.

Aninit long ol Katolik Sista, em i bin skul tripela yia long Tearouki Nasing skul long Tinputz we i bin hetkota bilong Katolik Sios nasing skul aninit long lukaut bilong Sista Leo husat i bin meri Sista Dokta na prinsipel bilong skul long 1960-1970 na 1980.

Em i bin pinisim gut skul long 1963 na ol i salim em i go long Torokina Misin long wok olsem nes. Ol arapela senta we Josephine i bin wok long en em long Haisi, Sovele, Wakunai, Moratona, Manetai na Monoitu.

Long 1970 em i maritim Joe Dotato. Tupela i bin kam long Mosbi we Joe i wok wantaim PNG Difens Fos long Taurama na Mari Bareks. Ol i bin trense i go tu long Igam Bareks long Lae, tasol bihain ol i kam bek long Mosbi. Em i bin wok pastaim long Mosbi tasol taim em i karim pikinini em i stop inap ol i go bek gen long Bogenvil long 1979 na em i wok long Monoitu helt senta. Long 1981, Josephine i bin wok long bikpela haus sik bilong Katolik Sios long Moratona we Pater (Dokta) Harding i bin go pas long en. Long hap, em i bin wok tu wantaim biknem Bogenvil dokta husat nau bosim TB seksen long Pot Mosbi Jenerel Haus sik, Dokta-Joe

Bana Koiri. Haus sik ya i bin gat namel long 20 na 30 woklain.

"Dispela i bin wanpela top haus sik long Bogenvil we i bin save helpim gut tru ol sikman long ailan. Ol top na save dokta na nes i bin wok long en. Em i bin gat olgeta masin, eksrei masin, dokta i save kariatim ol bikpela operesen na i bin gat sikspela wod long em olsem wod bilong ol mama long karim pikinini, wod bilong ol man, ol meri, wod ol i putim ol lain i gat bikpela sik na imejensi, jenerel wod, TB wod, na mog o hap bilong putim ol dai man long en.

Hatwok, mekim gut long ol siklain na ekspiriensi i helpim Josephine i kisim luksave long wok bilong em.

"Long 1990, hevi long Bogenvil i bin go nogut na planti ol nes na wok manmeri bilong Monoitu helt senta i bin ronawe. Mi wantaim narapela man nes em Thomas Kuheu i bin wok i stap. Haus sik i no bin pas olgeta, maski marasin i sot. Long taim bilong hevi taim ol helt senta na etpos long Bana na Buin i pas, ol i save salim ol siklain na mama i kam long mipela long Monoitu.

"Long dispela taim, mi bin stap long kol o singaut long 24 awa, de na nait. Ol yangpela paitman i kisim bagarap na ol arapela manmeri em ol i save kisim ol i kam long Monoitu. Maski mi wan, mi no wari long wanem samting, tingting bilong mi em long wok na helpim ol siklain. Long 1991/92, moa haus sik woklain i kam long helpim mi na ol samting i kamap orait."

Nainpela woklain i wok nau long Monoitu haus sik wantaim nes Josephine.



• Josephine Ditato.



## SAVE I KEN ABRUSIM BIRUA!!

**Meri Wantok i tok ol yangpela meri na ol mama olgeta taim i mas tingting long givim gutpela na klinpela kaikai long ol famili. Yupela i gat bikpela wok long givim kaikai we bai helpim bodi long gro, strongim blut, long helpim long banisim bodi egensim ol sik na kisim strong. Ples we ol meri na mama i redim kaikai i mas klin, ol samting bilong kuk i mas klin, ol kaikai i mas tan gut na karamapim gut ol kaikai we ol binatang nogut bai i no inap stap.**

**Meri Wantok bai skruim moa toktok long we long lukautim yu yet na famili bilong yu neks wik.**

## Ol meri na famili wantaim lo

### Namba tri hap bilong "Ol meri na Famili wantaim lo"

#### Wokim pasin pamuk egens long ol pikinini

Ol meri, pikinini na famili i save kam aninit long wanpela seksen o eria olgeta taim.

Olsem na long dispela kolom, ol toktok bai i go moa yet long karamapim ol samting i sut long ol pikinini tu. Dispela lo we yumi toktok long en i karamapim tu pasin we ol i save bagarapim ol pikinini.

Long dispela taim ol planti kain senis i wok long kamap insait long wol, kantri, sosaiti na famili. Na long eria we yumi toktok long en, hevi we sosaiti i no luksave long en bipo i kamap long ples klia nau. Dispela em long pasin bilong bagarapim ol pikinini, famili memba i wokim ol pasin pamuk wantaim pikinini na soim ol pasin

pamuk long ai bilong ol pikinini. Kriminal Kod o lo we i sut long bagarapim ol pikinini i no tokaut klia tumas long ol rot we i ken lukautim ol pikinini man na meri. Nupela lo nau i rausim ol banis i bin stap long ol pikinini man na meri na nau ol i kamapim tasol wanpela lo long karamapim ol bagarap i kam long ol we i sut long pasin pamuk na bagarap long ol pikinini krismas bilong ol i stap daunbilo long 18. Olgeta pasin i no stret ol i wokim long ol pikinini aninit long 18 krismas em i raus na tripela nupela lo i kamap nau we i karamapim ol manki na meri we krismas bilong ol i stap aninit long 16 yias.

■ Wokim pasin pamuk long ol pikinini meri o man Dispela em bikpela rong

tru i ken kamap long ol pikinini.

■ Holim ol pikinini long ol tambu hap bilong bodi. Aninit long dispela hap lo, em i brukim lo long holim nabaut pikinini long ol tambu hap bilong bodi. Aninit long dispela lo maski yu no wokim pasin pamuk tasol holim nabaut o lukluk long ol pikinini long ol tambu hap bilong bodi na long pasin i no stret, em yu wokim rong pinis.

■ Wokim pasin i no stret we i sut long pikinini. Dispela rong i brukim lo i karamapim ol doti pasin we ol i no wokim pasin pamuk o holim pikinini long ol tambu hap tasol soim ol pasin pamuk long ol pikinini o soim ol praivet hap bilong bodi bilong yu o pilapilai wantaim praivet pat bilong yu long ai

bilong pikinini.

Long ol wan wan rong i brukim lo ya, mekim save bai bikpela sapos krismas bilong pikinini i stap aninit long 12 yias o sapos manmeri i wokim rong i stap long posisen i gat luksave na pikinini i stap aninit long lukaut bilong em. Dispela em olsem papa o mama, lukaut papamama, was papamama, kasen, ankel o kandere, rilijes tisa na tisa.

Dispela i bihainim pasin kastom long PNG we kalsa na tumbuna pasin long egensim pasin bilong bagarapim o soim ol pasin pamuk long ol pikinini i strongpela stret, moa yet taim wanpela famili memba yet i wokim rong.

**Bai i gat moa toktok long dispela long neks wik.**



**Kuk Kona**  
wantaim **MERI WANTOK**

**Yu mas i gat:**  
2-pela kap Self Raising flaua  
2-pela kap Sis (sigirapim pinis)  
2-pela kiau  
Susu



**We bilong kuk**  
■ Brukim sel bilong 2-pela kiau na kapsaitim i go insait long wanpela longpela kontena (olsem kap o jag) wantaim ai. Kapsaitim susu tu i go insait long dispela kontena wantaim kiau inap long mak bilong tupela kap.  
■ Nau yu pasim ai bilong kontena na sekim kiau na susu wantaim.  
■ Kapsaitim dispela kiau na susu miks i go insait long wanpela dis wantaim sis na flaua.  
■ Tanim gut flaua, sis, kiau na susu.  
■ Grisim mafin trei na kapsaitim miks i go insait.  
■ Kukim long aven inap long 15 minit olgeta.  
■ Taim em i redi, putim liklik bata na kaikai.

#### We long kukim ol bret na skon long paia

■ Yu mas i gat wanpela bikpela flet sospen wantaim ai.  
■ Tenpela sel kokonas bai inap na skin bilong tupela drai kokonas. (Sapos nogat sel kokonas orait yu ken yusim ol paia wut).  
■ Mekim paia na kukim ol sel kokonas.  
■ Levolim paia na sindaunim dis o sospen wantaim bret miks antap. Kukim skin bilong kokonas na putim antap long ai bilong sospen. Dispela bai mekim na paia bai kukim as bilong sospen na bai kukim bret na wankain tu long ol skin kokonas antap bai kukim antap bilong bret.  
■ Sapos paia i strong, bret bai kuk bihain long tupela ten minit tasol.

**Sapos yu gat sampela we long kukim ol kaikai olsem saksak, banana, taro or kaukau na yu laik serim wantaim ol narapela meri plis salim i kam long mipela na bai mipela putim long niuspepa.**

**Olsem maus bilong helpim ol meri, Wantok i askim ol meri, ol grup na pablik i laik helpim ol meri na famili insait long kantri i kamap gut na helpim wantaim developmen bilong PNG long rait i kam long mipela na autim ol tingting bilong yupela o givim ol stori na ripot na mipela bai putim long dispela pes. Edres we yu ken salim ol pas, ol ripot, ol tingting na piksa we yupela i laikim mipela long yusim long dispela pes em: Meri Wantok, Word Publishing Company, P O Box 1982, Boroko, NCD o ring i kam long telipon 3252500 na toktok long Veronica o Barbara. Yu ken salim ol stori tu long feks namba: 3252579 o salim ol ripot i kam long email: word@global.net.pg. Tenk yu tru.**



VERONICA HATUTASI ripot long ol pis monita lusim Bogenvil

# Bogenvil tok gutbai long ol pis monita

MOA long 500 pipel i bin bung long Arawa Independens oval long lukim opisel gutbai long ol pis monitas husat i bin pinisim moa long faivpela yia wok long helpim Bogenvil i kamap orait.

Bikpela ren i bin pundaun long Arawa na Lolofo long moning i go inap apinun tasol dispela i no bin bagarapim progrem we i bin go het aninit long ol ten o kenvas haus na ol ambrela.

Insait long dispela bung, ol bikman bilong Australia, Nu Silan, Fiji na Vanuatu, Hai Komisnin woklain bilong Australia na Nu Silan long Pot Mosbi na ol midia lain, Nesenel na Provinsel Gavman, ol lida na pipel bilong Bogenvil yet i bin stap long amamasim dispela de wantaim 85 memba bilong Pis Monitoring Grup (PMG) bilong Australia, Nu Silan, Fiji na Vanuatu husat wok bilong ol i bin pinis long Mande. Dispela i bihainim tingting bilong Australia na Nu Silan husat i tok sindaun long Bogenvil i wok long kamap orait na ol i mas larim nau ol wok long han bilong ol asples Bogenvil pipel yet long go hetim na pinisim.

I bin i gat tupela difens balus bilong Australia i bin kisim ol bikman i go long Arawa long dispela de. Wanpela em hekulis o ami balus bilong Difens bilong Australia i bin kisim ol bikman long Mosbi i go long Arawa ples balus na ol ka bilong ol PMG i bin karim ol i go long Arawa. Narapela i bin karim Difens Minista Seneta Robert Hill na lain bilong em i flai olgeta long Australia i go long Arawa ples balus. Ol lain bilong Nu Silan tu i bin flai i kam long Difens balus bilong ol yet i kam olgeta long Nu Silan na pundaun



• Hai Komisina bilong Australia Michael Potts i toktok wantaim Hom Afeas Minista bilong Fiji, Jokefani Cokanasiga long Lolofo we ol bikman i bin lans ol PMG i bin redim.

long Aropa, na bihain i go olgeta long Arawa.

Grup bilong Nu Silan i bin kisim wanpela grup bilong ol tu i kam husat i bin putim kamap naispela "Haka danis" we planti lain i bin amamas tru long lukim. Ren tasol i bin bagarapim gutpela de tasol, maski long ren, ol Haka danis grup na ol arapela moa lain i no wari na ol i givim gut wan long ol tumbuna singsing na danis bilong ol.

Bikpela toktok we i bin kamap insait long dispela seremoni em samting i stap nau long ol Bogenvil pipel yet long lukautim gut wok we ol pis monitas i lusim nau na go hetim long mekim Bogenvil i kamap gutpela ples gen we i nogat pait na hevi.

Samting olsem 5,000 pis monitas bilong foapela kantri (Australia, Nu Silan, Fiji na Vanuatu) we i gat long en ol ami na sivilien o ol manmeri nating na i no holim wanpela gan i bin wok long Bogenvil long helpim strongim wok bilong painim bel isi na gutpela sindaun. Dispela operesen we ol bin stap long em stat long 1997 inap long dispela wik ol i pinis em long "Operesen Bel Isi".

Insait long operesen ya ol bin helpim ol pait grup long Bogenvil i kamap pren na toktok, sapotim ol wok long kamapim bel isi pasin namel long olgeta pipel long Bogenvil we i bin birua long taim bilong hevi, karimaut ol pis awenes, helpim wantaim wok

bilong lusim ol gan, helpim Bogenvil tu long ol arapela rot olsem taim i gat imejensi long sait bilong bikpela sik na ol i save karim ol sik manmeri i go long Buka haus sik o wokim imejensi operesen long haus sik beis bilong ol long Lolofo na tu givim trening long ol yangpela Bogenvil manmeri long ol sampela wok olsem mekanik, kuk na ol arapela eria moa.

Ol pipel bilong Bogenvil i bin amamas long bikpela helpim we ol PMG i givim na ol i wokim gutpela pren wantaim ol. Olsem na taim ol i tok tenkyu na sori long lukim ol i go, ol i kisim bikpela salens nau long lukautim na skruim ol wok we PMG i lusim nau long han bilong ol.

## PMG i go wantaim sori na amamas

KOMANDA bilong Pis Monitoring Grup (PMG) Brigadia Ian Lillie i bin tok wok bilong PMG i stap olsem namel man i bin as long strongim na kamapim gut wok bilong ol long Bogenvil.

Em bin tok dispela tasol i strongim gutpela wok bung wantaim we ol komyuniti long Bogenvil na sefti bilong ol PMG taim ol i go aut long ol operesen i bin gutpela.

Brigadia Lille i bin tok "Mipela i tok gutbai na tenkyu wantaim sori na amamas. Mipela i go wantaim bilip olsem gutpela wok bai go het long Bogenvil. Mipela wantaim ol trus monitas husat i bin kam pastaim long mipela i tok tenkyu long wok wantaim yupela, stat yet long 1997.

"Nau pait i pinis, ol pait grup i lusim ol samting bilong pait na em i taim nau long tok gutbai. Mipela i tok gutbai wantaim sori na amamas, sori bikos mipela i mekim planti gutpela poroman na bai mipela i no lukim yupela moa na naispela ailan bilong yupela. Tasol amamas bikos pinis long wok bilong mipela hia i min olsem yupela i kam gut long bringim gutpela sindaun i go long ol pipel bilong yupela na yupela i stap long rot bilong gutpela futja," Brigadia Lille i bin tok.

Em i bin tok olsem patna long wok bilong painim gutpela sindaun, PMG i kisim luksave olsem em i bin helpim long kamapim gutpela bel isi pasin na gutpela ples we i kiarim ples na ol pikinini i ken go bek long skul na ol meri i ken karimaut wok bilong ol fri na wantaim nogat pret.

Em i bin tok tu olsem PMG i bin helpim long sapotim ol wok bilong negasesen na ol bikpela agrimen. Bikpela em long saining bilong Bogenvil Pis Agrimen long Ogas 30, 2001.

## Ol bikman glasim taim bihain

PLANTI tok tenkyu na salens i bin kamap long seremoni bilong tok gutbai long ol PMG long Arawa long Mande. Gutbai long ol pipel bilong Bogenvil na Nesenel Gavman long bikpela wok ol pis monitas i bin wokim long helpim Bogenvil i kamap orait na painim gutpela sindaun we ol i gat nau.

Difens Minista bilong Australia Seneta Robert Hill i bin tok gutpela wok bung namel long ol pis monita bilong foapela kantri na gutpela pasin na wok bilong ol long karimaut gut wok bilong ol wantaim nogat gan i bin bikpela samting we i bin mekim dispela wok misin bilong ol PMG i go gut na ol i helpim long kamapim gutpela sindaun bek long Bogenvil.

Tasol em i bin tok Australia na Nu Silan bai stap yet bikos liklik lain bilong ol bai stap yet insait long Bogenvil Trensisenel Tim (BTT) we ol bai kirapim nau long skruim wok wantaim Yuniatet Nesens Obseva Misin na Bogenvil Interim gavman bilong pinisim ol wok long lusim ol gan na redi long kirapim nupela gavman.

Sief bilong Nu Silan Difens em Air Marshall Bruce Ferguson i bin tok em i wari na sori olsem PMG i lusim Bogenvil tasol em bin tok Nu Silan bai stap olsem trupela pren bilong Bogenvil na PNG, na bai skruim helpim long wanem rot Bogenvil i laikim helpim long en.

"Mi wari na sori tasol mi luksave olsem Bogenvil na PNG Gavman i wok hat long stretim ples wantaim helpim bilong ol neiba bilong em. Na mi gat bilip olsem nau PMG i go, ol asples pipel yet bi strongim wok long painim trupela gutpela sindaun.

Moa long 1,600 Nu Silan man na meri i bin wok olsem ol pis monita long Bogenvil na ol i gat ol gutpela memori long naispela ailan na gutpela pren pasin bilong ol pipel. Mi bilip olsem pren pasin namel long Nu Silan na Bogenvil na PNG bai stap strong na bai Nu Silan i redi long givim helpim," Mista Ferguson i bin tok.

Em i bin tok Nu Silan i amamas long kisim askim long stap olsem namel kantri insait long Bogenvil hevi na dispela wok i bin stat long 1990 yet wantaim ol toktok long Nevi sip *HMAS Endeve* we ol bin holim long solwara ausait long Kieta. Na ol bikpela pis agrimen bilong pinisim pait olsem Burnham na Lincoln Agrimen em ol i bin kamapim long Nu Silan.

Mist Ferguson i bin luksave tu long Yunaitet Nesens we i gat liklik lain bilong em i stap long Arawa na wok wantaim ol PMG na Bogenvil lida na pipel long kamapim gutpela sindaun.

Intenel Afeas Minista bilong Vanuatu Pedro Foke long makim maus bilong kantri bilong em i bin tok moa long 136 manmeri bilong vanuatu i bin amamas tru long helpim ol melanisen brata na susa long Bogenvil long kisim gutpela sindaun.

"Ol PMG memba bilong Vanuatu i bin amamas tasol long givim sans long pis i mas kamap long Bogenvil. Melanisen brata bilong mipela i bin askim long helpim na ol manmeri bilong Vanuatu i bin tok yesa long helpim na mi bilip olsem dispela em i no namba wan taim o laspela taim we Vanuatu bai helpim Bogenvil na PNG." Mista Foke i tok.

Em i bin tok tenkyu tu long gavman bilong Australia na Nu Silan long sponsaim na lukautim ol PMG memba bilong Vanuatu taim ol i karimaut wok bilong pis misin long Bogenvil.

Home Afeas Minista bilong Fiji Jokefani Cokanasiga i bin tok em i amamas olsem Bogenvil na PNG i bin luksave long Pasifik we o rot long stretim hevi long Bogenvil na singaut long ol neiba kantri long go insait na helpim ol.

Taim em i luksave olsem dispela de em i wanpela bikpela de long histri bilong painim gutpela sindaun long Bogenvil, em i bin tok bikpela wok i stap yet.

"Mi amamas long lukim olsem gutpela wok



• Bogenvil Pipels Kongres lida Joseph Kabui na ol bikman sindaun harim ol toktok.

i kamap bihainim Bogenvil Pis Agrimen ol bin sainim long Ogas 2001. Nau namba tu draf bilong Bogenvil Mama Lo i klostu redi na tu, wok long lusim ol gan i klostu pinis. Tasol bikpela wok i stap yet na stretim Bogenvil i kamap olsem naispela ples. Na ol pipel bilong Fiji bai sambai redi tasol long helpim ol brata susa bilong ol long Bogenvil. long pinisim ol wok we i bin stat 10-pela yia i go pinis. Long makim maus bilong ol pipel long Fiji, mi tok amamas long ol pipel bilong Bogenvil long larim pis o gutpel sindaun i kamap. Mak long dispela i kamap long ol skul i op, ol helt sevis i ron na komyunikesen tu i stap pinis. Mi tok tenkyu i go long ol Bogenvil pipel long mekim gut long ol PMG lain, moa yet ol dispela bilong Fiji. Ol i gat ol gutpela memori ol i kisim i go wantaim ol na bai i stap long gutpela prenpasin yupela i bin givim ol na tu, long naispela ailan bilong yupela," Mista Cokanasiga i bin tok.

Long pinisim toktok bilong em, em i bin wokim wanpela toktok we biknem Prait Minista bilong Inglan em Sir Winston Churchill i bin wokim na Mista Cokanasiga i sutim long ol PMG. Em long "Never in the field of human conflict ever so much owed by so few."

Gavana John Momis i bin autim bikpela tok tenkyu na amamas i go long ol PMG memba bilong foapela neiba kantri na tok nau ol i pinisim operesen bilong ol, ol pipel bilong Bogenvil i mas wok strong long skruim gut wok inap ol samting i kamap orait.

"I gutpela olsem i gat ol neiba i redi long givim helpim na long makim maus bilong ol Bogenvil pipel, mi autim tok tenkyu na amamas i go long yupela ol pren kantri long helpim mipela long rot bilong painim gutpela sindaun."



# WANTOK KOMENTRI

## Gutpela long PNG i helpim Solomon Ailan

BIRUA pasin nau i stap long Solomon Ailan i pulim pinis ol ami na plisman bilong Papua Niugini i go insait. Ol ripot i kamap pinis tu olsem pipel bilong Papua Niugini i stap tu insait long dispela trabel long Solomon Ailan. Planti em ol lain long Bogenvil husat i wok long hait na ron long ol banana bot na i go insait long boda bilong Solomon Ailan na go joinim ol dispela trabel lain.

Ripot i tok dispela trabel i go bikpela nau bikos ol i pretim tru gavman bilong Solomon Ailan long sindaun gut na mekim wok bilong ol.

Dispela em i no gutpela ripot tru sapos ol sampela pipel bilong Papua Niugini i stap insait long dispela trabel grup na mekim trabel long narapela kantri.

Ol i nogat rait long go joinim ol trabel lain na mekim trabel long laip na sindaun bilong ol pipel bilong Solomon Ailan we ol i narapela kantri olgeta aninit long narapela gavman, narapela lo na narapela kantri olgeta.

I luk olsem dispela lo na oda hevi long Solomon Ailan bai i go bikpela o nogut bikos ol ami bilong Australia i laik go insait na painim na holim lida bilong dispela birua lain. Sampela i tok lida bilong dispela trabel lain em hap Papua Niugini na em i wanpela man nogut tru bikos em i no isi o givim sans long ol pipel long hap. Em i holim na kilim husat i kam long rot bilong em.

Dispela ripot i kamap olsem ol ami bilong Papua Niugini i bin pasim tingting long ol i laik go insait long Solomon Ailan na holim dispela lida bilong trabel grup ya. Lida bilong dispela trabel grup em Harold Keke.

Dispela birua o lo na oda hevi i bin kamap long pasin kros ol pipel long Solomon yet i gat long graun na ol samting long hap.

Ripot i tok gavman bilong Solomon Ailan i no sindaun gut na mekim wok bilong ranim kantri bikos long dispela birua pasin we i wok long kamap. Dispela i pusim bel bilong wansolwara kantri olsem Papua Niugini long go na helpim na tu Australia i tokaut pinis long go insait na holim ol dispela trabel lain.

I gutpela long PNG ami na plisman i go na holim stret ol dispela Papua Niugini lain lon Bogenvil husat i hait i go na joinim dispela pait grup na pretim gutpela sindaun bilong ol pipel na gavman long hap. Holim ol na kisim ol i kam bek na mekimsave long ol long lo bilong PNG.

Nau tasol olgeta wok bilong stretim gutpela sindaun long Bogenvil i kamap gut nau olsem na olgeta pipel long hap i mas sindaun isi nau na lukluk go het long nupela rot na pasin bilong stretim na kirapim ples gen. Na i no long go joinim narapela grup na mekim wankain trabel olsem i bin kamap 10-pela yia pinis long Bogenvil na i bagarapim laip na sindaun bilong ol pipel long ples na bagarapim olgeta samting i stap long provins.



## Godens maket bilong ol Hailans

**Dia Edita,**

Mi wanpela manki bilong siti na mi laik komplek liklik long Godens maket bilong yumi olgeta pipel bilong Papua Niugini.

Mi save lukim olsem Godens maket i no bilong yumi olgeta pipel bilong Papua Niugini. Em maket bilong sampela lain Hailans bilong Papua Niugini tasol. Ol tasol i save lukautim olgeta liklik maket ausait long geit na saitsait wantaim ol kankain samting ol i save salim olsem naip, su, han bek, ol samting bilong stua, buai, lus smok na tu ol i save bosim bas stop tu long lukim ol manmeri i go antap long bas.

Wanpela liklik nois i kamap bai ol tasol i bikmaus na bung bung na ron i go i kam olsem pilai graun bilong ol.

Dispela naispela Godens maket i go

narakain olgeta we ol mama nau i pret long go baim ol kaikai long Godens maket.

Ol mama i les tu bikos taim ol i laik baim gutpela kumu na ol kaikai, bai ol hailans mama i kam na baim olgeta wantaim bilum na karim i go long salim long ol liklik blek maket long strit we ol bai pasim i go liklik liklik gen na salim. Mipela i les pinis long dispela kain bikhet pasin ya.

Ating i moa gutpela long yumi bruk long sait bilong maket. Moabeta Godens maket em yumi larim long ol brata susa bilong yumi long hailans na yumi nambis i ken go long arapela maket olsem long Malauro, Koki o Gerehu. Ating ol mama na pikinini i ken pilim gut long taim ol go long ol dispela maket bikos bai i nogat

spakman na ol lain bilong painim trabel i stap long hap.

Godens em ol lain bilong painim trabel long pik poket, pulim nating samting bilong narapela man, giaman tasim skin bilong ol meri na pulim bilum na mekim pipia nabaut long ples.

I nogat lo i tambuim man o meri long go maket long wanem hap ol i laik. Olsem na yumi ken go maket long ol gutpela hap yumi ting i nogat bikhet pasin na trabel lain i stap long en.

Em tasol komplek bilong mi na husat i laik bekim em laik tasol.

**Paul Kila Mosbi**

## Pati mas harim laik bilong pipel

**Dia Edita,**

Mi laik autim wari bilong mi long pasin mi bin lukim long 2001 taim ol kendidet i wok long raun long olgeta hap na kempen long sanap long 2002 nesenele ileksen.

Mi bin lukim ol politikel pati i wok long go aut na endosim o sanapim ol kendiet bilong narapela provins long kam sanap long narapela ilektoret olgeta. Mi ting dispela i no stret tru bikos man o meri bilong narapela provins i no inap kisim wanbel bilong ol pipel bilong narapela provins long sanap makim ol long palamen. Olsem na mi ting dispela kain pasin i mas pinis na ol pipel i mas tokim ol pati long husat kendidet ol i laikim bai ol pati i ken bihainim na sanapim.

PNG em gutpela kantri olsem na mipela i mas mekim samting stret bai ol rait lida i makim ol pipel i mas go long palamen na ranim gut dispela kantri.

Em tasol wari bilong mi na husat i laik egensim em laik tasol long rait long *Wantok niuspepa* bai mi ken lukim.

**Jacob Bremai Madang**



**Dia Edita**

**Wantok Niuspepa P.O. Box 1982, Boroko NCD**

**Phone: 325 2500**

**Fax: 325 2579**

**Email: word@global.net.pg**

## Kampani i no baim gut vanilla

**Dia Edita,**

Mi raitim dispela pas long autim bel hevi bilong mi long wanpela bikpela kampani bilong Rabaul nau i wok long baim vanilla long Is Sepik provins i stap.

Mi no amamas bikos dispela kampani i no save baim gut vanilla. Ol i save baim olsem K385 long wanpela kilogram. Dispela i no stret.

Na tu dispela kampani i mekim bikpela mani long Is Sepik

provins na salim i go aut long Rabaul na Sepik yet i nogat mani istap long benk.

Mi askim Gavana Arthur Somare long lukluk insait long dispela hevi na mekim sampela samting i stret baim mani i ken istap stret long kirapim Is Sepik provins.

Em tasol komplek na wari bilong mi.

**John Kriosaki Wewak**

## Ol meri mekim ol nupela stail long niuspepa

**Dia Edita,**

Mi gat sampela tingting we mi ting bai inap helpim yu na mi na i no bilong daunim yu o bagarapim yu.

Long hia mi gat wanpela piksa bilong wanpela yangpela meri PNG i werim anda pens na bra na sanap long niuspepa na ol i raitim cheeky babes we ol bai soim ol kain meri olsem long Players klab. Em i wanpela 16 yia meri.

Yu ting wanem long dispela. Kain stail meri ya i mekim na sanap long niuspepa pote i save kam gut ya. Em hia ol sampela tingting bilong mi.

Kain piksa na stail olsem i save pulim na kirapim tingting bilong ol man long go westim bikpela mani bilong ol long hotel long lukim ol meri i soim skin, bilas na danis

bilong ol. Ol yangpela manki tu i save kisim tingting nogut na mekim bikhet pasin.

Ol meri i save ting dispela em gutpela na ol i mekim tasol ol i no save olsem ol famili bilong ol bai sem nogut long lukim pikinini bilong ol i mekim kain pablik so olsem na werim anda pens na sanap long pablik niuspepa.

Dispela kain nupela stail bilong tude i opim tingting bilong ol yangpela na ol i mekim kankain bikhet pasin na brukim kastom bilong ol na mekim bikhet na trabel pasin nabaut.

Em sampela tingting bilong mi na husat i gat arapela tingting i ken tromoi antap na mi ken lukim.

**Bab Pat Wewak**

# WANTOK

Publishing Weekly, Wednesday, for  
Word Publishing Company Ltd.  
P.O. BOX 1982, BOROKO, NCD  
PAPUA NEW GUINEA

TELIPON: 325 2500

FEKS: 325 2579

EMAIL: word@global.net.pg

PE BILONG WANPELA YIA  
52 NIUSPEPA

PLES	AIR
PNG	K140.00
OSTRELIA	US\$67.00
ESIA PASIFIK NA JAPAN	US\$80.00
AMERIKA NA YUROP	US\$150.00

General Manager:  
Jeremy Burgess

Editor of Wantok:  
Yakam Kelo.

Printed and Published by  
Jeremy Burgess, at Allotment 2,  
Section 209, Spring Garden  
Road (Poreporena Highway),  
Hohola, for Word Publishing Co.  
Ltd.

Word Publishing Company Ltd. is  
owned by the Hon. Sir John  
Pope, Chairman of the  
Lullaba Group. The  
Lullaba Group is a  
subsidiary of the  
Lullaba Group of  
Companies. The  
Lullaba Group of  
Companies is a  
publicly listed  
company on the  
Australian Stock  
Exchange. The  
Lullaba Group of  
Companies is a  
member of the  
Australian  
Advertising  
Association.



# Ombudsmen Komisin mas sekim Is Sepik edministresen

Dia Edita,  
Mi lukim planti ol paol pasin i wok long kamap long dipatmen bilong Is Sepik provins long las 7-pela yia mi kam stap na wokim ol praivet wok bilong mi.

Plantu mani, kar na ol wok i go long ol korap rot tasol na planti milien kina bilong ol Sepik pipel i lus pinis.

Bilong wanem na edministreta bilong Is Sepik Fantson Yaninen i wok long kisim olsem man long kamap

deputi edministreta long ekt-ing posisen.

Olsem wanem nogat man long Is Sepik provins long aplai o inap putim dispela long ol niuspepa.

Mi ting PNG Ombudsman

Komisin na Odita Jenerel i mas kam na sekim ol wok bilong ol pablik sevans long Is Sepik provins.

**John Kriosaki Wewak**

## Makim saveman long Kabwum ilektoret

Dia Edita,  
Mi wanpela pikinini Kabwum na mi laik autim wari bilong mi i go long ol pipel bilong Kabwum i lukim na save gut. Long taim bilong nesanel ileksen long bipo i kam yumi save longlong na makim ol kendidet we-edukesen o skul bilong ol i mak long gret 6, gret 10 na gret 12 nabaut. Ol dispela kain lain em save bilong ol i sot long developim Kabwum. Olsem na yumi mas lukluk gut na makim ol lida husat i gat gutpela skul long mak bilong yunivesiti bikos ol inap kamapim ol nupela senis na gutpela senis i ken kam long yumi long ples.


Nau yumi makim Bob Dadae em mi ting em rait lida bikos em i gat yunivesiti digri long mekim wok bilong ranim ples na bringim senis na developmen i kam long ples.

Mi ting yumi i bin longlong long bipo na makim man nabaut olsem na Kabwum i no kisim wanpela gutpela developmen.

Nau em taim bilong lukim senis bikos Bob Dadae i ken bringim kamap ol senis pipel bilong Kabwum i bin krai long en longpela taim i kam.

Em tasol tingting bilong mi.

**Emet Wilok Tabubil**



•TAIM bilong banisim lek na redi long go pilai wantaim ol narapela Pasifik Ailan spotsman na meri. Em ol yangpela bilong Tim PNG i kisim las minit sekap pastaim long ol pilai i stat.  
Foto: JASON PINI

**OL PAS**

Dia Edita Wantok Niuspepa  
P.O. Box 1982,  
Boroko, NCD.  
Ph: 325 2500 FAX: 325 2579  
Fax 325 2579 Email: word@global.net.pg

## Paibro kampani i stap long Kimbe maket

Dia Edita,  
Mi laik autim wanpela bikpela wari bilong mi i go long wanpela pasin nogut mi lukim long Kimbe maket.

Olgeta taim mi save laik go baim kambang na mi save lukim olsem kambang i no wait stret olsem kambang i kam long rif o kina sel. Mi save kukim kambang tu na mi save long wanem em kambang tru.

Mi lukim sampela meri Kombe long Keko eria i save kam salim kambang long Kimbe maket na kambang bilong ol i no wait tru. Em hap bilak o doti. Na mi ting olsem em ol i kukim paibro na mekim kambang long en.

Olsem na mi askim ol pipel long Kimbe maket

long lukluk gut long kambang bilong ol dispela kain meri Kombe.

Ol meri Kombe i kam long ples stret em kambang bilong ol i wait stret na mi save em ol i kukim stret long kina sel o rif.

Tasol ol meri Kombe long Keko blok em ol i kam wantaim doti kambang na mi ting em paibro ol i kukim na kam giaman salim long kisim mani nating.

Em tasol komplek na wari bilong mi. Husat i laik bekim i ken rait long *Wantok niuspepa* na mi ken lukim.

**Tony Aipet Kimbe**

## Smok nogut bagarapim ol pikinini

Dia Edita,  
Mi laik autim wari bilong mi i go long pasin mi lukim tude long olgeta hap rot na strit insait long ol taun na siti bilong yumi long Papua Niugini.

Long Kimbe yet mi lukim ol yangpela boi bilong mipela i no moa gutpela olsem bipo. Ol i save smok spak brus o mariwana na het bilong ol i go longlong pinis. Tok nogut i pulap long het bilong ol na ol i save mekim kainkain bikhet na trabel long rot na komyuniti bilong yumi.

Ol i mekim olsem na planti ol skul pikinini tu i go insait na lainim long smok nakisim spak brus. Dispela i mekim na ol papamama i save ting ol pikinini i go gut long skul tasol nogat. Ol i bihainim lek bilong

ol arapela bikhet manki na kisim smok nogut pinis na bagarapim het bilong ol na tu i bagarapim skul bilong ol.

Olsem na mi laik askim ol pipel long komyuniti long wok bung wantaim na stapim dispela kain pasin nogut na tu ol papamama i mas putim strongpela was long ol pikinini bilong ol nau.

Noken bilip olsem ol i studen na ol i save stap gut. Ol inap bihainim ol dispela pasin nogut bilong arapela na bagarapim skul bilong ol.

Em tasol wari bilong mi na husat i laik egensim em laik tasol.

**Kevin Andrew**

## Benk sistem long Kimbe i longpela tumas

Dia Edita,  
Mi laik autim bel hevi o wari bilong mi long Kimbe kat sistem. Yupela ol bikman o bos inap long opim kat sisem long PNGBC benk i go bikpela liklik o nogat. Mekim na long olgeta de long moning i go inap

apinun i save pulap i go longpela lain tru. Mipela i sanap long longpela lain i go na pilim tait na skin les olsem. Plantu taim mipela i hangre na tait nabaut na mipela i lusim na go bek long ples na blok nabaut. Olsem na benk sistem

bilong Kimbe i mas senis bai mekim isi long mipela ol ples lain long kam long benk na kisim mani o putim mani isi long benk.

Em tasol wari bilong mi.

**Linus Lem Kimbe.**

## PNG ino ken salim kondom

-Dia Edita  
Wari bilong mi em i go olsem. PNG ino ken saplaim kondom long wanem Kondom istap na planti pasin pamuk i kamap. Mi igat bikpela bilip olsem sapos kondom nogat planti manmeri bai pret long sik nogut na ol bai no inap slip wantaim ol arapela manmeri. Nau kondom mekim na gutpela o nogut ol

ino kauntim. Olsem na mi askim Gavman bilong Somare long stopim kondom olsem mi tok long en. Yumi traim na skelim em stret o mi tok krangi. Yu wanwan traim na skelim. Sapos kondom nogat man bai pretim laip bilong em yet na ino inap slip wantaim arapela. Na tu husat ol manmeri i kamap long TV na niuspepa toktok bilong ol tu em

i no gutpela long toktok long taim ol yangpela manmeri istap wasim tu o ridim niuspepa. Yumi mas yusim gutpela maus toktok.

Em tasol.

**D. B. Yako, Mt Hagen WHP**

## Memba bilong mipela i hait long Mosbi

Dia Edita

Mi wanpela mangi Goroka i save stap long Hagen na mi wok long lukim ol plis i wok olsem ol i nogat Minista. Taim Mathias Karani i stap em i in aut long olgeta provins na strongim lo na oda long ol plisman na meri.

Long Mendi, Sauten Hailens Yawa Silupa bai inap long go pas na toktok long ol plis man na meri tasol mi no lukim em. Na tu nem bilong em ino save pairap long TV o niuspepa. Plis Yawa Silupa dispela Ministri yu kisim ino liklik wok em bikpela ministri tumas. Traim na kamapim sampela kain lo bilong strongim plis o kamapim sampela kain lo bilong mekim save long ol raskol.

Husat yu wok long ofis bilong Yawa Silupa plis traim na apim nem bilong Lufa igo antap liklik ya. Yupela tu ino ken igo sof long Pom city na mekim sampela kain samting bilong apim nem bilong Lufa.

Mi wok long harim sampela memba i tok Minista bilong Plis na Memba bilong Lufa em i dai pinis o taim mi harim nem Lufa mi fes man long putim peis igo daun. Traim na putim nem Lufa igo antap na mekim em smail liklik ya. I luk olsem yumi Lufa istap long pasin bilong 50 na 60.

Em tasol na husat yu laik agenstim mi o sapatim mi, mi stap tasol na lukim long *Wantok niuspepa*.

**Em Kei, Mt Hagen WHP**

## Woa viktim i wetim pe yet

Dia Edita,

Mi laik bekim pas bilong Michael G. M bilong Bogia long Februari 27, 2003. Em i bin askim o tok olsem woa viktim wetim kompensesen bilong Japan.

Michael mi tenkyu na amams long pas bilong yu na mi laik strongim tok bilong yu.

Mi laik mekim singaut i go long yangpela manmeri istap long olgeta provins long olgeta i mas kisim gut save long dispela asosiesen bilong PNG Redress Asosiesen. Mipela planti lain i rejista pinis na mipela i wetim dispela mani kompensesen long i kam long Japan.

Mipela i paul tu bikos mpela i harim olsem i gat tupela siaman long dispela asosiesen na mipela i no save asosiesen i sanap olsem wanem nau. Mipela i harim olsem Thomas Igam bilong Madang na Gabriel Laku bilong Lae i siaman olsem na mipela i laikim tok stret long tupela bikman ya long tokaut husat tru i siaman.

Mipela i save harim na lukim olsem Gabriel Laku i save mekim planti wok long karim hevi bilong mipela i go long lukim gavman. Mipela i save olsem Gabriel Laku i bin go pinis na toktok wantaim ol loya bilong Japan na tu em i karim hevi i go lukim opis bilong Praim Minista bilong PNG pinis. Tasol nau mipela i paul long harim olsem Thomas Igam tu em siaman olsem na tupela bikman ya i mas tokaut stret long mipela planti mekas bilong asosiesen. Husat i mekim wok tru na husat i no mekim wok tru.

**Wapa K Daly Lae**

# OL PNG SUMATIN BILONG YUNIVESITI: SAPOTIM WOA LONG KORAPSEN!

Bihain taim bilong Papua Niugini i stap long han bilong yupela. Yupela wanwan i save long rait na rong. Yupela bin kisim hevi long korapsen, o yupela i sapotim korapsen.

**NAU em i taim bilong strongim jastis na klinim het.**

**YU inap long mekim sens.**

**YU inap long stapim korapsen, tude.**

Soim sapot bilong yu long Woa long Korapsen na bung wantaim Komyuniti Kolisin Egens Korapsen.

Komyuniti Kolisin Egens Korapsen em i kisim tok orait na sapot bilong Midia Kausol bilong PNG.

**Midia em i olsem wasdok blong yu.**

Midia em i wangepa 'was dok' i save lukluk long korapsen na stil pasin insait long komyuniti.

Olsem na mipela i no inap long tokaut long husat manmeri i helpim mipela long stapim korapsen. Lo i lukautim wok na pasin bilong ol ripota long PNG i tok klia olsem:

Ol nius ripota i mas haitim nem bilong ol lain long pablik husat i givim helpim o stori long ol aninit long ol agrimen ol i pasim tok long en.

(PNG Midia Kausol Jenerel Kod ov Etik bilong Nius Midia 12c)

Midia long Papua Niugini i wok pinis long bungim sampela nius ripota long mekim wok painimaut bilong helpim ol manmeri bilong PNG.

**Long autim toktok bilong yupela ol pablik, mipela i laikim al na lau bilong yupela.**

Mipela i laikim YU long RIPOT long korapsen. Mipela i laikim SAPOT BILONG YU long dispela Wo long Korapsen.

Raitim dispela pepa o fom i stap long dispela pes na salim long pos opis i go long:

**Media Council of Papua New Guinea  
P. O. Box 135 Port Moresby.**

## Stopim Korapsen Nau!

### Kamap memba bilong Komyuniti Kolisin Egens Korapsen Nau!

Plis pulapim dispela fom na salim i go long:

**Media Council of Papua New Guinea**

**P. O. Box 135, Port Moresby**

Nem bilong yu na olgeta ripot: yu givim bai i stap hait.

1. Yu save sapotim dispela Wo long Korapsen?

Yes mi sapotim

Nogat mi no sapotim

2. Korapsen i save givim hevi long yu? Sapos i tru, olsem wanem?

Raitim liklik stori long dispela inap long 50 wod.

.....

.....

.....

.....

.....

.....

.....

.....

.....

3. Yu laikim bai ol i stretim hevi bilong yu?

Yes mi laikim.

Nogat mi no laikim.



Nem

Telepon

Taun/Viles

Krismas

Man (M)

Meri (F)

Adres bai mipela inap toktok wantaim yu:

.....

.....

Woa long Korapsen em wangepa han wok bilong Midia Kausol bilong Papua Niugini

Media Council of Papua New Guinea, P. O. Box 135, Port Moresby

Phone: 320 2979 Fax: 320 2978 Email: [mediacouncil@online.net.pg](mailto:mediacouncil@online.net.pg)

OLGETA TOKTOK MIPELA I KISIM BAI I STAP HAIT



Ol US i painim balus i lus

Luanda: OL ofisal bilong Kriminal Investigensen Agensi(C.I.D) long Amerika na US Stet Dipatmen i kamap long sauten Afrika long painim wanpela 727 balus ol man i bin stilim. Ol dispela lain i pret olsem nogut ol teroris i yusim dispela balus long kamapim birua olsem long Septemba 11 taim ol teroris i bin ronim ol balus i go na brukim ol traipela bilding long New York na kilim ol manmeri insait long ol balus na ol bilding. Ol i wari tu olsem ol sampela lain bai i traim

long yusim dispela balus long haitim ol samting bilong pait olsem bom, gan, na ol arapela kain samting olsem na karim i go long ol hap we ol laik putim na yusim o salim. Dispela balus i bin lusim Luanda eapot wantaim pilot na ko-pilot bilong em long May 25 bihain long em i sindaun long eapot long 14-pela mun. Ol spai setolit bilong US i kisim pinis ol piksa bilong ples balus i stap long ol rurel hap tu bilong Afrika tasol ol i no painim dispela balus yet.

Irak Opisa i ting ting long kilim Jessica Lynch

Palestain:

Iraki militeri opisal i tingting long kilim Praivet Jessica Lynch long taim ol i bin holim em long Irak. Meri Wes Virginia bilong Amerika i bin kalabus long Irak bipo long taim bilong woa i kamap bikpela. Ol i laik kilim em wantaim bom insait long ambalans ka na bai ol i blemim ol US Foses olsem ol i sutim ambalans ka. Ol i bin tok olsem wanpela militeri

opisa bilong Irak bai kilim em na lusim em insait long ambalans tasol draiva bilong ambalans i toktok hat tru long noken kilim em.



Burma i tok ol i no kalabusim wanpela lida bilong Japan

Rangoon:

JAPAN i rausim ol ekonomik helpim we em i bin givim i go long Burma bikos ol lain long hap i holim yet lida bilong ol, Aung San Suu Kyi. Ol ofisal bilong Burma i tok olsem toktok gavman bilong Briten i bin wokim olsem ol i holim pasim Mista Suu Kyi long wanpela haus kalabus long Rangoon em i no tru.



Praim minista bilong India raun i go long China

Beijing:

ATAL Bihari Vajpayee i kamap fes Praim minista bilong India bihain long 10-pela yia long mekim wanpela ofisal raun i go long Saina.

Long dispela taim, Beijing i luksave olsem New Delhi i bosim stet bilong Sikkim, na New Delhi i promis olsem em i bai wok egensim ol lain bilong Tibet husat i stap long India na i wok long traim long kamapim birua.

India tu i promis olsem em bai wok agensim ol lain husat i save laik bagarapim ol Saina.

Palestain mas luksave long Israel

Gaza Sitti:

WANPELA lida bilong ol Hamas milisia, o lain bilong pait, i wok long tokaut strong olsem ol manmeri olsem kantri Palestain i mas luksave long kantri bilong Israel.

Dispela em i fes taim, dispela lida, Abu Shanab i wokim dispela kain toktok long publiik.

Mista Shanab i wok ol nius manmeri long Gaza olsem strong bilong Israel i moa yet na Palestine i mas sindaun gut wantaim ol.

Dispela toktok i bin kamap taim dispela grup Hamas na wanpela grup bilong lida bilong Palestine, Yassar Arafat, ol i kolim Fatah, i bin wanbel long stap pait inap long traipela mun long Israel, Wes Bank na Gaza sapos ol Israel i stap long makim ol lain bilong pait na kilim ol na farim ol lain Palestine ol i holim pasim i go fri.


Nogat moa SARS, i orait long raun ken

Hong Kong:

WOL Helt Oganalisen (WHO) i rausim dispela tok nogat long raun i go long Beijing, China na Hong Kong we ol i bin mekim taim sik SARS (Severe Acute Respiratory Syndrome) i bin kamap bikpela long ol dispela kantri.

Long ol 32-pela ples we sik SARS i bin go long em, Taiwan na Toronto tasol em ol hap we WHO i tok olsem sik ya i wok long raun yet.

Long ol 8500 pipel long wol husat i bin kiasm SARS, sik ya i bin kilim 850 bilong ol.




Available from: BNBM HARDWARE

- Port Moresby: Ph: 325 1135 Fax: 325 7393
Lae: Ph: 472 6966 Fax: 472 6968
Kokopo Ph: 982 9580 Fax: 982 9581


New Arrival International Quality Standards One Year Parts Galanz




Cabinet Type Air Conditioner



- KF71 Special Price: K3,630/Set
Cooling Capacity: 28,00BTU
Suitable Area: 32-50Sq.m
Dimension: Indoor 1800\*540\*270mm Outdoor 860\*900\*330mm
KF120 Special Price: K5,130/Set
Cooling Capacity: 46,000BTU
Suitable area: 55-83 Sq.m
Dimension: Indoor 1910\*615\*325 mm Outdoor 1260\*975\*330mm







# MOROBE PROVINSAL GAVMAN 5 YIA DEVELOPMEN PLEN TOKTOK BILONG GAVANA LUTHER WENGE



**O**l man na meri mi laik tok welkam long yupela olgeta long dispela de long opim Tutumang Asembli we sampela wok senis i kamap long en. Namba tu em yumi olgeta i kamap hia long opim Provinsal Distrik na Lokol Level Gavman 5 Yia Plen 2003 i go long 2007.

Namba tri em kamap bilong Morobe Edministresen Kopret Plen we em bai banisim edministresen long karimaut dispela 5 Yia Plen.

Em i olsem haus bilong yu na yu na mi save olsem nogat man i laik stap na wok long hap i gat pipia na doti. Mi olsem lida bilong dispela dispela gavman mi gat wok long mekim haus bilong ol pipel i stap klin na gutpela long ol lida i ken sindaun gut na mekim ol bikpela disisen bilong ol Morobe pipel na Papua Niugini.

Wanem kain lain ol pipel i makim i go long palamen, wanem kain lain i save wok long Pablik Sevis, ol plen olsem rot, bris, bisnis na ol biling tu em piksa bilong Morobe, ol pipel bilong yumi na em ol samting God i wokim.

Sampela lain bai i tok wanem kain pasin long raitim ol toktok na nem bilong God long ol dua na sait sait bilong Tutumang Haus.

Mi laik tok klia long yumi olgeta long bikpela prea bilong Bikpela." Papa blong mipela. Kindom blong yu i kam long ol ples olsem tasol mipela olgeta i bihainim long graun tu". Sampela taim yumi save tok "Olgeta samting i kamap long strong bilong God". Strong bilong God em i as bilong olgeta samting i kamap. God i laikim ol samting long kamap bihainim laik bilong em. I no mi (Wenge) husat i laikim ol samting long kamap tasol long God yumi ken kamapim planti gutpela samting ol pipel bilong em i laikim.

Mi bilip sampela bikpela disisen i bin kamap long dispela Tutumang haus na i go aut long mekim ol bikpela senis long Mama Lo, Ogenik Lo na Ekt bilong Palamen. Wapela em long takis lo bilong VAT na arapela moa.

Olsem Gavana mi laik tokaut long ol rot Provinsal Sapot Grent bilong 2002 aninit long nem bilong mi i wok.

1. Sapmanga Praimeri Skul dabol klasrum	<b>K25,000</b>
2. Siwea Helt Sab senta mentenens	<b>K15,000</b>
3. Wasu - Kabwum Kofi Mil stadi	<b>K10,000</b>
4. Tutumang Biling mentenens	<b>K200,000</b>
	<b>Total K250,000</b>

Mi laik tok amamas tu long ol arapela Morobe lida bilong Nesanel Palamen long mekim wankain tu long Distrik Sapot Grent mani long ilektoret bilong ol wanwan. Dispela mani i save kam bihainim lo olsem na wok i stap long han bilong yumi ol lida long mekim wok wantaim dispela mani, maski dispela mani em liklik.

Ol man na meri mi olsem Gavana bilong dispela provins i amamas long tokaut tu long 5 Yia Developmen Plen bilong provins na 9-pela distrik we i gat 33 Lokol Level gavman Kaunsil na 450 wod i stap insait. Em i hat tu long go pas long provins we i gat moa long 500 manmeri i stap wantaim tu ol arapela pipel bilong Papua Niugini husat i gat kankain tokples na pasin tumbuna i stap wantaim.

Yumi save pinis olsem namba bilong ol pipel long provins i go antap pinis bihain long kaunim pipel (sensas) i bin kamap olsem na dispela bai putim planti wok antap long ol eria bilong givim sevis na arapela bikpela helpim ol pipel i laikim.

Pastaim 5 Yia Plen long 1998 i kam long 2002 em yumi ron isi i kam tasol dispela nupela 5 Yia Plen em yumi inap bungim ol traim na hevi long rot i go bikos bai i gat planti senis na disisen bai i kam long Nesanel, Provinsal na Lokol Level Gavman.

Rifom sistem i bin wok long sampela hap tasol em i no wok gut long sampela hap. Politik sistem i groa hariap tumas na i save bihainim namba gem na ino moa lukluk long wok tu bilong em long givim sevis na helpim i go long ol pipel.

Mi ken tok stret olsem taim mipela i bin apim namba bilong ol kaunsil long 28 i go antap long 33, dispela i daunim mak bilong mani aninit long Viles Sevis na Lokol Level Gavman Grent. Mani i nogat nau long givim sevis long pipel bikos mani i go lus insait long wok bilong sanapim ol dispela opis. Mi save olsem ol presiden na ol memba bilong Tutumang bai wanbel long dispela hevi bilong mani yumi i gat tude.

Bikpela mani tru i save go long pei bilong ol Pablik Sevens olgeta taim na sapos politik i ken kamap wantaim ol gutpela disisen na rot bilong stretim dispela hevi long daunim pei bilong Pablik Sevens na edministresen i kam daun bai yumi ken lukim sampela gutpela mani i stap bek long yumi mekim wok wantaim.

Edukesen i tu i kamapim planti senis. Gutpela o nogut senis. Tasol em i senisim pasin na tingting.

Polisi bilong edukesen rifom long tude i nogat kontrol long ol hai skul, praimer skul na ol elementri skul. Rifom i kamap tasol na i ting em bai mekim moa manmeri i ken save long rit na rait na kamapim gutpela sindaun long pipel na komyuniti.

Plantil ol bikpela senis tu i kamap long wok bilong bisnis, siti i senis na senis long ol save na masin bilong mekim wok na i rausim ol olpela rot na pasin wantaim ol nupela pasin. Olgeta dispela i sut long kamapim bikpela senis long sosaiti bilong yumi we i no luksave long plen na developmen gavman i laik kamapim.

Ekonomik rifom i no bikpela tumas na yumi wok hat tru long pilaim musik bilong ol bikpela wol fainens na bisnis. Kantri i wok long bihainim ol dispela bikpela bisnis na kampani long banisim interes bilong ol taim kantri i wok long lusim planti samting.

Yumi amamas long kisim ol helpim mani i kam long ol ovasis kantri, yumi mas senisim lukluk na tingting bilong yumi long kain helpim olsem. Hevi i stap olsem PNG yet i no inap mekim mani bilong em yet long lukautim na stretim ol rot, bris, ples

balus na ol bikpela sevis na projek i stap long kantri olsem na mipela i save go kisim helpim long ovasis.

Kantri i mas putim moa mani i go insait long ol wok bilong agrikalsa, fis na arapela minerol risoses. Em i mas mekim samting na salim na i no ol nupela samting em i kism long graun na salim. Dispela inap mekim kantri i kism moa ovasis mani bilong kam strongim strong bilong Kina long kantri na tu bekim sampela bikpela dinau kantri i gat i stap long ol ovasis benk na arapela kantri.

Sapos mipela i mekim olsem bai mipela inap lusim dispela ovasis helpim na strongim nem bilong yumi bikos mi save olsem yumi save kisim strong long dinau mani.

Ol pipel bilong mi long Morobe, mipela yet i mas mekim mani na kirapim ol wok insait long ol ples na mipela i ken bihainim ol dispela bikpela bisnis senis long tude tasol mipela bai bihainim long mak na skel bilong mipela yet na i no long ol bikpela bisnis na kampani long wol bai pusim na pulim mipela.

Yumi mas tingim nupela rot bilong kirapim ples. Save bilong yumi long ruel developmen long sait bilong agrikalsa na ol rot, bris, wof na kain samting olsem i mas senis.

Yumi mas lukluk i go long narapela 20 yia olsem sindaun i mas kamap gutpela, wok bilong vokesenel trening i mas kamap, ol projek na wok i mas go daun long ol ples na ol sevis long taun i mas go daun long ples long dispela taim bikos namba bilong ol pipel bai kamap planti long ol ples. Dispela kain plen em mi ken lukim olsem em tru ruel developmen.

Ol man na meri. Sampela bikpela projek gavman bilong mi i laik kamapim long dispela 5 Yia Plen em;

- Waria Developmen Projek we kankain agrikalsa progrem bai kamap long dispela hap bilong Garaina veli we graun i gat bikpela gris tru.

- Fiseris projek long Longi Lain Tuna na arapela fising projek.

- Vanila, kakao na kofi developmen na prodaksen.

- Long sait bilong maining, gavman bilong mi bai helpim wok bilong kirapim hariap Hidden Veli gol main we dispela bai helpim gen long kirapim Wafi gol na kopa main we i wankain olsem Panguna main.

Taim wok bilong pasim ol maining long ol hap olsem Porgera, Misima, Ok Tedi i wok long kamap nau, mipela i mas helpim Abelle Limited long go het long wok bilong em long traim opim maining long 2005 hia long Morobe provins.

Long sait bilong rot, ol rot nau em bikpela samting long mipela i mas stretim na lukautim yet.

- Lae - Finsafen - Sialum - Kabwum - Wantoat - Lae

- Lae - Wau - Garaina - Morobe - Lae.

- Lae - Bulolo - Menyamya - Ongha Waffa - Umi.

Telekomyunikesen o rot bilong salim toktok na ripot i go i kam em bikpela samting bikos provins i gat ol bikpela maunten na bus olsem na gavman bilong mi i lukluk long stretim dispela hevi we mipela i redi long sanapim setelah komyunikesen sistem long provins. Olsem na mi laik askim gutpela Minista bilong Plening na Treseri long lukluk insait long dispela hevi bilong ol pipel bilong Morobe na givim helpim na sapot bilong em.

Helt em bikpela samting na gavman bilong mi bai wok hat long pait egensim olgeta kain sik i stap. Em i wok bilong mi olsem Gavana bilong provins long lukim olsem olgeta klinik i isi long ol ples lain i go long kisim marasin, ol ed pos i gat ol wokman na ol samting bilong mekim wok wantaim na helt sevis i mas stap redi olgeta taim long sevim ol pipel.

Gavman bilong bai strongim ol provinsal helt progrem na tu strongim na sapotim wok bilong Angau haus sik long em i ken mekim wok bilong em gut long sevim kantri.

Yumi mas go helpim ol pipel i stap long longwe na bus ples bai ol i ken stap amamas na i ken mekim gut wok na stap olsem gutpela manmeri bilong komyuniti. Olsem na mipela bai kamapim Provinsal Lo long kamapim Trasti bilong lukautim hevi na wari bilong ol.

Yumi mas helpim tu long kamapim gut ol rot bilong judisel na arapela lo bodi insait long provins. Yumi bin wokim pinis kot haus bilong Nesanel Kot long Lae na yumi i wok long wokim nupela distrik kot haus na haus bilong ol loya bilong Pablik Prosekjuta, Pablik Solisita na Stet Solisita bikos ol i save karim ol bikpela wok bilong kamapim gutpela sindaun na amamas insait long komyuniti.

Long pinisim tok mi laik askim edministresen long mekim gut wok nau olsem yupela i bin mekim long 5 yia plen bipo long 1998 - 2002. Mi laik tok amamas na tenkyu i go tu long Ainea Sengero em olpela edministreta bilong mi long bikpela wok em i bin mekim tu long Morobe provins.

Pablik Sevis em enjin rum na sapos enjin rum i no wok bai mi painim hat long kisim sip bilong mi i go. Mi mas tok amamas long yu Manasupe Zurenuoc long kamap wantaim dispela Kopret Plen long dispela namba wan taim bilong edministresen bilong yu. Mi ting dispela em namba wan tu long ol provinsal edministresen insait long kantri.

Ol pipel bilong mi long Morobe, wantaim ol dispela salens i stap het na ol driman yumi laik kamapim bihain, mi askim yupela long wok bung wantaim nesanel gavman, gavman bilong mi na ol lokol level gavman bilong yu insait long dispela hatpela taim we yumi bungim hevi bilong mani. Tasol long strong bilong God bai yumi lukim dispela hevi i pinis na yumi ken lukim gutpela rot i stap.

**God i Ken Blesim Yupela Olgeta!**





# MOROBE PROVINSAL GAVMAN 5 YIA DEVELOPMEN PLEN HET TOK: HISTRI BILONG PLENING LONG MOROBE PROVINS

Plening em namba wan step long karimaut gut olgeta wok menesmen insait long ogenaísesen. Ol arapela wok bilong edministresen na menesmen i save karimaut wanem samting i kamap na i stap pinis long plening. Plening i save mekim menesmen i lukluk long ol rot na hap em i laik i go long en na abrusim ol pasin bilong westim nating ol risoses, daunim ol hevi i kam daun liklik, was gut na kontrolim ol wok long traim kamapim kaikai tru bilong wok.

Morobe provins i bin gat sans bilong em long mekim ol wok bilong plening insait long 21 yia insait long demokretik sistem bilong gavman long kantri na pablik ekspendisa plening bilong Papua Niugini.

Na bikpela samting o luksave i bin kamap long dispela em long plening insait long Papua Niugini em long Morobe Provinsal Gavman Plening Sistem. Dispela sistem em provins i kamapim long Tuam 1 Plen we i no go wankain wantaim Nesenel Pablik Ekspendisa Plen (NPEP) sistem (em ol plening na baset teknik we i nogat planti rum long mekim plen long aninit i kam antap we pipel i no stap tumas insait.)

Tuam 1 na Tuam 2 em plen em olpela Primia bilong Morobe Utula Samana i bin go i pas long kamapim. Astingting ibloing Tuam 1 Plen (1982) em long ol developmen bilong rot, bris, wof, ples balus na ol kain bikpela developmen olsem. Dispela plen i sut long givim ol pipel rot bilong mekim samting long sait bilong sosio kalsarel developmen na long gat sans long sampela sevis bilong rot trenspot. Ol bikpela rot konstraksen i bin kamap long dispela taim. Insait long K30 milien baset insait long Tuam 1 Plen, ol i yusim K20 milien long wokim ol rot na ol arapela bikpela developmen wantaim.

Insait long Tuam 2 Plen (1988-1991) dispela i sut long Sosol Ekonomik Developmen na Disentrelaisesen. (Ol bisnis developmen na wok edministresen na pawa bilongem i kam daun long provinsal level) Dispela plen i sut long ol dispela wok i mas stap long han bilong ol pipel. Dispela i lukluk long kamapim ol opis olsem Komyuniti Gavman, MPG bisni shan na kamap bilong Developmen Atoriti we i lukluk moa long rijinol plening. Tupela hevi i kamap long Tuam 2 Plen em olsem i nogat teknikal menpawa na nogat we long kisim takis long ol.

Tupela provinsal developmen plen i sut long kirapim na strongim rurel developmen na kirapim sosol na ekonomik na bringim edministresen pawa i go long ol rurel komyuniti.

Aninit long lidasip bilong olpela Primia na Gavana Jerry Nalau ol i kamapim Dreger 1 Plen (1992 - 1997). As tingting bilong dispela plen em long sosio ekonomik developmen. Dispela plen i putim ol eria olsem Helt, Lo na Oda na Edukesen i go antap we em i kamapim ol progrem bilong em. Dispela plen i sut long bringim dispela sevis i go long ol pipel. Em i sanap strong long eria bilong kamapim ol helti na saveman na savemeri bai ol i ken wok strong insait long ol eria bilong mekim bisnis na mekim mani. I bin gat plen tu long lukautim gut na yusim gut ol samting i stap long bus graun na solwara tasol long dispela taim Morobe Provinsal

Gavman i bin bungim hevi we Nesenel Gavman i rausim (saspen) Morobe Provinsal Gavman. Dispela plen i no kamapim planti samting tasol long 1995 politikel rifom i kamap we Provinsal na Lokol Level Gavman rifom sistem i kamap. Long 1996 na 1997 em tupela yia bilong larim dispela nupela politikal sistem i kamap na kisim ples.

Namba 4 Morobe Provinsal 5 Yia Developmen Plen (1989 - 2002) i bin kamap long taim bilong Gavana Luther Wenge. Dispela plen i sut long ol rot na wokabout bilong provins na Distrik na ol Plen bilong LLG. Dispela plen i sut long senis long sait bilong Sosio Ekonomik insait long ol eria bilong Developmen Growt Sentas, kamapim strong bilong ol Lokol Level Gavman aninit long Rifom, strongim ol wok bilong gavman insait long ol distrik na strongim wok bisnis insait long eria agrikalsa na fiseris.

Insait long namba 5 Morobe Provinsal 5 Yia Developmen Plen (2003 - 2007). Dispela plen i sanap strong na sut yet long ol plen na rot bilong provins i go long en. Bikpela tingting em long ol rot bilong kirapim bek ol wok na kamapim nupela senis long ol eria bilong wok bisnis na agrikalsa na long kamapim developmen we i kamap insait long ples.

Dispela 5-pela provinsal developmen plen bai wok insait lokng 5-pela yia i kam long sait bilong kamapim wok agrikalsa na ol wok bisnis i kirap insait long ol ples. Ol sevis tu olsem rot, bris na arapela, kirapim gutpela wok gavman bilong ranim gut wok na ples, gutpela sosel developmen na gutpela wok pablik sevis na ol bikpela bisnis insait long provins.

Astingting bilong mekim plen insait long Tuam 1 na Tuam 2 na rot bilong Provins i go long en em ol gol bilong mekim plen bihainim. Tingting ol i bihainim long kamapim Dreger 1 Plen em long Risos Menesmen Sistem.

Morobe provins i go pas long kamapim ol kain plen we i karamapim ol eria bilong taitim ol plen wantaim baset na ol eria bilong karimaut wok insait long Papua Niugini. Sistem i bin stap pinis long bipo pastaim long Provinsal na Lokol Level Gavman Rifom i kamap. Distrik Plening Komiti na Komyuniti Gavman sistem i bin stap pinis long Morobe long 1981 yet i kam na i bin wok gut tru wantaim gutpela plening gaidlain na ol rot bilong bihainim we Waigani i laikim provins long bihainim.

Olsem na Morobe provins i no kisim tasol pawa bilong politiks tasol em i kisim tu pawa bilong edministresen insait long provins na distrik.

Mipela i gat strong na luksave bilong ranim sistem na sevim gut kos o maski i nogat inap mani long karimaut wok na tu Waigani i no save was klostu o mipela i no save kisim strong tumas long Waigani.

Ol lida bilong mipela long provins i kamapim ol bikpela senis long mekim wok na kirapim provins long bipo i kam tude. Ol i no sindaun tasol na larim Waigani i tokim ol long rot bilong ranim provins. Ol i gat save bilong harim na kisim save na karimaut long mekim ol developmen plen bihainim laik na sindaun bilong ol pipel bilong ol.



# National Narcotics Bureau

## TOKTOK BILONG SIAMAN



**H**et toktok na tingting bilong dispela yia Intanesenel De Egensim Drag na ol hait pasin bilong salim drag em "Let's Talk About Drugs" ('Yumi Toktok long Drag'). Dispela em i rait toktok bikos taim yumi luksave olsem problem i stap na toktok klia long en bai kamapim wanpela gutpela rot long abrusim ol problem.

Olgeta sosaiti insait long wol gat hevi long pasin bilong kisim drag. Nogat wanpela sosaiti long wol i nogat hevi bilong drag, hait na baim na salim drag na kisim drag we i bagarapim ol sosaiti. PNG em i wanpela sosaiti husat i gat ol dispela bikpela hevi bilong drag.

Mipela i mas tok stret na tru olsem mipela i gat bikpela problem tru wantaim ol pasin bilong salim na kisim drag. Ol gutpela yangpela pipel bilong mipela i wok long bagarapim laip bilong ol taim ol i kisim mariwana na hombru bia. Bai yumi yet i laik kilim dispela kantri sapos yumi larim ol hevi bilong drag nau i go het yet na yumi i no mekim wanpela samting.

Mi yet i lukim long ai bilong mi ol nogut we i save kamap taim wanpela i kisim drag. Olgeta taim mi lukluk long ai bilong wanpela yangpela man o meri husat i save kisim bagarap long drag bel bilong mi i save bruk tru.

Long ol yia we mi save wok long kamapim wok bilong stretim na kirapim gen ol laip i bruk, ol hevi bilong ol dispela pipel i save mekim mi wari tru long laip bilong ol olgeta taim.

Sampela taim mipela i save wok gut long helpim ol yangpela i ken lusim olgeta pasin bilong drag, tasol ol narapela taim mipela i no save win.

Wanpela samting tasol i save mekim mi klia tru na dispela em olsem wanwan laip em i spesol presen i kam long God. Long dispela as tasol, wok i stap long wanwan pipel long soim rispek na lukautim laip bilong narapela ol pipel.

Mi laik givim gutpela toktok long ol papamama, famili memba, tisa, sios wokas, pablik sevens, ol lo opisa na olgeta arapela pipel long givim gutpela sapos na ples we ol lain husat i save kisim drag i ken lusim pasin bilong kisim drag na statim gutpela laip gen.


Mi laik kisim dispela taim long tok tenkyu long nau Gavman long makim mi olsem Bod Memba na Siaman bilong Nesenel Nakotiks Biuro, dispela bodi we i gat wok long lukluk insait long ol hevi bilong drag insait long kantri.

Bod bilong mi bai wokbung wantaim menesmen na wok lain bilong Biuro long lukluk long ol hevi bilong kamapim drag, hait na salim drag na yusim insait long PNG.

**PR. CHARLES LAPA**

**Siaman**

**National Narcotics Control Board.**



## TOKTOK BILONG DAIREKTA JENEREL

Mak long 200 milien pipel long olgeta hap long wol i save yusim ol drag nogut. Dispela i olsem mak long 4.7 pesen long wol populesen husat i gat moa long 14 krismas. Dispela namba i bikpela tru tasol ol hevi

bilong drag i kamapim bikpela na bagarap tru insait long sosaiti long sait bilong helt, lo na oda, ikononi na ron bilong HIV/AIDS.

Ol hevi bilong drag insait long PNG i soim olsem sampela strongpela wok i mas kamap hariap wantaim wokbung i kam long gavman, lo opis na ejensi, ol sios, NGO na lokol komyuniti long stapim wok bilong mekim drag, salim na kisim ol drag nogut. Menesmen bilong mi bai kamapim sampela rot long kamapim dispela pait egensim ol hevi bilong drag.

Namba wan tru, Nesenel Nakotiks Biuro em i wanpela gavman bodi i go pas long pait egensim ol drag nogut insait long PNG. Nau long dispela taim i nogat wanpela drag polisi i stap long helpim long givim rot long Biuro na gavman long toktok long hevi bilong drag insait long kantri. Menesmen bilong mi bai wok strong long kamapim wanpela Nesenel Drag Polisi na givim i go long gavman klostu taim.

Namba tu, kantri i mas kamapim strongpela sekyuriti long ol ples we drag i save go kam insait long kantri long ol ples olsem ples balus, solwara pot, boda krosing na ol narapela eria we ol i save karim drag i go ausait long PNG long sip na bot. Mipela

i pret tru long lainim olsem ol mariwana we ol i planim long Hailans i save go long ol bikpela siti long Amerika olsem Los Enjelos na Niu Yok.

Sekyuriti long dispela kantri i no strong tumas olsem na ol lain i save hait na salim drag i save muv i go insait na kamaut long kantri long laik bilong ol yet. Dispela i mas stop.

Namba tri, intanesenel wokbung i bikpela samting tru we i mas kamap sapos yumi laik traim long kontrolim drag i raun insait long kantri na ol tu long stopim ol bikpela hevi bilong mekim drag na yusim drag. Menesmen bilong mi i stat long kamapim ol gutpela wokbung wantaim sampela intanesenel ogenaiesen olsem WHO, UN Drag na Kraim Opis, UNDP na ol drag ejensis bilong ol narapela gavman insait long Esia Pasifik Rijen. As tingting bilong dispela intanesenel wokbung i kamap em bikos problem bilong drag em i kamap long olgeta hap long wol.

Mi laik kisim dispela taim long tok tenkyu long gavman long makim Pasta Charles Lapa na ol arapela gutpela sitisen i go insait long Bod bilong Nesenel Nakotiks Biuro. Pasta Lapa i kam insait long bod wantaim planti gutpela eksperiens long givim i go long Biuro na kantri bikos em i save gut long wanem hevi i save kamap long laip bilong ol lain husat i save yusim ol drag nogut. Em yet i save wok wantaim ol wok lain bilong em long Jesus Halfway House na i save helpim planti ol yangpela husat i save kisim drag na bagarapim laip bilong ol long ol strit bilong Mosbi siti.

Em i soim gutpela piksa long ol yangpela pipel long kantri. Mi tok welkam long Pasta Lapa insait long bod.

**MR PAITA TOWA**

**AjDirector General**



**ET bai sapotim kalsa bilong PNG**

Neville Choi i raitim

ANDREW Ettinghausen, wanpela biknem ragbi pilaia bilong Australia husat i kam raun long Oro provins long las wik long painim pis long wanpela TV so bilong em i amamas stret long kalsa bilong PNG, na em i tok olsem em bai helpim long promotim PNG na kalsa bilong mipela long Australia.

Bipo long em i kisim balus i go bek long Australia long las wik, ET i tokim ol ripota na ol lain bilong PNG Turism Atoriti (PNGTPA) olsem em i bin kam long painim pis, tasol em i amamas tru long lukim kain kalsa bilong PNG. Em i tok olsem planti manmeri long Australia i no save long ol naispela kalsa bilong PNG, na em bai traim helpim TPA long promotim long TV so bilong em.

EMTV i save soim TV program bilong em, ol i kolim 'Escape with ET' long 5-kilom long olgeta apinin long Sarere.

Olsem na yupela i mas lukluk i stap long ol wik i kam bai yupela inap long



• ET i holim wanpela buk bilong daiv insait long PNG. Em i amamas stret long lukim ol naispela samting long ol solwara bilong yumi. Foto: JOE IVAHARIA

lukim ET na ol lain bilong em i raun huk na amamas wantaim kalsa bilong PNG.

**Soul City i save soim ol wankain hevi long PNG**

Neville Choi i raitim

OLGETA Mande nait long EMTV, ol i save soim wanpela program ol i kolim 'Soul City'.

Dispela program, em i wanpela TV so ol i mekim long Saut Afrika, tasol i gat planti samting we ol i save soim i wankain long PNG tu.

Long dispela so ol i save soim ol dokta long wanpela hausik long Saut Afrika husat i save go insait long ol setelmen o senti taun olsem ol i save kolim long hap, na mekim ol wok awenes na helpim ol manmeri insait long ol setelmen long save long stretim sindaun bilong ol na famili bilong ol.

I gat planti manmeri insait long PNG husat i save laik lukim dispela program long EMTV long olgeta nait.

Wantok Niuspepa i bin toktok wantaim sampela man husat i save laik long lukim dispela program.

Ol i tok olsem dispela program em i wanpela gutpela program bilong wanem em i save soim kain laip we planti ol manmeri bilong PNG husat i save lusim ples na kam stap raun long taun na siti i gat we i wankain.

Planti man na meri i save lusim ples long kam long taun na siti long painim gutpela laip, tasol taim ol i kamap long siti, ol i save painim hat tru long kisim wok o long mekim mani.

Taim ol i no inap long painim gutpela haus, ol i save go stap long ol setelmen na planti long ol i save mekim trabel na ol kainkain stil pasin.

Insait long ol setelmen tu, ol manmeri i no save gut long ol kain samting olsem ol kainkain sik na we bilong daunm ol sik.

Long Saut Afrika, ol i gat wankain hevi tu. Ol manmeri

bilong ol i save laik painim gutpela sindaun na ol i save lusim ples bilong ol na go stap long ol taun na siti.

Olsem dispela program *Soul City* i save lukluk long dispela kain laip bilong ol manmeri long Saut Afrika na traim na skulim ol long we bilong painim gutpela sindaun insait long famili na komyuniti.

**Ol lain Saut Afrika yet i mekim Soul City**

Dispela program *Soul City* em wanpela program bilong Africa Foundation.

Ol i save mekim ol wok bilong helpim komyuniti bilong skulim ol manmeri long Saut Afrika long ol kainkain samting i save kamap namel long komyuniti bilong ol.

Dispela *Soul City* TV program em wanpela projek bilong ol tu.

*Soul City* em ol i mekim long KwaZulu-natal long Saut Afrika.

Em i save lukluk long wanem samting ol komyuniti long hap i save laik na i save yusim niuspepa, TV na radio long putim dispela so bai ol manmeri inap long lukim na save.

Dokta Garth Japhet em dispela man husat i statim dispela *Soul City* projek bihain long em i lukim olsem wok bilong em olsem dokta insait long ol liklik taun na ol rurel eria long Saut Afrika i no karim gutpela kaikai long helpim ol manmeri long hap long stap gut.

Em i painimaut olsem i gat ol planti liklik hevi ol i save painim insait long komyuniti bilong ol long olgeta de.

*Soul City* projek i gat tupela hap. Mes midia na ol woksop long skulim ol manmeri.

Nambawan hap long Mes midia em long yusim midia

long givim skul long planti manmeri stret. Em wanpela hap long dispela program long yusim mes midia em mipela i save lukim long EMTV.

Dispela program i gat 13 so olgeta. I gat wanpela radio so tu we i gat 60 hap long dispela wankain so, tasol long radio. Dispela so long radio ol i save pleim long 9-pela tokples Afrika olgeta.

Narapela hap long dispela program em ol i save tilim aut ol liklik buk we i save toktok na givim skul long ol kain samting olsem we bilong banisim ol manmeri na pikinini long ol sik olsem HIV/AIDS.

Namba tu hap bilong dispela *Soul City* projek em long givim skul long bikipela manmeri na ol yut. Ol dispela woksop i save lukluk long yusim ol drama grup long stori long ol samting we ol manmeri i save lukim long

TV o harim long radio pinis. Ol i save putim long we ol manmeri i save stap long komyuniti bilong ol yet.

Ol dispela drama grup i save go raun na mekim ol so long ol skul, ol komyuniti senta na ol haus sik wantaim.

Planti manmeri insait long PNG i wok long kisim gutpela skul tu long dispela program *Soul City*.

I gutpela long soim laip bilong ol manmeri long Afrika i wankain olsem laip bilong ol manmeri bilong yumi yet hia long PNG.

Tasol inap ol lain husat i save wok long helt i kamapim wankain samting bilong yumi ol PNG yet long givim skul long gutpela sindaun bilong famili na komyuniti?

Sapos yumi inap long mekim, ating bai i helpim na skulim planti manmeri na pikinini wantaim.

**NATIONAL WEEKLY HIT PARADE**

Junlai 5, 2003  
Sponsa: Twisties

Song	Artist	Last Week	This Week
Iarowari Flower	Banex	1	1
Yatu	Bahakis Slabs	2	2
Toku Tiare	Sharzy	5	3
Aiwara	Shydeez	3	4
Senis Market	Kanakas	6	5
Lewa A.B.	Manny	8	6
Goi Kiri	Augustine Emil	12	7
Remia	M-Parap Band	4	8
Sweet Home Boug.	Crew 5	9	9
Wrong Lewa	Jr Kopex	7	10
Haus Mangi	Manny	10	11
Ples Blong Mi	Qwadiks	11	12
Acting Aroma	K-Mala	13	13
Sore Na Karai	Crew 5	14	14*
Allan	Hausboi	18	15
Alice	M4M	15	16
Kis Kis	Lawrence Martin	0	17
Mapai Ouke	Original Siroll's	0	18
Bipi Medley	Hausboi	19	19
Cecilia	Jr Kopex	16	20

The Weekly Hit Parade is provided by PNG FM.



**EM TV**

Fonde  
03/07/2003

- 5.30 JOYCE MEYER MINISTRY
- 6.00 NINE'S EARLY MORNING NEWS
- 7.00 TODAY SHOW
- 9.00 CREFLO DOLLAR
- 9.30 \*\*\*EMTV CLASSIFIEDS\*\*\*
- 10.20 GRADE 7 SCIENCE PRIMARY
- 11.10 GRADE 7 SOCIAL SCIENCE PRIMARY
- 11.30 \*\*\*EMTV CLASSIFIEDS\*\*\*
- 12.00 GRADE 11 MATH A
- 12.40 GRADE 11 GEOGRAPHY
- 1.30 \*\*\*EMTV CLASSIFIEDS\*\*\*
- 2.30 SESAME STREET
- 3.30 FLINSTONES
- 4.00 BUSHBEAT
- 4.30 DOWNLOAD
- 4.47 EMTV TOKSAVE
- 5.00 BURGO'S CATCH PHRASE
- 5.29 NEWS BREAK
- 5.30 HAPPY DAYS
- 6.00 NATIONAL EMTV NEWS
- 6.30 A CURRENT AFFAIR
- 6.59 NEWS UPDATE IN TOK PISIN
- 7.00 LOTTO DRAW
- 7.01 CHM SUPERSOUND
- 8.00 TOK PIKSA
- 8.27 EMTV TOKSAVE
- 8.30 SPORTS SCENE
- 9.30 NRL FOOTY SHOW
- 11.00 AFL FOOTY SHOW
- 12.30 EMTV CLASSIFIEDS

The son uses this opportunity to warn the father of his impending death in the warehouse fire, and manages to save his life.

However, what he does not realise is that changing history has triggered a new set of tragic events including the murder of his mother. The two men must now work together, 30 years apart, to find the murderer before he strikes so that they can change history again.

- 10.27 EMTV TOKSAVE
- 10.30 NATIONAL EMTV NEWS REPLAY
- 11.00 CHURCHES MAGAZINE
- 11.30 PRAISE
- 12.30 EMTV CLASSIFIEDS

Mande  
07/07/2003

- 5.30 JOYCE MEYER MINISTRY
- 6.00 NINE'S EARLY MORNING NEWS
- 7.00 TODAY SHOW
- 9.00 MALOLO CLUB
- 9.00 CREFLO DOLLAR
- 11.00 EMTV CLASSIFIEDS
- 11.30 SESAME STREET
- 3.30 BEETLE JUICE
- 4.00 WONDER WORLD
- 4.30 DOWN LOAD
- 4.57 EMTV TOKSAVE
- 5.00 CATCH PHRASE
- 5.29 NEWS BREAK
- 5.30 HAPPY DAYS
- 6.00 NATIONAL EMTV NEWS
- 6.30 A CURRENT AFFAIR
- 6.59 NEWS UPDATE
- 7.00 LOTTO DRAW
- 7.01 PRAISE
- 8.00 INSAIT PNG
- 8.35 SOUL CITY
- 8.57 EMTV TOKSAVE
- 9.00 MCLEOD'S DAUGHTERS
- 10.00 KING OF QUEENS
- 10.30 EMTV NEWS REPLAY
- 11.00 CHM SUPERSOUND
- 12.00 NIGHTLINE
- 12.30 EMTV CLASSIFIEDS

Tunde  
08/07/2003

- 5.30 JOYCE MEYER MINISTRY
- 6.00 NINE'S EARLY MORNING NEWS
- 7.00 TODAY SHOW
- 9.00 MALOLO CLUB
- 11.00 CREFLO DOLLAR
- 11.30 \*\*\*EMTV CLASSIFIEDS\*\*\*
- 2.30 SESAME STREET
- 3.30 BEETLE JUICE
- 4.00 GOOD SPORTS
- 4.30 DOWNLOAD
- 4.47 EMTV TOKSAVE
- 5.00 CATCH PHRASE
- 5.29 NEWS BREAK
- 5.30 HAPPY DAYS
- 6.00 NATIONAL EMTV NEWS
- 6.30 A CURRENT AFFAIR
- 6.58 NEWS UPDATE
- 6.59 LOTTO DRAW
- 7.00 HAUS AND HOME
- 8.00 REPORT \*\*\*PREMIERE\*\*\* A week half hour program that examines events and developments in PNG. Report will feature on a fortnightly basis "Tutumang News".

- 8.27 EMTV TOKSAVE
- 8.30 PETER BENCHLEY'S AMAZON
- 9.30 STINGERS
- 10.30 EMTV NEWS REPLAY
- 11.00 FARSCAPE
- 12.00 NIGHTLINE
- 12.30 EMTV CLASSIFIEDS

Trinde  
9/07/2003

- 5.30 JOYCE MEYER MINISTRY
- 6.00 NINE'S EARLY MORNING NEWS
- 7.00 TODAY SHOW
- 9.00 MALOLO CLUB
- 11.10 CREFLO DOLLAR
- 11.30 \*\*\*EMTV CLASSIFIEDS\*\*\*
- 2.30 SESAME STREET
- 3.30 FLINSTONES
- 4.00 WONDER WORLD
- 4.30 DOWNLOAD
- 4.47 EMTV TOKSAVE
- 5.00 CATCH PHRASE
- 5.29 NEWS BREAK
- 5.30 HAPPY DAYS
- 6.00 NATIONAL EMTV NEWS
- 6.30 A CURRENT AFFAIR
- 6.59 NEWS UPDATE IN TOK PISIN
- 7.00 LOTTO DRAW
- 7.01 IN FOCUS
- 7.30 SMALLVILLE
- 8.27 EMTV TOKSAVE
- 8.30 WEDNESDAY NIGHT MOVIE: SOUR GRAPES Two cousins and friends, Richie and Evan, go to Atlantic City to gamble. Richie loses all he has at slot machines and asks Evan for two more coins for a last attempt. That last attempt brings a \$400,000 jackpot for Richie. No wonder Evan turns greedy and jealous
- 12.20 EMTV NEWS REPLAY
- 12.40 SOUTH PACIFIC MUSIC
- NIGHTLINE
- 12.30 EMTV CLASSIFIEDS

Fraide  
04/07/2003

- 5.30 JOYCE MEYER MINISTRY
- 6.00 NINE'S EARLY MORNING NEWS
- 7.00 TODAY SHOW
- 9.00 CREFLO DOLLAR
- 9.30 \*\*\*EMTV CLASSIFIEDS\*\*\*
- 10.20 GRADE 7 SCIENCE PRIMARY
- 11.10 GRADE 7 SOCIAL SCIENCE PRIMARY
- 11.50 \*\*\*EMTV CLASSIFIEDS\*\*\*
- 12.00 GRADE 11 MATH A
- 12.40 GRADE 11 GEOGRAPHY
- 1.30 \*\*\*EMTV CLASSIFIEDS\*\*\*
- 2.30 SESAME STREET
- 3.30 FLINSTONES
- 4.00 WONDER WORLD
- 4.30 DOWNLOAD
- 4.57 EMTV TOKSAVE
- 5.00 CATCH PHRASE
- 5.29 NEWS BREAK
- 5.30 HAPPY DAYS
- 6.00 NATIONAL EMTV NEWS
- 6.30 A CURRENT AFFAIR
- 7.01 BACKYARD BLITZ
- 7.30 FEAR FACTOR \*\*\*PREMIERE\*\*\* Imagine a place where your greatest fears become reality. Fear Factor - the ultimate psychological, daredevil reality show, where contestants face their greatest fears to win a prize.
- 8.27 EMTV TOKSAVE
- 8.30 FRIDAY NIGHT FOOTBALL Brisbane Broncos vs St George Illawarra
- 11.00 EMTV NEWS REPLAY
- 11.30 NIGHTLINE
- 12.00 TULAIT

Sarere  
05/07/2003

- 7.30 DON CLOWER'S MINISTRY: "TODAY'S LIVING"
- 8.00 PLANET FANTA
- 9.30 PINKY AND THE BRAIN
- 10.00 PIG'S BREAKFAST
- 10.30 CHALLENGER
- 11.00 GOODSPORTS
- 11.30 BURKE'S BACKYARD
- 12.30 LEISURE WORLD
- 1.00 2003 PNG OPEN GOLF
- 2.30 EMTV SPORTS
- 5.00 ESCAPE WITH E.T.
- 5.30 FISHING NORTH AUSTRALIA
- 6.00 NATIONAL EMTV NEWS
- 6.30 CITY HALL
- 7.00 AIRPORT
- 7.30 HOLIDAY AIRLINES
- 8.00 SOUTH PACIFIC MUSIC
- 8.57 EMTV TOKSAVE
- 9.00 XENA: WARRIOR PRINCESS
- 10.00 HERCULES: THE LEGENDARY JOURNEYS
- 11.30 EMTV NEWS REPLAY
- 1.00 TULAIT

Sande  
06/07/2003

- 6.27 EMTV TOKSAVE
- 6.30 TIM HALL MINISTRY
- 7.00 THE TEACHING MINISTRY OF CHARLES STANLEY: IN TOUCH
- 7.30 IT IS WRITTEN
- 8.00 BUSINESS SUNDAY
- 9.00 SUNDAY
- 11.00 SIGN OF THE TIMES
- 12.00 BOOTS 'N' ALL
- 12.30 2003 PNG OPEN GOLF
- 4.00 NRL SUNDAY FOOTBALL: NATIONAL EMTV NEWS
- 6.30 TOUCHED BY AN ANGEL
- 7.30 60 MINUTES
- 8.30 SUNDAY NIGHT MOVIE: AFREQUENCY (2000) A rare atmospheric phenomenon allows a New York City firefighter to communicate with his son 30 years in the future via short-wave radio.



win tasol ya nogat samting tru i kam olsem wara wara na bagarapim em pinis na olgeta lain i smelim smel nogut i kamap. Wantu na Kanage isi tasol kirap nau tekov i go long haus. Em i no bisi long lotu, em i go olgeta.

Mais K. Kimbe

Meri bilong Kanage i bilong Henganofi. Wanpela taim em i go long Goroka taun long baim senis bilong em. Em go insait long stua na kisim wanpela blaus (klos) na traim. Em kisim i go insait long fitting rum na werim tasol klos i pas long susu. Nau meri Saina i lukim na i askim olsem, em fit? Meri bilong Kanage i laik tok, "nogat klos i pas long susu," tasol em kirap na tok, "susu and klos and pas." Ol manmeri stap insait long stua dai stret long lap.

Ovio Jasarsaffi Lae

Kanage em i wanpela man bilong Gangalawa long Buluminski haiwe, Nu Ireland provins. Wanpela taim bikpela kaikai i kamap long ples Lamusmus na olgeta manmeri long ol ples klostu i go. Ol i kilim planti pik na mumuim wantaim ol taro, saksak, kaukau na tapiok. Olgeta man na meri i bung pinis na meri ol i rausim ol mumu. Switpela smel bilong pik na taro i kisim nus bilong Kanage na aste yet maus bilong em i pulap pinis long spet na hangre tu i kilim em wansait. Kaikai i redi pinis orait man husat i go pas long dispela kaikai i askim, "I gat wanpela pasto i stap i ken blesim kaikai na bai yumi kaikai?" Kanage em hangre pinis ya. Taim em harim maimai i askim long pasto, em hariap tru sanap na i tok, "Orait olgeta pasim ai na maus." Na em prea olsem, "Bikman smel bilong pik na taro i wokim na maus bilong mi i pulap long wara na hangre tu i painim mi. Krangi stret olsem na mi askim yu long blesim dispela ol kaikai na abus hariap tasol, na wanem hap ol dispela kaikai i kam long en na ol manmeri redim long en, em laik bilong yu. Sapos yu no laik blesim ol orait maski.

Olgeta brata na sista yumi olgeta askim bikpela long nem bilong Maimai bilong dispela Malagan na olgeta i tok? Na nogat wanpela man o meri i tok Amen. Olsem na Kanage yet i kirap i singim, "Aleluia."

Pius Rocky Kavieng

Kanage em bilong ples Barum. Wanpela apinun paps Kanage wantaim Misis bilong em tupela wetim PMV long Barum maus rot. Wanpela ka bilong Kampani i kam na papa Kanage i stopim na draiva askim tupela na paps ya i tok, "Mi laik go long Bos Comp." Orait draiva tokim tupela long kalap long ka na wanpela wokman i helpim paps long pulim bilum antap. Draiva i paps wantaim Misis bilong em, sindaun gut na holim strong. Misis bilong Kanage sindaun antap long wanpela taia bilong ka na paps yet em sindaun antap long sait bilong ka. Orait draiva i spitim ka. Ka wok long seksek na paps Kanage bin werim wanpela sotpela tait trausis. Em i bisi long holim strong sait bilong ka na lukluk long sait bilong draiva. Taim Misis Kanage i lukim wil bilong paps i sain nogut tru, Misis bilong em i ting wanpela mabol bilong pikinini bilong tupela i sain, tasol nogat. Wil bilong papa ya i lus kamdaun na hangamap. Orait olgeta man antap long ka i lukim olsem na meri bilong em i go klostu long em na i tok, "Papa wil ya i hangamap i kam daun ya." Papa Kanage i ting Misis bilong em i tok long wil bilong ka. Em kirap tokim draiva, "Wil bilong ka ya i hangamap ya." Na draiva lukim nogat na i tokim em. "Yu giaman, ating wil bilong yu yet i hangamap ya." Paps Kanage i guria na lukluk i go daun na i lukim wansait wil bilong em i sain nogut tru. Olgeta wokman antap long ka i lap nogut tru long em na Kanage sem pipia nogut tru.

Naimao Amendan Madang

Kanage i stap long ples bilong meri bilong em long Aitape, Sandaun provins. Wanpela nait em i go raun long nambis na

i wok long pulim pis i stap. I no longtaim masalai bilong dispela hap i lukim nupela pes na i laik pretim em na kaikaim olgeta pis bilong em. Kanage bisi long pulim plis i stap na long baksait masalai i bin kalap pinis na i wok long kaikaim ol pis i no tan i stap. Taim Kanage harim maus bilong man kaikai em kirap nogut na tanim lukim masalai ya. Na masalai kirap tokim kanage olsem, "Aha yu hambek, yu save olsem mi masalai ha? Mi pinisim olgeta pis nau bai mi kaikaim yu tu ya harim ai!" Kanage painim rot bilong ranawe i go na kirap tokim masalai ya, "mi tu mi masalai ya." Na em kirap kaikaim wanpela pis wantaim blut. Tarangu masalai tru tru ya i ting tru na kirap lusim em na Kanage tekov long haus wantaim hap pis. Tasol long haus bel/bilong Kanage i pen nogut tru na em pekpek wara long kaikai pis i no tan.

Narrie Gedisa Lae


Kanage em wanpela manki Pinex. Em man bilong wok gaden kopi, lukautim pik na em stap tasol long Pinex bus. Em wanpela i stap nogat meri pikinini. Em i gat moa samting. Wanpela Fraide em waswas na i go wantaim tupela dok bilong em. Tupela dok ya nem bilong ol, em Mogi na Sunupi. Ol i kam kamap long maket na ol sindaun long ai bilong diwai i stap. Kanage i go baim ol karamap skon, rais boil, buai na smok na em kam sindaun na ol kaikai i stap. I no long taim wanpela marit meri lukim tasol kam sindaun klostu na singaut, "Mi hangre tu ya." Papa Kanage seken raun gen pinisim kaikai na stat kaikai buai na smok. Yu save paps kam long bus olsem na em putim sampela gris bata long meri na nau man bilong meri ya kam tasol na tok, "Yupela wokim wanem?" Kanage kirap tasol tok, gris pinis bata tasol i stap. Man bilong meri ya bel hat tasol putim wan pans long pes bilong Kanage na em i lus long taun na tekov i go bek long ples.

Wankon Liru Goroka

Ovio Jasarsaffi Lae

Kanage bilong Rai Kos long Madang provins. Wanpela taim em i kam stap wantaim tambu meri bilong em. Tambu bilong em i go long bus na kisim wanpela wel pik i kam. Na ol i mumuim na rausim mumu na kaikai. Na tambu bilong Kanage i tokim Kanage olsem, "Yu no ken kaikai pik tasol. Yu kaikai sampela taro na kaukau wantaim." Kanage bekim na tok, "Olgeta taim mi save kaikai taro, kaukau tasol olsem na nau bai mi kaikai pik tasol." Em i tok olsem na em i kaikai pik tasol. Em long Sarere apinun. Orait long Sande moning baga ya em i kaikai pik tasol na em i go waswas na werim waitpela trausis na siot na em i go lotu. Em i sindaun stap na em i pilim kapupu na em i ting olsem em bai rausim

# KANAGE



**NOKEN LUS TINGTING**  
SALIM OL PANI STORI I KAM LONG KANAGE EM STORI PES BILONG YUMI OLGETA YAHHH!





# Rot long ol manmeri i kamap long ples

Bipo, bipo tru long wanpela ailan i bin gat tupela brata i stap wantaim tumbuna meri bilong tupela. Papamama bilong tupela i bin dai taim tupela i liklik yet na tumbuna meri i lukautim tupela.

Nem bilong pes bon em Kotok na seken bon em Poning. Kotok em man bilong bihet liklik na sampela taim em i no save harim tok bilong bubu meri tasol Poning em rait man stret. Em i no man bilong sakim tok. Em i save helpim bubu long katim paiawut, wok gaden, kisim wara, painim pis na sampela taim em i save kuk bilong ol.

Ol i stap amamas tasol igo igo na tupela brata i go bikman nau. Bubu meri nau i wari long tupela tumbuna man bilong em long hau bai tupela i painim meri long maritim na kamapim famili bilong tupela yet.

Nau em i askim pes bon Kotok olsem sapos em i laik painim wanpela meri long maritim.

Kotok i tok yes em i laik. Olsem na bubu i tokim em i wokim haus bilong em longwe yet. Kotok i no westim taim. Em harim tru na wokim wanpela haus na stailim gut stret.

Taim haus i pinis em igo na tokim bubu meri olsem em taim nau bilong kisim meri. Bubu meri i tokim em olsem em bai i silip tasol bikmoning em i mas kirap na kam lukim em.

Kotok tu em man bilong silip na i kirap leit. Taim em i kamap long bubu meri, bubu i tokim em olsem em i leit na tupela bai surukim wokabout bilong Kotok i go long narapela moning. Tasol Kotok em ino harim bubu. Em i laik go nau na painim meri bilong em. Em strong moa yet na bubu meri i tokim em olsem. "Harim gut. Yu bai pul i go long wanpela ailan longwe stret. Taim yu kamap long ailan, yu mas go antap long wanpela kokonas na



kisim wanpela. Yu no ken kisim dispela i nogat mit yet na yu no ken kisim dispela i drai pinis. Yu mas kisim namel wan stret na kisim i kam daun wantaim yu na putim long bek sait long kanu. Yu no ken tromoi kokonas i kam pas

long graun. Taim yu pul i kam bek yu no ken lukluk igo bek taim yu harim nois long baksait long kanu."

Nau boiros ya i tok gutbai long Poning tupela bubu meri na stat pul igo. Em pul igo igo na klostu apinun em i kamap long dispela ailan. Em i no wet. Em igo antap long wanpela kokonas hariap tru kisim wanpela tasol na tekov i kam daun. Tudak i kamap pinis na em i no sekim gut kokonas we em i kisim.

Kotok i stat pul long kambek. Em i kamap klostu long ailan bilong ol na em i harim nois long baksait bilong kanu bilong em. Em hariap tru na tanim long lukluk. Man, em kirap nogut stret long lukim wanpela lapun meri olsem bubu bilong em i sindaun long baksait long kanu. Em i

nogat tok moa. Em i save olsem em i no bihainim ol toktok bilong bubu bilong em. Tupela i kamap long ailan na Kotok i ronowe igo long haus bilong em na lapun meri ya i go na stap wantaim bubu na Poning long haus bilong tupela.

Long gutpela pasin bilong Poning, lapun meri i kamap gutpela pren bilong em. Ol i stap inap wanpela yia i pinis na bubu bilong Poning i tokim em olsem em taim nau bilong em long kisim meri. Tupela lapun meri ya i redim ol samting bilong Poning na bik moning tru em i stat long pul igo long ailan longwe.

Taim em i go kamap em i bihainim gut tru ol toktok bilong tupela lapun meri. Tasol taim em i laik rausim kulau narapela klostu tu i laik pundaun. Olsem na em i kisim tupela wantaim na kam daun. Hap san yet em i putim tupela kulau long baksait bilong kanu na pul igo bek. Taim em i kamap klostu, em i harim nois long baksait tasol em i no tanim. Em i pul yet igo na kamap long ples. Nau taim em i tanim em i lukim tupela yangpela meri stret i sindaun long baksait long kanu bilong em. Bubu meri bilong tupela i kam na em i kirap nogut long lukim tupela meri. Poning i tokim bubu bilong em olsem narapela kulau klostu i laik pundaun olsem na em i kisim tu i kam daun.

Em i tokim bubu olsem narapela em bai givim long bikpela brata bilong em na narapela em bilong em stret.

Nau tupela brata i maritim dispela tupela kokonas meri na ol i kamapim ol famili bilong ol yet na stap long dispela naispela ailan bilong ol.

Blaise Ulei Tuam  
Levei Village  
Manus Provins



Nem: Samuel Roy Kingsley Mensah  
Krismas: 25 (man)  
Adres: Post Office Box 10, Prestea W/R Ghana  
Save laikim: Ridim ol buk, wokim ol at na senisim ol presen.



Nem: James Kimas  
Krismas: 16 (man)

Adres: Kokun Primary School, PO Box 2070, Trans Gogal, Madang Province

Save laikim: Mekim nupela pren, harim musik, redim buk, go lotu, mekim ol konkon toktok wantaim ol poroman na lap, tanim olsem ol lokol turis na lukluk raun long ol ples tingting long kamapim gutpela sindaun bihain taim.

Nem: Jackson W. Norive  
Krismas: 12 (man)

Adres: Kokun Primary School, PO Box 2070, Trans Gogal, Madang Province

Save laikim: Go long skul, pilai na raun wantaim ol poroman long skul, harim tok bilong tisa, serim samting wantaim ol poro bilong mi, pilai spot long skul, na go long lotu. Bikpela tru em slip long haus tasol.

Nem: Beven Kumbudu  
Krismas: 14 (man)

Adres: West Yangoru AOG Church, PO Box 213, Wewak, East Sepik Province

Save laikim: Mekim penpren, go lotu, harim musik, pilai ragbi tas na go long skul.

Nem: James Timbi  
Krismas: 23 (man)

Adres: KFR Trading, PO Box 1845, Mt Hagen, Western Highlands Province

Save laikim: Mekim penpren wantaim ol narapela manmeri, amamas long lukim narapela ples na raitim pas igo kam na lotu long olgeta sabat de na laikim ol narapela.

Nem: Grace Tom  
Krismas: 18 (meri)

Adres: University Centre Kimbe, PO Box 799, Kimbe, West New Britain Province

Save laikim: Go lotu, redim Baibel, wok gaden, mekim bilum, pilai voli-bol, na mekim pen pren wantaim man na meri insait long kantri.

Nem: John Claude Obeng Gambo  
Krismas: 18 (man)

Adres: Diabene Sec. Tech. School, PO Box 35, Ketan/Sekondi, Ghana, West Africa

Save laikim: Raitim leta, senisim ol presen, pilai soka, harim musik na ridim Baibel.

Nem: Sallen Tayaso  
Krismas: 19 (man)

Adres: Open Bible Fellowship, PO Box 2688, Boroko, NCD

Save laikim: Go lotu, pilai gita, mekim tok fani, ridim buk, harim musik, pilai ragbi na pilai gita.

## Kastom na braitprais paulim tingting bilong mi

Dia Laiplain,

*Prenmeri bilong mi i bilong narapela provins. Mitupela i pren long faivpela yia olgeta. Mitupela wantaim i wok. Taim mi risain long wok, famili bilong em i askim mi long peim braitprais, tasol mi no peim bikos kastom bilong mi i tok olsem pastaim long wanpela man i baim braitprais, meri we em i maritim i mas bung wantaim ol lain bilong em.*

*Prenmeri bilong mi i no bihainim dispela kastom bilong mi. Em i les long bung wantaim famili bilong mi. Famili bilong mi i tokim mitupela long brukim prensip bilong mitupela. Tasol prenmeri bilong mi i no inap long wokim disisen. Mi tokim em long givim bek olgeta mani na presen mi bin givim long en, tasol em i les long mekim dispela.*

*Mi no save bai mi lusim em na panim narapela meri o wetim em inap em i wokim wanpela disisen.*

FENCE SITTING

Dia Pren,

Tru, yupela i pren long sam-

pela yia, i luk olsem yutupela i no save toktok gut namel long yutupela yet. Olsem na yutupela i no save gut long yutupela yet. Dispela i no gutpela sapos yu tingting long maritim em bikos pasin bilong toktok namel long wanpela arapela i gutpela long kamapim gutpela marit.

Yu no klia sapos yu laik lusim prenmeri i wokim disisen bilong em. Mipela i no klia wanem disisen em i laik wokim na yu wetim em. Disisen bilong sapotim yu o papamama bilong em long askim bilong ol long braitprais. Dispela tu i no gutpela sain tumas bikos yutupela bai i no inap long kamapim gutpela marit.

Insait long PNG, em i bikpela samting olsem papamama bilong man na meri wantaim i mas tok orait long sapotim marit bilong tupela. Sapos wanpela man na meri i marit wantaim nogat gutpela luksave na sapot i kam long famili bilong yutupela wantaim, marit bilong yutupela bai i no inap stap longpela taim. Marit bai stap sotpela taim na bruk.

I luk olsem ol lain bilong prenmeri bilong yu i les long yu maritim em bikos yu no wok moa. Olsem na yu no inap long baim

braitprais. Tasol yu wok long tingting long maritim em. Dispela bai kamapim hevi. Yu ting dispela em i gutpela? Yu ting marit laip bilong yu bihain bai gutpela?

Narapela samting i olsem kastom bilong yu i tok olsem famili bilong yu i mas tok orait marit bilong yu. Dispela i gutpela. Tasol i luk olsem prenmeri bilong yu i wok long traim abrusim ol lain

luk olsem em i wok long traim kisim moa samting long yu. Dispela tu i no wanpela gutpela sain o mak long gutpela marit. Marit i mas karamapim pasin bilong serim olgeta samting na i no long wanpela patna i traim long yusim narapela.

Long pinisim ol toktok bilong mipela, i luk olsem sapos yu go het na maritim prenmeri bilong yu, marit laip bilong yu bai ino inap gutpela.

Yu ting inap yu wet pastaim long marit inap yutupela i stretim olgeta hevi? Yu wantaim prenmeri i mas sindaun gut na paitim ol toktok namel long yutupela. Sapos yu no inap long mekim dispela, yu mas tighting gut nau sapos yu laik go het wantaim dispela prensip o sapos nogat, bai yupela i brukim na bai yu painim narapela meri.

Long sait bilong toktok na luksave long papamama bilong em, i moa gutpela long yu mas kisim helpim long wanpela pater o pasto o wanpela lida i gat luksave insait long komyuniti. Yu save long wanpela man o meri i ken helpim yu?

MI LAIPLAIN



bilong yu. Sapos yu go het wantaim plen bilong yu na maritim em, wantaim nogat amamas na sapot long ol lain bilong yu, bai i gat hevi namel long ol lain bilong yu.

Laspela samting em pasin bilong prenmeri bilong yu long ol mani na samting yu givim em. I

TOKSAVE

Salim hevi na wari bilong yu i kam long LAIPLAIN, P.O. Box 6017, BOROKO, NCD. Yu ken ringim mipela long telipon namba 3260011. Mipela i no inap autim trupela nem bilong yu tasol bai mipela i yusim nem tru na etres bilong yu long salim bekim pas i go long yu.

# NasFUND kamapim seavings na lon sosaiti

NASFUND i kamapim nupela seavings na lons sosaiti long givim moa sevis long ol memba bilong em insait long kantri.

Dispela nupela senis bai NasFUND i kamapim sampela taim long neks yia taim em i stretim gut opis na ol wok bilong em.

Tasol Sentrel Benk i givim tok orait pinis long NasFUND i ken go het wantaim dispela nupela senis. Dispela i olsem seavings na lons we ol memba i ken go kisim mani long helpim ol wantaim skul fi na arapela hevi ol i

gat long famili long sindaun bilong ol.

Dispela nupela senis i kisim tok amamas i kam long PNG Bank na Fainensel Institusen Wokas Yunion.

Ol i tok dispela em gutpela sevis we inap helpim tru planti ol pipel husat i memba wantaim NasFUND.

Yunion i laikim tu olsem dispela sevis i mas wok gut na pasin nogut bilong politiks i noken kam insait gen na bagarapim wok bilong nau menesmen bilong NasFUND.

# BSP putim nem wantaim POMSox

PRAIM Minista Sir Michael Somare i amamas long Bank South Pacific (BSP) i gat nem nau long Pot Mosbi Stok Eksens (POMSoX). Stok Eksens opis i save lukautim na menesim sea bilong ol bisnis na kampani.

Praim Minista Sir Michael Somare i tok em i amamas long lukim BSP i gat nem nau long POMSoX bikos dispela i soim olsem ol liklik manmeri i gat sea nau long ol sea bisnis olsem.

Em i tok i tru olupela gavman i hariap long salim PNGBC benk i go long BSP tasol gavman i makim pipel yet long holim planti sea na bisnis yet wantaim BSP. Gavman i gat sea yet wantaim BSP aninit

long ol bisnis han bilong em olsem Pablik Opis Supaenuesen Fan (POSF), Motor Vehicle Insurance Limited (MVIL) na Petroleum Resources Kutubu (PRK).

Sir Michael i mekim dispela tok tok long opim Mani So semina long Mosbi long las wik Trinde taim em i putim aut tu ripot bilong wok painimaut i go insait long pasin na rot olupela gavman i mekim long salim olupela haus mani, PNGBC i go long nau BSP benk.

BSP i baim PNGBC wantaim mani mak olsem K152.082 milien na kisim em long Epil las yia.

Long dispela yia BSP i bin tokaut long win mani o profit em i

mekim we i sanap olsem K54.727 milien na ol win mani em bai peim ol sea holda em K18.059 milien.

Sir Michael i askim POMSoX long go raun long ol provins na skulim ol pipel bilong ples long kain bisnis ol i save mekim. Na bai ol pipel i ken klia long wanem gutpela samting ol i ken kisim sapos ol i putim mani bilong ol i go long POMSoX.

Em i tok planti manmeri i gat mani i stap tasol ol pret long putim mani bilong ol i go insait long bisnis. Olsem na dispela em wanpela rot ol pipel i ken bel kirap taim ol i lukim kain rot bilong mekim bisnis na putim mani bilong ol long mekim win mani wantaim.

## PNG Power inap apim prais

...Kampani i gat hevi long mani

PNG Power i gat planti hevi long mani na em inap apim prais bilong pawa i go antap long helpim em kisim sampela moa mani bilong lukautim na ranim wok bilong em.

Siaman bilong Independen Pablik Bisnis Kopresen Dokta Mosley Moramoro i tok bod i bin holim bung na lukluk long sampela rot bilong helpim kampani ron bikos em i gat bikpela hevi na i mas gat mani bilong ranim gut wok bilong em.

I gat wok painimaut i go insait long hevi bilong PNG Power we i lukim olsem ol i mas apim prais nau long Julai 2003 long traime mekim mani. Pastaim toktok i bin kamap long salim PNG Power.

Ol toktok i stap long PNG Power i mas kamapim mani mak olsem K10 milien insait long nupela senis ol i mas kamap wantaim. Tasol ol i no tokaut klia sapos dispela bai kamap bihain long PNG Power i apim prais bilong pawa long Julai 1.

## BSP tok Telikom i asua

BANK South Pacific (BSP) i sutim tok yet long Telikom i as bilong bagarapim ol benk sevis i go long ol ples. Dispela em bikos BSP i tok Telikom i no givim yet laisens bilong setelait komyunikesen sevis ol i laik kisim.

Ripot bilong BSP long bung bilong ol i tok ol liklik pipel long ol ples olsem Buka na Sepik i wok long kisim hevi long sevis bilong benk bikos long dispela sevis ol i laik kamapim tasol ol ino kisim laisens yet.

BSP i gat samting olsem 38 brens insait long PNG na dispela setelait sevis bai mekim sevis bilong benk i go long ol ples i kamap isi na gutpela.

Dispela sevis bai kos olsem K5.3 milien long kamapim insait long kantri long stretim sevis bilong benk i go long ol ples na distrik.



• **Jas Don Sawong (lephan) i kisim hanbek na helpim bilong Oil Search Limited long wok bilong ranim Pasifik Judiseri Konfrens long Madang. Bos bilong kampani Gereaa Aopi i givim bek.**

# Tuna projek i kisim tok hevi

MINISTA bilong Fiseris Andrew Baing i tokaut olsem Kavieng long Nu Ailan provins bai i no inap gat tuna projek. Em i tokim Gavana bilong Nu Ailan lan Ling-Stuckey taim em i bekim askim bilong Mista Ling-Stuckey long palamen long las wik.

Mista Baing i tok strongim eksen bilong em tu long kamapim wanpela nupela bod we i ken lukautim na makim pes bilong olgeta pis bisnis insait long kantri. Olgeta bisnis o projek we i sut tu long sait bilong si

kukamba, pis projek long solwara na long wara. Em i tok opis bilong Fiseris Indastri Asosiesen i no makim tumas olgeta pis projek insait long kantri olsem na em bai kampaim dispela lo long kamapim nupela bod.

Mista Baing i strongim eksen bilong em tu long makim Mista Chapau olsem eking Menesing Dairekta bilong Fiseris Dipatmen. Mista Chapau i kisim ples bilong Dokta Anthony Lewis husat em wanpela konsalten bilong Esian Developmen Benk (ADB) wantaim Fiseris

Dipatment.

Mista Baing i tok taim bilong Dokta Lewis long wok bilong em i pinis long Epril 21 olsem na gavman i mas makim wanpela eking Menesing Dairekta long kisim wok inap opis bilong Pesenel Menesmen i makim wanpela fultaim Menesing Dairekta long kisim wok.

Em i bekim tok tu olsem disisen bilong rausim olupela siaman bilong Nesenel Fiseris Atoriti Tom Horrick em i bihainim pawa bilong gavman long mekim dispela.

# Ol kakao groa i no amamas

OL kakao groa long Bogenvil i no amamas long pasin Bank South Pacific (BSP) i mekim long sasim fi long ol taim ol i go long rausim mani long benk.

Wanpela mausman bilong kakao ekspota Robert Semoso i tok abrus long benk i helpim ol fama na ol lain bilong baim kakao nogat, ol i wok long kilim ol gen na bagarapim wok bilong ol.

Mista Semoso i tok taim em i sainim sek na givim long ol groas i kisim i go long bek long rausim mani, benk i save sasim ol sampela kain fi gen. Ol ples i no laik wet longpela taim long sek bilong ol bai klia pastaim bikos ol i laikim mani hariap long go stretim ol hevi na wari bilong ol.

Benk i tok long sasim 1 pesen (%) long ol fama taim ol fama i laik go rausim mani long sek bilong ol na dispela i no helpim ol tumas.

Em i tok planti fama i save go salim ol kakao bilong ol long ol ekspot kampani na i laik kisim kes mani stret.

Mista Semoso i singaut long ol provinsal atoriti na ol pipel long Bogenvil long lukautim gut ol ekspot kampani long Bogenvil bihain long wanpela wokman bilong ol i bin dai long birua.

Em i tok gutpela sindaun bilong ol kakao ekspota em bikpela samting long ol i ken go het long baim ol kakao bilong ol ples lain long Bogenvil.

Yumi no inap ronim ol ekspota na ol waitman husat i kam long baim kakao bikos ol tasol bai givim mipela mani na ol pipel bai i gat inap mani long nau i go inap taim Bogenvil i kisim gavman bilong em, Mista Semoso i tok.

## INTEREST RATE STATISTICS PROVIDED BY THE BANK OF PAPUA NEW GUINEA

**BUSINESS INDEPENDENT MONEY MARKET**

### Rates Quoted for Term Deposits by the Commercial Banks (%)

	Westpac	ANZ	BSP	Maybank
Up to K100,000		(a)		
3-6 months	4.25	4.50	4.00	5.25
6-12 months	4.25	4.75	4.25	5.25
12-24 months	5.25	5.00	4.85	5.50
Greater than K100,000	NEGOTIABLE OR ON APPLICATION			
Indicative Lending Rate (b)	14.95	15.00	13.25	15.00
Pasabook Savings (c)	3.00	2.00	1.50	3.25

(a) ANZ rates for up to K50,000. Over K50,000 negotiable or on application  
 (b) Indicative rate upon which lending rate is based.  
 (c) Pasabook savings rate is paid only on the minimum monthly balance.

### ANNOUNCEMENT OF GOVERNMENT TREASURY BILL AUCTION RESULTS as at 02/07/2003


Maturity	Weighted average yield of successful bids (%)	Bids received (Kina million)	Successful bids (Kina million)
28 days	19.82	202.79	180.71
63 days	19.78	42.58	42.58
91 days	20.20	33.31	33.31
182 days	20.25	17.43	17.43

### THE BANK OF PNG IS OFFERING THE TAX FREE INSCRIBED STOCK FROM ITS PORTFOLIO

Series	Maturity	Yield (1) (%)	Holdings (Kina)
5242003	1 Jun 2004	6.80	18,085,000.00
5252004	1 Oct 2004	6.38	9,000,000.00

For further details & application  
 Telephone: 322 7360 or 322 7271  
 (1) Tax exempt





# RURAL COASTAL FISHERIES DEVELOPMENT PROJECT TOKSAVE

Rural Coastal Fisheries Development projek em European Union i go pas long en. Dispela projek bai ron 5-pela krismas wantaim 6 milien yuro na bai sapotim smol skel fising entaprias long Alotau, Buka, Daru, Kavieng, Lae, Madang na Mosbi Sentrel. As tingting bilong dispela projek em long stretim gut sindaun bilong ol pipel long nambis we ol i ken kisim na maketim ol abus bilong solwara na ol pis prodak na risoses. Bai i gat rot bilong kisim dinau long mani long kamapim ol liklik pis bisnis, fising grup na ol pipel i ken baim bot, ol samting bilong kisim pis, hap bilong wokim ais na ol arapela helpim bilong dispela pis projek. Bai ol lain i kisim skul tu long ranim bisnis na risos bilong ol gut long mekim i kamap gut na i mekim profit.

## TOKSAVE BILONG PRAIVET SEKTA PATNA

Ol dispela kampani i stap olsem Praivet Sekta Patna.

LAE MAPS TUNA LTD, MADANG BISMARCK BARRAMUNDI LTD (AQUACULTURE), KAVIENG AILAN SEA FOODS LTD.

## NUPELA SINGAUT LONG TENDA

Nogat wanpela rait aplikesen olsem Praivet Sekta Patna i kamap yet long Alotau na Madang. Olsem na singaut i stap yet long Praivet Sekta Patna long sait bilong Alotau na Madang. Dispela em ol eria ol i mas bihainim.

- Ol i mas stap o nogat ol i mas wok ausait long Alotau na Madang.
- Kampani bilong ol i mas save long mekim wok bilong fising.
- I gat rekot long komesel na operesen eksperiens.
- Ol i mas i gat ol samting bilong helpim na sapotim wok bilong ol long Madang o Alotau. Kain olsem prosesing plent, woksap bilong fiksing ol mesin na ol samting.

\* I gat eksperiens long wok wantaim ol rural komyuniti.

\* I gat wanbel tingting long wokbung insait long dispela projek.

Dispela singaut long tenda i mas i gat: ol benk refrens, sapot pepa na wanpela bon fi mak long K2,000 we ol i mas peim i go long dispela projek. Bon bai go bek long ol komplaien aplikens, wantaim tu ol lain husat ol i no makim long wokbung tasol ol i makim stret ol askim i stap antap. Moa toktok long husat ol lain i laik tru long klia save i stap long projek opis (telepon: 852 1995). Ol tenda we ol i sainim pinis i mas kam long projek opis long 0900 awas long 25 Julai 2003 na adres i go long:

**The Project Manager**  
Rural Coastal Fisheries Development Project  
(PSP-EOI)  
P O Box 749, Madang 511  
MADANG PROVINCE  
Email: rcfdp@daltron.gov.pg  
Fax 852 1861

**Toksave:** Sapos i nogat bid i kam olsem long Madang na Alotau, ol wok long dispela tupela ples bai i go long ol narapela projek eria.

## OPENING BILONG OL KREDIT FASILITI

Projek i laik tokaut long fomal opening bilong ol lon o dinau fasilitis na givim askim i go long ol lain i laik aplai long mekim ol proposal long kisim helpim long projek aninit long wanwan kredit fasilitis we i stap aninit long projek. Olgeta lon o dinau i kam aninit long projek kredit fasilitis em bai orait tasol. Lon helpim bai kam insait long tripela rot:

## Maikro kredit Fasiliti

Dispela fasiliti i stap bilong olgeta lain husat i save kisim pis na grup insait long olgeta seven projek eria na em bilong givim helpim bilong baim ol samting bilong kisim pis na aisboks. Lon mani bilong wanwan lain i aplai em i stap long mak long K100 i go K1,000. Ol i mas bihainim ol dispela rot:

\* Ol lain i aplai i mas stap memba long wanpela lokol Pisaman's Asosiesen i save kisim sapot i kam long Praivet Sekta Patna long wanwan sait o eria.

\* Ol lain i aplai i mas i gat rekot olsem ol i save wok hat tru long kisim pis na i gat sampela gutpela skills na we bilong kisim pis na i gat gutpela save long lukautim ol pis bihain long ol i kisim.

\* Ol lain i aplai i mas i gat wanpela gutpela rot bilong salim na baim pis wantaim ol pis baia.

\* Ol lain i aplai i mas i gat gutpela tingting long wok insait long projek olsem gutpela bisnis lain na i mas i gat gutpela bisnis plen.

Ol lon bai i go tru long ol wanwan maikro kredit skim, seving na lons sosaitis na rural benk insait long ol provins na ol nomol intres lending ret bai kamap. Aplikesens i mas i go long ol Provinsal Piseris Opis long wanwan provins we ol i makim long en. Wanpela Provinsal Lons Komite em ol i stap pinis long wanwan provins na ol i gat wok long skelim gut na mekim disisen long ol aplikesen.

## Stata Pakis

Stata Pakis em bilong ol pisaman o grup husat i gat strongpela tingting tru. Ol lon bai stat long K30,000 i go long K300,000. Stata Pakis i stap tasol long ol provins we wanpela Praivet Sekta Patna i stap long en. Nau yet em dispela fasiliti i stap tasol long Kavieng, Lae na Madang (baramandi famas). Ol lon ananit long dispela fasiliti em ol intres fri lon. Foapela kain helpim i stap ananit long dispela fasiliti:

1. 6.2m autbot dingis i kam wantaim fiting bilong Madang.
2. 8.2m inbot disil dori wantaim fiting bilong Lae, Madang, Alotau na Kavieng.
3. 9.9m mini longpela lainas bilong Lae na Alotau.
4. Pontuns na groaut banis bilong baramandi kalsa insait long Madang.

## Ol lain i aplai i mas bihainim ol dispela ol kraiteria o samting:

- \* I kamap wantaim inkoporeted bisnis entiti o bisnis grup.
- \* I stap olsem wanpela ful taim pisaman o pis fama.
- \* I gat wanpela gutpela bisnis plen.
- \* I gat sapot bilong Pisaman's Asosiesen na Praivet Sekta Patna.
- \* Soim olsem em i gat gutpela eksperiens o save long kisim pis.
- \* I mas gat strongpela tingting long mekim wok bilong kisim pis fultaim.

Aplikesen i mas go long provinsal piseris opis insait long wanwan provinsal fiseris opis long ol provins we Provinsal Lon Komite bai lukluk long en insait long ol provins we ol i makim long en.

## Meja Kredit Lain

Dispela fasiliti i stap long olgeta hap eria long strongim sapot straksa bilong projek (ais plants, prosesing fasilitis na moa yet). Ol lain aplikesen bilong ol i orait i mas i gat ol dispela samting:

- \* I wanpela bisnis we i ron nau insait long kantri long ol projek eria.
- \* Bai orait long kisim wanpela lon ananit long projek long kisim ol sapot sevis i go long projek na ol kastomas bilong projek.

Ol lon aninit long dispela fasiliti wankain olsem ol narapela fasilitis bai i gat ful sapot long projek na i mas i gat olgeta infomesen na salim i go long projek opis long Madang. Lon aplikesens aninit long dispela fasiliti bai Meja Lons Komite bilong projek bai skelim na bai i stap tru long wanpela komesol benk long wanpela gutpela lending reit na bai i gat menesmen wankain olsem ol narapela benk lon.

Ol gutpela aplikens i mas toktok wantaim provinjal fiseris opis insait long ol provins o projek opis long (Email: rcfdp@daltron.com.pg, telepon: 852 1995, Fax 852 1861 o P O Box 749, Madang 511).

**Toksave:** Aplikesens we ol i kisim pinis bai ol i skelim olsem ol nupela aplikesens. Ol lain husat i aplai pinis i noken aplai gen.

Tok orait i kam long:

**The Project Manager**  
Rural Coastal Development Project  
Madang

# WANTOK KLASIFAIID

SAPOS YU LAIK ADVATAIS O SAVE MOA LONG KLASIFAIID PES BILONG MIPELA, RINGIM BONNER HUI LONG 325 2500 O FEKS LONG 325 2579  
EMAIL ADRES EM wordadvertising@global.net.pg

### FRI PRAIVET KLASIFAIID

Pen pren  
Mi painim penmeri husat i gat 16-30 krismas. Nem bilong John (Friends) Francis. Meri yu gat interes yu mas rait i kam. Hobbies bilong mi em Komputa, Musik, Ritim ol Buks na planti moa. Adres bilong mi em P.O. Box 8577 BKO 111, N.C.D. Pot Mosbi.


Mi painim penpren. Mi laikim wangepela meri husat i gat 20-29 krismas na tu em i mas kristen meri. Sapos yu gat laik long mi, telepon namba em 327 6362 na askim long Theo Pais. Tenkiu tru!

Nem bilong em George Kay na mi gat 19 krismas. Mi save laik wok long gaden, pilai spot olsem rabgi. Rait i kam long: George Kay, PNG Power Rouna, PO Box 1105, Boroko, NCD.

I seek a penpal who is a male at the age of 20-25 years old. Someone interested must be from Rabaul, Kavieng, Vanuatu or Solomons. I am 24 years old single and comes from Manus Province. My hobbies are watching TV, listening to PNG and Pacific music, exchanging gift/present and cracking jokes with friends. My address is:  
Lydia Joe Pondris, C/- Kainantu Primary School, PO Box 59, Kainantu, Eastern Highlands Province.

### TOKSAVE

OL SOKA ASOSIESEN LONG MADANG  
PNGFA Instrukta bai ranim Referi Greding Kos long Divine Word Yunivesti long Madang.  
De bilong Kos Julai 7 - 13  
Toktok wantaim Paais Bokarum long kisim moa toksave.  
Tenkiu Russel Tsunga  
PNGFA Instrukta.



Hepi 21 betde i go long Philip Sapa long Julai, 1st.

Yu kamap bikpela man nau.  
Hepi betde tu i go long John Isini.

Philip wantaim ankol John i ken amamas long betde bilong tupela. Rigads na amamas i kam long olgeta famili long olgeta famili na prens long Suhii ailan Manus, Pot Mosbi na olgeta hap long PNG.

Bikpela wan i kam long mama long Mosbi.

### TOKSAVE



## PACIFIC ISLANDS FORUM SECRETARIAT SUVA, FIJI.

### Political Issues Adviser

The Pacific Islands Forum Secretariat was established in 1972 by the Pacific Islands Forum to encourage economic and political cooperation between its member countries\*, and between these states and other countries.

The Secretariat is seeking a suitably qualified and experienced person to work as Political Issues Adviser in its Political, International and Legal Affairs Division. The Political Issues Adviser will be accountable to the Director, Political, International and Legal Affairs Division as follows:

- the monitoring of and reporting on political developments in the region;
- provision of timely, high quality policy analysis and advice to the executive and Forum members;
- coordination of arrangements for the Forum Regional Security Committee meeting, the Forum Ministerial Committee visit to New Caledonia and other regional political visits;
- assistance in the coordination of the Annual Forum Leaders' meeting and other regional meetings as required;
- preparation of meeting papers, briefs, reports and speeches as required;
- assistance to the Director over the range of Forum Political issues including issues relating to security, political development and governance;
- effective representation of the Forum's interests at meetings; and
- other duties appropriate to skills and qualifications as required from time to time

Applicants must be citizens of Forum member countries\*, should have an advanced university degree in Political Science with at least 7 years experience working on political issues and a sound knowledge of the political issues relevant to Forum members in the areas of security, political development and governance. The appointment will carry a competitive remuneration and benefits package including medical and life insurance provisions. For non-Fiji citizens remuneration should be tax-free in Forum member countries\*. Appointments are normally for three years, with the option to renew for a further three years.

The Pacific Islands Forum Secretariat is an Equal Opportunity Employer and encourages both women and men to apply for its positions. **Applicants should be addressed to:** The Secretary General, Pacific Islands Forum Secretariat, Private Mail Bag, Suva, Fiji.

An Information Package on the position is available from the Secretariat and applicants are urged to obtain one from Ms Lusi Tuivanuavou on (679) 3312800 or (679) 3220207 or facsimile (679) 3301366 or via e-mail: [lusi@forumsec.org.fj](mailto:lusi@forumsec.org.fj). General information on the Pacific Islands Forum secretariat is available at <http://www.forumsec.org.fj>.

Applicants close on 1 August 2003 and should contain full information on education and career background. Applicants must also provide the names, addresses (postal & e-mail), fax and telephone numbers of three employment referees.

\*Member States of the Pacific Islands Forum: Australia, Cook Islands, Federated states of Micronesia, Fiji, Kiribati, Nauru, New Zealand, Niue, Palau, Papua New Guinea, Republic of the Marshall Islands, Samoa, Solomon Islands, Tonga, Tuvalu, Vanuatu.

FOM 54.20

### TOKSAVE



PNG POWER Ltd

## I TAMBU LONG STILIM PAWA

PNG PAWA I TOKSAVE LONG OL PABLIK OLSEM I TAMBU TRU LONG STILIM PAWA LONG OL DISPELA KAIN ROT;

1. BAGARAPIM OL METER
2. WOKIM OL KONEKSEN BILONG YU YET
3. KISIM PAWA LONG EXTENSEN KOT LONG HAUS BILONG NARAPELA MAN

SAPOS PAWA WOKMAN I PAINIM YU OL I KISIM YU GO LONG KOT NA I GAT BIKPELA MEKIM SAVE LONG DISPELA TRABEL.

SAPOS YU SAVE OLSEM YU SAVE STILIM PAWA, YU MAS GO LONG PNG POWER OPIS KLOSTU LONG YU NA APLAI LONG KONEKSEN GUT BIPO WOKMAN I KAMAP LONG HAUS BILONG YU.

Issued by  
PNG Power Public Relations

## FRI PRAIVET KLASIFAIID

Wantok niuspepa i nau givim nupela sevis long kastomas bilong mipela long fri praivet advataising igo long ol wanwan manmeri. Sapos yu laik salim ol samting, painim pen pren o painim wok? Mipela tu i oraitim ol betde o man indai. Filim in dispela kupon daunbilo. Mak long raitim toksave em inap long 50 wods tasol .

Salim i kam long : P.O. Box 1982, Boroko N.C.D, PNG o feksim i kam long 325 2579

Yu inap long salim email tu long [wordadvertising@global.net.pg](mailto:wordadvertising@global.net.pg)

## FRI ADVATISMEN KUPON

KASTOMER INFOMESEN	
Subjek.....	NAME BILONG YU:
.....	.....
Olgeta toktok i mas stap long kapitol letas tasol.	.....
TEXT:.....	KONTEK FON NAMBA:
.....	.....
.....	KONTEK MAIL ADDRESS:
.....	.....
.....	Eksampol:
.....	MI PAINIM WANPELA GITA O
.....	UKELEL SAPOS YU TONGTING
.....	LONG SALIM GITA O UKELELE
.....	BILONG YU, MI TINGTING LONG
.....	BAIM LONG K100. KONTEK JOE
.....	BLOW LONG PON 00000.
.....	TENKU TRUI!



WANTOK

# TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 2500 or Fax 325 2579 EMAIL: wordadvertising@global.net.pg

## AIGLASS SPESOLIST


**SED OPTICAL**

If you are looking for an eyeglass with your prescription in sturdy frames that will last a long time.

**On Unbeatable Prices**

**Happy while stocks last!**

Call us now or come in and see for yourself at SED OPTICAL 2nd Floor Garden City,

## BAIM GOL

**Gol Baia - Metals Refining Operations**

Givim gutpela prais insait long kauntri bilong yumi. Ino namel man ibaim long yu. Kam na salim gol bilong yu stret long opis bilong MRO.

MRO istap long Seksen 451, Alotment 2, Kuila Estate, Kameron rot, Waigani P.O. Box 3980, Boroko, NCD Papua Niugini

Phone: 325 2647 or Fax: 325 2959

## LITERESI

**Nesanel YWCA**

i sponsorim wanpela kompetisen bilong ol man na meri husait i winim 18-pela krismas long rait. Dispela em long makim dei bilong Nesanel Literesi wik, we bai i kamap long 8th igo inap long 12th Septemba long dispela yia. Dispela ol man na meri i mas stap long literesi skul o greduet pinis long kain skul.

TOPIK: Wai na em i impotent long mi long save long rid, toktok na rait long Inglis? Longpela bilong stori em 1-3 peges. Yu ken rait long tokples, tok pisin o motu.

Sapos yu rait long tokples, givim long pasto, kaunsol o inglis tisa bilong yu long tanim igo long motu, tokpisin o inglis bai ol jas iken ridim. Dispela man o meri mas sain long soim olsem ol i tanim tokples.

Dispela kompetissen bai pas long 17th Ogas long dispela yia.

## MENESMEN SEVISES


**MANPOWER**
**Management Services Limited**

(Fast and Efficient Service)

- Training & Localisation programs
  - Work Permits
  - Visas
  - Company incorporations
  - IPA Certifications
  - State of the Art Database
- (Reminders automatically remitted)

Contact: Geraldine, Liz, Faith  
Telephone: 321 5491 / 321 5492  
Facsimile: 321 5493  
Email: manpower@daltron.com.pg


**ISLANDS HR MANAGEMENT SERVICES LTD**

A bridge to your future career  
Specialise in the following activities

- HR Management
- Business development
- Rural / NGO Funded projects
- Training & Localisation
- Recruitment & Labour Hire
- Passport & Work Permits
- Secretarial Service

We are located at  
Suit 8 Level 1 Garden City, Angau Drive, Boroko

Email: islandshrmc@datec.net.pg  
PO Box 889, Boroko, NCD  
Ph: 323 4955; Fax: 323 4799

## MARASIN PRODAKS

**BIO-NORMALIZER**

A Product of Scientific and Medical Research by Dr Jame Akira Osafo, a Japanese renowned Scientist and Doctor.

A PRODUCT THAT HAS ABILITY TO CURE:

Diabetes, Disease of the Liver, Heart, Kidney, Hepatitis A, B, Paralyze, Epilepsy, Stress, Mental Disorder, High Blood Pressure and much more.

This Nutraceutical product is totally safe and use by various age group including pregnant mothers, new born babies, etc...

For more information  
Phone/Fax: 323 1712

Our Office:

Champion Parade -Town  
Garden City Ground Floor

## PLAWA GADEN



COUNTRY CLUB

GEREHU WAIGANI BOROKO

WE ARE HERE

- Plants for Sale
- Hire Plants
- Garden
- Maintenance
- Plastic Pots
- Manure

Manure KR 00  
Planting Mix K25 00

Ph/Fax:  
**325 5049**

## PRINTING



For all your Printing Requirements call

**THE PRINTING HAUS**

P.O. Box 6396 BOROKO, NCD  
Ph: 325 2415, Fax: 325 4743

OR

Come in and see us we are located along the Poreporena Freeway opposite SP Brewery, Gordons.

## SOMAPIM KLOS

*Morning Star*
*Tailoring*

P.O. Box 835 Waigani  
We are specialised in:

- \* Male & Female Atire formal Wear
- \* Dress Wear
- \* Bridal Wear
- \* Office Wear
- \* School Uniforms
- \* Alteration & Repair

See us at: 4mile

above Shell Service Station

Tel/Fax: (675) 323 6222

## SEKANHAN KLOS

**FRIENDTEX LTD WHOLESALE**  
P.O. Box 5049, BOROKO, NCD  
Ph: 323 1471 Fax: 323 1479

**NEW ARRIVALS**  
and stocks in hand

Jeans, Skirt Pants, Floopy, Hennaed Shorts, Blue Jeanss, Collar T/S, Pollo T/S, Bedsheets, Golf T/S, Bedsheet/Pillow case, Cut Jeans, Childre Mix, Baby Ramage, Printed colour T/S, Work wear, Flannel Shirts, Skirts, Socks, Mix Shorts, Jeans Shorts, Bra, Light Zipper Jackets, Shoes, Blankets, Cargo Pants/Shorts, Brown bales Mix 200kg

Come and see what we've got in our wholesale

Location: **Kenmore Trade Centre Unit 11, next to Arnotts Biscuit Factory, off Cameron Road, Gordons, NC.D**

## TANIM TOK


**TRANSLATION**

WORD PUBLISHING IS OFFERING  
TRANSLATION SERVICES,  
TRANSLATE ENGLISH TO

TOK PISIN & MOTU

FOR MORE INFORMATION CALL BONNER HUI ON

PHONE 325 2500 OR

FAX 325 2579.

EMAIL: wordadvertising@global.net.pg

## X-RAY

**PORT MORESBY IMAGING LTD**

X-Ray Ultrasound Scanning  
For Employment/Visa/School  
Medicals

- WE ARE FAST
- WE ARE EFFICIENT
- WE ARE THE BEST

Location: Dr. Mola's Hospital, Taurama Road

Phone: + (675) 325 1140

Fax: + (675) 325 9740

Email: atanu@online.net.pg

## ADALT EDUKESAN

Institute of Adult Education  
Adult Matriculation & Business Study Centre in Lae  
Sir Ignatius Kilege Stadium - 1<sup>st</sup> Floor  
P.O. Box 3787, Lae Morobe Province Papua New Guinea  
Telephone: (675) 4791899, Facsimile: (675) 4791277

**JUNE - 2003 BUSINESS STUDIES REGISTRATION**

PNG's Best Studies Diploma Programs are now on offer for 2<sup>nd</sup> Semester & Lahara 2003 in Lae Morobe Province. The programs are cheaper and conducive for low-income earners and workers.

Registration Date: June & July 2003

Class Commence: 14<sup>th</sup> July 2003

Entry Requirement: Gr 10 & 12. Check details with the Registrar at Sir Ignatius Kilege Stadium - Lae.

**Details of Business Studies**

No.	Program on offer	Duration	Fee per course
1	Certificate in Accounting	28 wks	400
2	Diploma in Accounting	28 wks	400
3	Diploma in Business Management	28 wks	400
4	Certificate in Sales & Marketing	28 wks	300
5	Certificate in Bookkeeping	21 wks	200
6	Certificate in Office Procedure & Management	14 wks	150
7	Diploma in Insurance & Risk Assessment & Investment	28 wks	400
8	Diploma in Business Administration Human Resource Management	28 wks	400

## HAUS PASINDIA


**Kiunga Lodge**

Small quiet motel situated in the heart of Kiunga 16 Air-conditioned Rooms, all with cable television and bar fridge. Price includes Dinner and Breakfast. Guests staying more than one night will receive a Packed lunch for second and subsequent days.

Only K120.00 per night including VAT

Ph: 548 1127 / 548 1045

## ELECTRICAL &amp; ACCESSORIES



Call in and see us For all your electronic needs

- \* Spare Parts
- \* Tools
- \* Equipments
- \* Repair to TVs, Radios, etc

We are located at the corner of Wards Road and Spring Garden Road, Hohola, NCD.

Ph: 325 1952 Fax: 325 4743

## MINING KAGO

**THE GOLD PAN**

Liklik Maining Masin bilong Salim

Proline Gol dredge, 2.5", 3", 4", 5" na 6" hai banka comb, Metol detekta, Silus bokis, Gol dis, Gol wil, Rok krassa, Mekuri ritot na Planti moa ol masin bilong helpim yu kisim Planti gol hariap long taim yu wok gol.

I gat ol sevis long helpim yu painim gol long Ples bilong yu.

Mipela save baim gol na tu givim skul long Hao long baim na salim gol. Long olgeta Tunde na Fonde mipela save soim ol man we masin bilong mipela i save wok.

Contek Gol Pan  
POM - Phone/Fax: 323 6052 or fax: 325 2959

Wewak - Phone/Fax: 856 1466

# Ol Spot Dro

## Toksave

WANTOK NIUSPEPA i laikim ol part-time niusman long salim nius na poto bilong sofbol stori i kam long bikpela senta olsem Mt Hagen, Lae, Goroka, Madang, Wewak na Wes Nu Briten. Sapos yu ting olsem yu ken helpim Wantok Nius long dispela wok, plis ring na toksave long Spot Edita long dispela telefon namba 325 2500 o fex long 325 2579. Nogat yu rait long dispela adres: Edita, Wantok Niuspepa, P.O. Box 1983, Boroko, NCD. Email adres em: word@global.net.pg

## OL HAP HAP NIUS

### Kepten bilong Storm kisim bagarap

Kepten na fowet bilong Melbourne Storm Stephen Kearney i no inap pilai nau bihain long em i kisim bagarap long las wiken gem egensim West Tigers. Kearney bai nogat sans long kisim ol boi bilong Storms i go insait long dispela wiken gem egensim Canberra Raiders.

### BP na ANZ benk helpim tupela pilaia bilong apim ain

Tupela pilaia bilong apim ain (Pawa lifta) bilong PNG na i save stap long Lae na i stap nau long Saut Pasifik Gems long Fiji i bin kisim K4,000 helpim long BP PNG Limited. Tupela em long Steven Ongia husat bai resis long 90 kilogram divisen taim Livingstone Sokoli bai traim long winim bek taitel bilong em long 82.5 kilogram. Mani ya bai helpim tupela man bilong apim ain long baim ol samting ol i nidim long pilai. ANZ benk tu i bin helpim tupela pilaia wantaim ol isiot bilong yusim long pilai long SP Gems long Fiji.

### Nu Saut Wels Kepten abrusim

#### mekimsave

Kepten bilong Nu Saut Wels na Knights hafbek pilaia Andrew Johns i pulim gut win bikos em bai pilai long namba tri raun bilong Stet ov Orijin long Julai 16. I bin gat wari olsem ol bai givim mekim save long en bihainim pilai long wiken we em bin takolim fulbek Brett Hodgson long Parramatta long Sande. samting we i sevim Johns em referi Shayne Hayne i no bin putim ripot long dispela takol na olsem em i abrus long kisim mekimsave we em i no inapi long pilai long sampela gems i kam. Na em inap long abrus long laspela Stet ofv orijin resis long Julai 16.



Kepten bilong NSW Blues Andrew Johns.

### Souths na Brothers bai salens long PRL

MOSBI Ragbi Lig i wok long kamapim strongpela pilai long olgeta wiken. Sampela tim we yumi ting olsem ol bai ino inap long kamap gut i givim gutpela salens long ol strongpela tim. Wampela bilong ol tim em Waliya. Las wik Sande ol i kamapim gutpela pilai long lokim Souths taim tupela tim wantaim i dro 18 -18. Dispela Sande bai lukim Brothers i pilaim Souths long mein gem. Sapos yu laik save husat bai win, go kamap long Lloyd Robson Oval long 4 Mail.

### Ol swima i apim PNG fleg i go antap tru

4x100 mita rilei tim bilong ol PNG man i amamas long winim silva long fainel. Spots Federeesen Jenerel Seketeri John Dawanincura i amamas wantaim ol na soim fleg bilong PNG. Long 4 kilok long aste apinun, ol meri winim tupela silva long taekwando na lawn bols na kisim medol mak bilong PNG i go, 3 gol, seven silva na 1 brons. Poto: JASON PINI

### PORT MORESBY RUGBY LEAGUE ROUND SIX

Lloyd Robson Oval

FRIDAY 4th JULY - 2003

Time	Grade	Fixtures
4.00pm	U17	KONE TIGERS Vs WALIYA
5.00pm	U19	KONE TIGERS Vs WALIYA
6.00pm	B	KONE TIGERS Vs WALIYA
7.30pm	A	KONE TIGERS Vs WALIYA

SATURDAY 5th July - 2003

9.00am	U19	BROTHERS Vs SOUTHS
10.00am	U19	DOBO WARRIORS Vs DEFENCE
11.00am	U19	MAGANI Vs TARANGAU
12.00pm	B	BROTHERS Vs SOUTHS
1.30pm	B	DOBO WARRIORS Vs DEFENCE
3.00pm	B	MAGANI Vs TARANGAU

SUNDAY 6th July - 2003

9.00am	U17	DOBO WARRIORS Vs DEFENCE
10.00am	U17	MAGANI Vs TARANGAU
11.00am	U17	BROTHERS Vs SOUTHS
12.00pm	A	DOBO WARRIORS Vs DEFENCE
1.30pm	A	MAGANI Vs TARANGAU
3.00pm	A	BROTHERS Vs SOUTHS

### NATIONAL RUGBY LEAGUE

Round 17  
4-6 July 2003

Dragons Vs Broncos  
Roosters Vs Rabbitohs  
Sharks Vs Panthers  
Cowboys Vs Warriors  
Raiders Vs Storms  
Eels Vs Sea Eagles  
Bulldogs Vs Knights  
West Tigers - bye

### LAHI SOCCER ASSOCIATION

2003 SEASON PROPER DRAWS

WEEK TEN

SATURDAY 5th July - 2003

#### UNITECH GROUND ONE

Time	Division	Fixtures
12.30	WOMEN	Lae Biscuit Vs Arnotts
13.45	U19	Eastpac PNG Power Vs Bismark
15.00	WOMEN	TTC Bullet Vs Guria
16.15	U19	Unitech Vs Sobou

#### UNITECH GROUND TWO

Time	Division	Fixture
12.30	PREMIER 2	Arnotts Vs TTC Bullet
13.45	PREMIER 2	Unitech Vs Mungkas
15.00	PREMIER 1	Guria Vs Eastpac PNG Power
16.15	PREMIER 1	Bugandi Vs TTC Bullet

#### UNITECH GROUND THREE

Time	Division	Fixture
------	----------	---------

12.30	U19	TTC Bullet Vs Guria
13.45	U19	Arnotts Vs Eastern Star United
15.00	WOMEN	Unitech Vs Mungkas

SUNDAY 6th July - 2003

#### UNITECH GROUND ONE

Time	Division	Fixture
12.30	U19	Lae Biscuit Vs Sobou
13.45	WOMEN	Bismark Vs Eastpac PNG Power
15.00	WOMEN	SP Brewery Vs Guria
16.15	U19	Unitech Vs Guria

#### UNITECH GROUND TWO

Time	Division	Fixture
12.30	DIVISION 1	SP Brewery Vs Lae Biscuit
13.45	PREMIER 1	Arnotts Vs TTC Bullet
15.00	PREMIER 1	Sobou Vs Milen Bay United
16.15	PREMIER 1	Unitech Vs Guria

### PMSA WEEKEND DRAWS

Saturday 5th July - 2003

#### Bisini 1

TIME	DIVISION	FIXTURE
8am	D2	Sobou Vs Dadas
9.20am	W1	Naniu Vs LBC Defence
10.30am	Y1	BFW PS Utd Vs Tawala
11.45am	WP	WMI Vs BFW PS Utd
12.50pm	D2	Wanzesi Vs Moukele
2pm	D2	Sunset Vs Murray Bks
3.30pm	P	Cosmos Vs Blue Kumuls

#### Bisini 2

8am	PR	LBC Defence Vs ANZ Uni
9.20am	W1	Tawala Vs ANZ Uni Masters
10.30am	D1	Guria Vs Telikom
11.45am	W1	Bavaroko Vs Monos
12.50pm	D1	Jaha Vs Momase
2pm	WP	Telikom Vs ANZ Uni
3.30pm	P	LBC Defence Vs ANZ Uni

Sunday 6th July - 2003

#### Bisini 1

8am	D2	Pom Souths Vs Murat 2
9.20am	D1	Murat Vs Tarangau
10.30am	Y1	Babaka Vs Rapatona
11.45am	WP	Rapatona Vs Pom Utd
12.50pm	W1	Jaha Vs Pom Souths
2pm	WP	Sobou Vs Lamana GFN
3.30pm	P	Pom United Vs Naniu

#### Bisini 2

8am	PR	BFW PS Utd Vs Tawala
9.20am	W1	Murat Vs Kurti Andra
10.30am	D1	Kurutu Andra Vs Mungkas
11.45am	W1	Guria Vs Sunset
12.50pm	WP	Cosmos Vs Tarangau
2pm	P	BFW PS Utd Vs Tawala
3.30pm	P	Rapatona Vs Babaka

SIR JOHN GUISE STADIUM

SATURDAY 5th JULY - 2003

8am	Y2	Bavarokoi Vs Manambu
9.20am	Y1	LBC Defence Vs ANZ Uni
10.30am	Y2	Jaha Vs Sunset
11.45am	Y1	Cosmos Vs Blue Kumuls
12.50pm	D2	Manambu Vs Ela Utd
2pm	PR	Rapatona Vs Babaka
3.30pm	PR	Cosmos Vs Blue Kumuls

Sunday 6th July - 2003

8am	Y2	Murat Vs Tarangau
-----	----	-------------------

9.20am	Y1	Pom Utd Vs Naniu
10.30am	Y2	Ela Utd Pom Souths
11.45am	Y2	Guria Vs Pomis
12.50pm	Y2	Mungkas Vs Orogen
2pm	D2	Bobo Murika Vs Cellnet
3.30pm	PR	Pom Utd Vs Naniu

### 2003 SOUTH PACIFIC GAMES FOOTBALL TOURNAMENT Men's Draw

Pool 1 - Fiji, Solomon Islands, Vanuatu, Tuvalu, Kiribati

Pool 2 - Tahiti, New Caledonia, Papua New Guinea, Tonga, Federated States of Micronesia

Match Schedule

MEN

Day 4, July 3, National Stadium

1.00	Solomon Islands vs Kiribati
3.00	Tuvalu vs Vanuatu
5.00	Tonga vs New Caledonia
7.00	Tahiti vs PNG

Day 6, July 5, Ratu Cakobau Park

11.00	Tonga vs FSM	2
1.00	Tuvalu vs Solomon Islands	1
3.00	Tahiti vs New Caledonia	2

Day 6, July 5, Subrail Park, Labasa

1.30	Fiji vs Kiribati	1
------	------------------	---

Day 7, July 7, Churchill Park, Lautoka

1.00	Kiribati vs Vanuatu	1
3.00	Tahiti vs Tonga	2
5.00	PNG vs FSM	2
7.00	Fiji vs Solomon Islands	1

Day 9, July 9, Churchill Park, Lautoka

5.00	First Semi Final
7.00	Second Semi Final

Day 11, July 11, National Stadium

5.00	Bronze Play Off
7.00	Gold/Silver Play off
9.30	Medal Ceremony

WOMENS

Women's Draw

Fiji, Tonga, Vanuatu, Papua New Guinea, Tahiti, Kiribati

Day 5, July 4, Ratu Cakobau Park

11.00	PNG vs Kiribati
1.00	Tonga vs Vanuatu
3.00	Fiji vs Tahiti

Day 7, July 7, Ratu Cakobau Park

9.00	Fiji vs Vanuatu
11.00	PNG vs Tonga
1.00	Tahiti vs Kiribati

Day 9, July 9, Ratu Cakobau Park

9.00	Tonga vs Tahiti
11.00	PNG vs Vanuatu
1.00	Fiji vs Kiribati
3.30	Medal Ceremony





# Ron Barassi bilip PNG inap mekim nem long ruls futbal

## Yakam Kelo i raitim

BIKNEM Australia Futbol Lig pilaia long bipo Ron Barassi i kamap long Papua Niugini long traim mekim mani bilong redim wanpela PNG osi rul tim bilong go pilai wantaim Australia tim long makim eniveseri bilong Kokoda Treil long Ogas dispela yia.

Barassi i tok em i save olsem PNG i gat planti gutpela pilaia bilong pilai ruls futbal o osi rul i stap tasol bikpela samting em rot bilong kisim ol i go aut na pusim ol long soim save bilong ol yet long pilai i mas kamap gut na strong pastaim.

Barassi i tok em i bin kam bipo long PNG na dispela em namba 4 taim bilong em long kam raun long PNG.

Barassi i tok em i save olsem osi rul em wanpela strongpela na bikpela gem long Papua Niugini long bipo long taim bilong 1970 i kam. Inap sampela taim nau ragbi lig i pulim olgeta sapot na olgeta manmeri i go long lukim ragbi na strong na sapot bilong osi rul i pundaun long longpela taim i kam.

Olsem na dispela em i bikpela wok bilong PNG long traim bringim bek osi rul i kam bek long mak na level em i bin stap bipo.

Em i tok osi rul em wanpela kain spot we i gat kainkain

stail yu mas save gut long en long mekim yu kamap wanpela gutpela osi rul pilaia. I gat sampela stail bilong soka i stap long en, i gat sampela stail bilong basketbal, ragbi yunion i stap long en we i mekim dispela spot bilong osi rul i narakain we yu mas save gut long bungim olgeta dispela pilai wantaim long mekim man i kamap gutpela osi rul pilaia.

Barassi i tok em i save olsem i gat ol top man bilong Papua Niugini i stap husat inap kamap ol top osi rul pilaia long bihain taim. Tasol rot bilong soim ol yet i kam aut ples klia na pusim ol i go insait long dispela spot i no strong tumas.

Em i tok olsem Australia i save ting long winim primiasip olgeta taim long Australia tasol na ol i no save ting long surukim dispela spot i go aut long sait bilong Pasifik na arapela kantri.

I gat luksave olsem Australia i save helpim PNG Osi Rul wantaim mani mak olsem \$35,000 dola long olgeta yia. Na dispela mani i bilong helpim ol wok edministresen na arapela developmen wok bilong spot insait long kantri.

Barassi i bin kamap long Mosbi long las wiken na j go raun long Lae na Kimbe na i go bek long Mosbi. Long Kimbe em i bin lukim lokol osi rul pilai i bin kamap namel long ol asples yet na long Mosbi em i lukim wanpela skul boi osi rul salens i kamap long Mande dispela wik.

Plen bilong em nau em long kamapim sampela mani bilong redim wanpela PNG osi rul tim long go pilai tamblo long Australia long mun Ogas insait long bikpela de bilong makim eniveseri bilong Kokoda Treil we ol Australia ami i bin kam pait long PNG long



• Ron Barassi (namel) i kamap long PNG long glasim ol Aussie Ruls pilaia bilong PNG na makim tim bilong go pilai long Australia long mun Ogas. Dispela em long makim Kokoda Treil eniveseri. Foto: JOE IVAHARIA. Lephah: Wanpela Aussie ruls gem i kamp long Mari Bareks long Mande we Ron Barassi i lukluk long makim skwat.

wol woa tu na planti i bin dai long dispela hap ples.

Barassi i tok spot em wanpela gutpela samting long komyuniti bikos em bai mekim komyuniti i amamas na kamapim gutpela wanbel na gutpela pasin. Long sait bilong spot olsem osi rul we yu ken holim man na putim i go daun long graun em Barassi i tok kain spot olsem em gutpela bikos yu mas save long pilai strong na salens strong long winim gem. Spot em oil bilong masin we i ken kamapim gutpela komyuniti, em i tok.

Em i tok wok bilong em nau em long traim kisim gem bilong osi rul i go autsait long Australia na traim pulim laik na intres bilong ol pilaia long arapela kantri long kam pilaim dispela bikpela na naispela spot ol i kolim osi rul.

Barassi i save long pilai bilong osi rul hia long PNG long bipo olsem na em i laik lukim PNG i kam bek long mak na strong em i gat bipo long dispela gem osi rul. Em i tok

long bipo em

osi rul em ol i save ting em gem bilong ol pipel bilong Australia tasol. Tasol nau dispela tingting i senis bikos dispela gem i go pinis long planti hap bilong wol.

Barassi i tok taim em i bin pilai osi rul yet, ol i bin go pilai long planti hap kantri long wol olsem long Nu Silan, Lebanon, Inglan, Airis na arapela hap moa long Yurop kantri.

Barassi i bin wanpela top osi rul pilaia long bipo long 1953 inap 1996 we em stap yet wantaim dispela spot long ol menesmen na arapela bot memba bilong ranim gem. Em i bin top pilaia husat pilaim 17 gren fainel, winim 10-pela primia sip na i save werim yet namba 31 jesi bilong em inap em i pinis long pilai.

AFL PNG Limited em ol i bin kamapim hia long PNG long 2001 olsem ol lain i makim Australia Futbol Lig hia long PNG.

Oi i gat ol bod na wokman i stap long tripela rijon long PNG. Tasol ol i save wok klostu moa

wantaim junia ruls futbal hia long PNG. Oi i save wok klostu tu wantaim PNG Ruls Futbal Kaunsil husat i lukautim sait bilong ol sinia pilaia we krismas bilong ol i mak long 18 na i go antap.

Plen nau em long wok klostu wantaim ol yangpela pilaia bilong PNG long kirapim na strongim laik bilong ol long pilai osi rul long nau i go antap long bikpela top level long AFL futbal.

Em i tok AFL PNG i sanap klostu tu long

helpim Papua Niugini wantaim ol hevi ol yangpela i save bungim olgeta taim long laip na sindaun bilong ol long taun na ol ples. Wanpela bikpela eria ol bai wok klostu insait em long skulim ol long sait bilong disiplin o harim tok na mekim samting stret. Narapela em long tim wok o wok bung wantaim na bikpela eria tru ol i mas kisim gut save long en em ol i mas save long wok hat.

Dispela wok bilong kirapim na developim osi rul hia long PNG i stap pinis wantaim program bilong ol pikinini ol i kolim Os Kik. Dispela em olgeta pikinini long ol skul

insait long Mosbi i wok long kamap long olgeta wiken long kisim training na lainim long kisim save long ol rul na wei bilong pilaim dispela spot.

ALF PNG Limited i tokaut pinis olsem ol i gat ol plen bilong kirapim dispela spot long hia na ol i wok hat nau long stretim ol rot na hap dispela plen bilong ol bai wok bihainim na kamapim dispela spot i kamaut ples klia na pulim interes bilong ol pilaia hia long PNG.

**WINIM  
K250  
PRAIS MONI**

**PAINIM BAL  
RESIS NAMBA 5**

**RUL BILONG PILAI"**

1. makim X long poto yu ting bal i stap long en
2. makim X long pen tasol.
3. Katim poto long sisos na salim long **PAINIM BAL RESIS NAMBA 5**  
*Wantok niuspepa. P.O. Box 1982, Boroko NCD.*
4. Nambawan entri i makim stretpela hap bai i stap, em bai win.
5. Las de bilong kisim ol entri em pinis bilong olgeta mun.
6. Long Wantok bilong Januari 30 bai gat niupela K250 prais moni resis. Bai gat reisi bilong olgeta mun i go inap mun Desemba, 2003
7. Disisen bilong komiti i makim wanpela wina em fainol.
8. Wina bai kisim sek mani, na i no long kes moni.
9. Sapos nogat wina bai skruim win moni i go antap long narapela resis.
10. Yu ken salim moa longwanpela entri, tasol noken yusim poto kopi.
11. Ol wokmanmeri na pikinini bilong Wantok niuspepa i no stap long dispela resis.

Raitim nem na adress bilong yu long hia

Nem:.....

Adres:.....Krismas:.....

# Puma givim bikpela helpim long soka

PAPUA Niugini Futbal Asosiesen (PNGFA) i kisim bikpela sapot i kam long Puma wantaim ol samting bilong helpim soka insait long kantri. Kos bilong ol samting i sanap olsem K300,000 we soka long PNG bai kisim insait long tripela yia. Dispela sapot i karamapim ol samting Puma kampani i save salim olsem su, yunifom, bek na arapela ol soka samting we Puma i save salim.

PNGFA na Puma i tokaut long dispela kontrak long las wik Trinde taim Puma India Pasifik menesa James Atkins i bin kamap long Mosbi.

Long dispela taim bilong sainim agrimen, Atkins i tok sapot bilong Puma inap helpim soka i go bikpela long PNG. Em i tok Puma i bin sainim wankain sponza wantaim Itali pinis.

Presiden bilong PNGFA Andrew Madui i tok dispela sponza bai helpim soka long ron gut na ol bai yusim dispela sponza long kamapim ol plen bilong kirapim gut soka i go strong insait long Papua Niugini.

Em i tok dispela sponza em wanpela

bikpela sponza tru soka long Papua Niugini i kisim long dispela taim.

Aninit long dispela sponsasip, Puma bai bilasim olgeta PNG tim. PNG tim husat i go pilai nau long Saut Pasifik Gems long Fiji em ol namba wan lain long werim dispela bilas bilong Puma.

Atkins i tok dispela skwat nau i go pilai long Fiji em ol developmen skwat pilaia olsem na wantaim dispela sapot bilong Puma, PNG i ken go antap gut long soka long bihain taim.

Madui i tok em i amamas long kisim kain sponsasip i kam long bikpela kampani olsem Puma husat i gat nem insait long wol.

PNGFA i amamas long stap wantaim Puma bikos dispela kain sponza i gat bikpela promis long soka insait long kantri na mi amamas tru, em i tok.

Mipela i lukluk long kamapim gutpela risal insait long Osenia Kwalifaia bilong traime go insait long Wol Kap, em i tok.

PNG soka tim bilong ol man i sanap olsem namba 8 insait long Pasifik.



**Strong bilong ol meri- Tarangau ragbi lig tim bilong ol meri long Goroka i amamas long kisim sapot i kam long Downer Lasswara wantaim nupela yunifom. Ol meri save pilaim strongpela ragbi lig gem long Goroka. Poto: JOHN SUPA**

## PNG swim tim winim tripela gol

PAPUA Niugini swim tim long Saut Pasifik Gems i winim tripela gol medol pinis long dispela wik. Long Mande em Ryan Pini i winim gol medol pinis na long Tunde gen em winim narapela gol medol gen long 100 mita bataflai resis. Long sait bilong ol meri em Anna Lisa Mopio-Jane i winim gol medol long 200 mita fristail resis we em i winim Fiji na Nu Kaledonia long dispela resis.

Bihain long dispela PNG tim i winim narapela silva medol gen

long 4x200 mita riley resis gen. Ol i kam namba tu long Nu Kaledonia husat i winim gol na Tahiti i kamap namba tri na kisim silva medol.

Olgeta medol ol lain i winim i go antap long rekot bilong kantri bilong ol long soim amas medol wanwan kantri i winim insait long dispela namba 12 Saut Pasifik Gems.

Tim menesa bilong PNG Swimming Tamzin Wardley i tok em i amamas tru long rekot bilong PNG tim long dispela

taim. Ol i save olsem Ryan Pini bai win tasol ol i no ting bai Anna Lisa bai winim gol na dispela i kamapim bikpela kirap nogut na amamas tru long sait bilong PNG tim.

Em i tok Fiji na Nu Kaledonia i bin feveret long winim ol dispela resis tasol PNG i mekim bikpela kirap nogut long ol.

Swim tim bilong PNG i kamapim 6-pela medol pinis long nem bilong Papua Niugini we tripela em gol, tupela em silva na wanpela em brons medol.

## 6-pela boksa pait nau long medol

...Boksen presiden i amamas long pait bilong ol boksa

6-PELA boksa bilong Papua Niugini i winim sans long go insait long semi fainel long tude bihain long ol winim ol pait bilong ol long Tunde dispela wik.

Dispela i soim olsem PNG i gat gutpela sans tru long kisim sampela silva o gol medol long dispela pait. Ol bai pait long Fonde tude.

Ol dispela 6-pela boksa em Jack Willie 48kg, Paul Lare 51kg, Justine Sepe 54kg, Ben Tami Junia 57kg, Lynch Ipera 60kg, na Charvis Kora 64kg. Papua Niugini Amatsa

Boksing Yunion presiden na nesenel tim kosa Lohial Nuau i tokaut olsem tripela boksa em Willie Sepe na Tami bai go stret long fainel bikos ol i kisim sans aninit long dro bilong Intanesenel Amatsa Boksing Asosistem sistem. Olsem na ol tripela i winim ples long pait nau long semi fainel. Dispela i soim olsem 6-pela brons medol i pundaun pinis long nem bilong PNG sapos olgeta i lus.

Tasol sapos sampela i win bai kisim silva o gol medol we total namba bilong medol bai 6-pela olgeta.

Ol arapela boksa husat i no mekim i goinsait lokng sans bilong winim medol em Philip Ipera na John Korake.

Nuau i amamas long pait bilong ol PNG boksa taim gem i stat long Mande long dispela wik i kam.

PNG i bin go wantaim 8-pela boksa bilong pait insait longdispela Saut Pasifik Gems tasol PNG i lusim tupela na 6-pela i go insait long sans bilong winim medol we dispela i givim bikpela amamas long kosa long sait bilong rekot bilong winim medol.

## Olpela soka pilaia i no amamas long tonga dro wantaim PNG

DRO bilong PNG soka tim long Tonga i kamapim bikpela kirap nogut long asples long dispela wik.

Wanpela biknem soka pilaia bilong PNG long bipo, Raymond Nasa i tok em i kirap nogut long harim PNG tim i dro 2-2 long Tonga na dispela i no stret tru bikos long rekot bilong PNG bikos Tonga i save stap aninit tru long PNG.

Raymond i tok lus wantaim Nu Kaledonia 2-0 long Mande em i

stret bikos Nu Kaledonia i save kamapim strongpela salens egen-sim PNG long bipo na i save winim PNG.

Long 1993 tasol PNG i klostu winim Nu Kaledonia tasol i bin gat penalti na Nu Kaledonia i dro na ol i go long penalti kik we Nu Kaledonia i winim PNG.

Raymond i tok tasol long Tonga long dro wantaim PNG i no stret olgeta bikos Tonga i save stap

aninit tru na ol i mekim kirap nogut long PNG nau em i soim olsem PNG i stap long salens nau egen-sim Vanuatu, Solomon Ailan na nau Tonga.

Raymond i tok sapos Tonga i abrusim PNG nau dispela i soim olsem soka bilong mipela i mas go insait long bikpela senis na narapela lukluk nau long kisim bek ol dispela bikpela rekot PNG i save gat long bipo insait long Pasifik.

## Senis long det bilong volibal sempionsip

SENIS i kamap long det bilong Nauten Zon volibal lig sempionsip i bin sapos long kamap long Julai long Wewak.

Siaman bilong lig, Willie Bagore i tok na direkta bilong tonamen, Steven Kadam, i tok olsem bikos i nogat inap mani long holim dispela semp-

ionsip, ol i mas pusim go long wanpela narapela det we ol i no makim yet.

Ol i woklong askim ol bisnis haus long helpim ol.

## PNG Open golf tonamen i stat tude

### Joe Ivaharia i raitim

BIKPELA pilai bai kamap long Pot Mosbi Golf Klab taim ol i holim 2003 British American Tobacco PNG Open Golf tonamen long dispela wiken. Tonamen em ol bai pilaim long 72 hol na bai stat long tude, Fonde 3 i go inap long Sande 6 long dispela mun, Julai.

Moa long 40 profesenel golf pilaia bilong Australia na Niu Silan bai kam bung long dispela tonamen. Bai i gat bikpela prais mani long winim long tonamen we British American Tobacco i sponsarim. Em bai foapela yia nau ol BAT i sponsarim dispela tonamen.

Dairekta bilong tonamen Diane Sewell i tok ol ovasis pilaia bin kam insait long kantri dispela wik na ol i bin wokim wanpela golf klinik bilong ol yangpela sumatin antap long golf kos long

Tunde na aste Trinde.

Em i tok tu olsem Papua Niugini tu bai i gat foapela profesenel pilaia tu long tonamen olsem August Peni, Lucas Binbo na narapela husat i bin mekim nem pinis long PNG long golf salens.

Ol amata pilaia tu bai pilai long winim prais long seksen bilong ol tu.

Diane i tok tu olsem ol i bin singautim Prais Minista, Sir Michael Somare long opim dispela tonamen tasol em bai bisi long sindaun bilong palamen.

Sir Michael Somare em patron bilong Mosbi Golf klab.

Tasol Prais Minista i salim tok sori bilong em pinis long ol lain i go pas long lukautim dispela tonamen.


Meri i go pas long dispela tonamen Diane Sewell i askim olgeta manmeri long kam sapatim ol pilaia long tonamen.



**Souths pawa • Tupela pilaia bilong Souths i planim boi bilong Kone Tigers i go daun long graun long Pot Mosbi ragbi lig resis long wiken. Poto: JOE IVAHARIA**



# Ipera soim strong yet long boksen



• John Korake i bin pait strong tru tasol em i lus long poin. Tasol ol wan boksa bilong em olsem Lynch Ipera bai bungim ol birua bilong ol tete long skelim husat bai pait long winim gol medol. Foto: JASON PINI

LYNCH Ipera i soim stret olsem em i no lusim strong bilong em long nokim ol man long boksing ring. Em i soim dispela pawa bilong em long Saut Pasifik Gem long Mande dispela wik taim em i winim pait bilong em egensim H. T e f a t a u bilong Tahiti long 60 kg divisen. Em i winim

pait bilong em insait long namba wan raun tasol bihain long referi i stapim pait bikos Ipera i no givim sans long birua bilong em. ol han bilong Ipera i kam long olgeta kona na kisim pes bilong birua bilong em olgeta taim we i lukim pait i pinis long pes raun yet.

Ipera i lusim pait tripela krismas i go pinis tasol taim em i kam bek em ino soim wanpela sain bilong kam bek isi. Em i soim moa pawa na strong we em i gat nem bipo long en long 57 kg divisen em i gat taitel bipo long winim. Nau em i pait na win long 60 kg divisen. Ipera i lukluk long

pait bilong Fiji na Samoa we em i ting em i ken salensim gut paitman bilong Samoa. Long sait bilong Fiji em Ipera i no toktok tumas olsem wanpela pret long em. Ol arapela boksa bilong PNG tu i mekim gut long pait bilong ol na bai ol bungim narapela pait bilong ol gen long Fonde tude.

## SPG soka resis bai kamapim senis long lata

KIK resis bilong Saut Pasifik Gems long Fiji bai mekim bikpela senis tru long lata bilong ol kantri insait long rijen.

Papua Niugini (PNG) i stap long 169 insait long 204 memba kantri bilong FIFA. Nau yet long Osenia, tupela strongpela soka kantri, Australia i sindaun long 50 ples na Nu Silan long 53.

Tupela kantri i stap antap bikos ol i save pilai planti kwalifaia gem long Konfederesen tonamen na tu Wol Kap kwalifaia.

## Ol meri soka opim gem wantaim 13-0 win

SOKA tim bilong ol meri PNG i bin opim namba wan win bilong ol egensim Kiribat wantaim 13-0 skoa long fultaim. Dispela em wanpela bikpela win tru ol meri PNG i kamapim long opim gem bilong ol long dis-

pela Saut Pasifik Gems long Fiji. Ol gol i kam long Miriam Lanta, Margeret Aka, Julie Alau, Declyn Sinui na Glenda Matthies. Ol meri i gat gutpela sans long winim gol na ol bai pilai hat yet long winim

olgeta gem bilong ol. Tim husat i ron namba wan long poin bai kamap sempion. Bikos ol i pilai long raun robin stail. Long namba wan gem bilong PNG man long soka, ol i lus 2-0 long Nu Kaledonia.

# Trukai givim K260,000 long PNG SP Gems tim

Joe Ivaharia i raitim

RAIS Kampani, Trukai Industries Limited i bin givim mani mak olsem K260,000 i go long helpim ol spotman na meri long pilai long Saut Pasifik gems long Fiji.

Dispela mani i bin kam long 2003 Trukai Fan ran oksen na long ol T-siot ol wanwan senta long kantri i bin salim long taim bilong fan ran we i bin kamap long mun Mas na April dispela yia.

Rijinol Sels Menesa na Akaunten bilong Trukai, Mista Daniel Duncan i mekim bikpela tok amamas na tenkyu i go long wanwan ogenaiesen na kampani long kantri long sapot bilong ol na tu long ol voluntia na ol pipel bilong Papua Niugini husat i ran long fan-ran.

Em i tok tu olsem moa long

K30,000 bai i go long ol sariti oganaiesin insait long PNG long halvim bilong ol long dispela fan ran.

Tripela spot husat i wok long pilai long SP gems tu i kisim K15,000 long baset bilong ol long dispela yia. Ol spot ya em Weit lifting, Bodi bilding na Pawa lifting.

Presiden bilong Papua Niugin Spots Federesen, Sir Henry ToRobert i tok Trukai i save sapotim ol long ol arapela fan resing tu olsem Praim Minista Koperet golf salens na Praim Minista Selebriti Wokabout na ol arapela komyuniti sevis tu.

Long bihainim toktok bilong Sir Henry, Seketeri Jeneral Sir John Dawanincura i givim bikpela tok tenyu long Menesing Dairekta Mista Phil Franklin na Maketing Menesa Mista Brett Schofield long helpim bilong Trukai.

## LOC singaut long ol wanwan tim tasol

Henry Morabang i raitim

SCHOOL Soccer PNG (SSPNG) i singaut nau long olgeta skul husat i laik salim tim i mas givim nem hariap i go long lokel ogenaiesing komiti (LOC) long Goroka, Isten Hailens provins.

Kodineta bilong SSPNG John Mogi i tokim Wantok Nius olsem dispela 2003 Skul Soka sempionsip i op nau long ol wanwan senta bilong ol tim.

Mogi i tok sempion bai pulim tim long Anda 12, Anda 14 na Anda 16 long ol man na Anda 15 na Anda 17 long ol meri.

Em i laik tok klia olsem ol skul i ken salim tim sapos i gat spes long wanwan krismas grup divisen. Sapos nogat, em i askim ol representative tim long wanwan skul soka asosiesen tasol i mas kam.

Kodineta i tok em i min olsem senta i gat kompetisen olsem Pot Mosbi, Lae, Madang na Goroka i mas salim tim

bilong ol. Dispela ol tim bai pilai long ol dispela divisen Anda 12 (boys), 14 (boys), 16 (boys) na Anda 15 (girls), Anda 17 (girls).

Em i tok sapos wanem senta i laik salim tupela tim em i mas bihainim dispela rul. Sapos ol i laik putim tim long Anda 12 divisen. Ol i mas putim wanpela tim bilong Anda 11 na tu Anda 12. Em i wankain long olgeta arapela divisen.

Mogi i tok sempionsip bilong skul soka long dispela yia bai kamap gen long Nesenei Spots Institut long Goroka.

Ol i makim pinis Paddy, hetmasta bilong Goroka Grammar Skul long go pas long ogenaiesing komiti. Em bai kisim sapot i kam long Gideon Jeffrey bilong Nesenei Spots Institut.

Em i tok wanem tim i laik stap long resis long sempionsip i mas givim nem hariap long Paddy long Goroka bipo long pinis bilong mun Julai. Dispela em long givim taim long em long redim dro.



• Presiden bilong PNG Spots Federesen Sir Henry ToRobert wantaim ol spot opisa bilong em i amamas long kisim dispela K260,000 i kam long Trukai Rice long helpim SP Gems tim.

# Noten jon volibal tonamen i gat hevi

HEVI bilong sponsa na mani tasol i stapim namba 6 Noten Jon Volibal Lig sempionsip long kamap long Wewak long Julai insait long Rimembarens De wiken.

Siaman bilong tonamen Willie Bagore na Steven Kadam tonamen Dairekta i tokim Wantok long Madang olsem bikpela hevi bilong

mani tasol nau i pasim olgeta rot bilong ranim dispela tonamen.

Mipela tu i wet yet long wetim Wewak long tokaut stret olsem sapos ol i redi na inap long holim dispela tonamen o nogat. Mipela i laikim olsem dispela pilai bai kamap yet long dispela yia tasol ol i surukim i go long mun Novemba o

Disemba long dispela yia.

Kadam na Bagore i tok tu olsem tupela i laikim olgeta eksekutiv bilong Momase na Manus i mas wok bun wantaim tupela long Madang na mekim gut wok bilong painim sponsa. Wok bilong painim sponsa tu i stap long han bilong wanwan eksekutiv bilong dispela tonamen

long eria bilong ol. Tupela i tok moa olsem ol i mas kirap na askim ol palamen memba bilong ol na bisnis komyunit long sapotim Noten Jon Volibal Lig taitel na noken wetim mitupela tasol long Madang long mekim wok bilong painim sponsa. Nau yet i nogat gutpela wok bung wantaim na i mekim dispela sempionsip i go hat liklik.

Vanimo i soim pinis laik biloing em long holim gen dispela taitel sapos hevi bilong mani istap yet. Tasol Kadam na Bagore i tok moa olsem dispela bai tonamen eksekutiv membas i mas bung pastaim na mekim tok orait. Mipela bai lukluk long sponsa na mani pastaim bipo yumi ken kisim klia

tingting na kamapim rot bilong ranim dispela sempionsip.

Olsem na long dispela as tasol Kadam na Bogore i askim olgeta eksekutiv bilong tonamen long Vanimo, Wewak, Manus, Lae na ol arapela lain long Makam long kamap long namba wan miting bilong ol long Lae.

LAE  
BISCUIT



# WANTOK Spots

LAE  
BISCUIT



# PNG winim 8-pela medol



SOUTH  
PACIFIC  
GAMES  
SUVA  
2003

... Klostu ol  
boksa bai  
kisim 6-pela  
moa

PAPUA Niugini i kisim pinis 8-pela medol long namba 12 Saut Pasifik Gems long Fiji long dispela wik taim ol swimming tim i opim rekot bilong PNG long stat pulapim ol medol.


PNG i kisim tripela gol medol long swim taim top swima Ryan Pini i brukim rekot long Mande taim em i winim 50 mita bekstrok resis long winim gol medol na bihain em winim brons medol long 200 mita fri stail resis.

Long Mande yet Anna Lisa Mopio-Jane i winim silva medol long 100 mita fri stail resis bilong ol meri. Dispela i kamapim tripela medol bilong PNG long namba wan de taim SP Gems i stat.

Long Tunde dispela wik Ryan Pini i brukim narapela rekot gen long 100 mita bataflai resis long aste na Anna Lisa Mopio-Jane i winim narapela gol medol long 200 mita fri stail resis bilong ol meri. Long 4x100 mita riley ol PNG man i resis gut tru na kamap namba tu wantaim silva medol.

Tupela moa silva medol em ol meri lawn bowls i winim aste.

Long ol arapela spot, PNG i wok long winim ol gems bilong ol na surik i kam antap long ol semi



• John Karoke (raithan) i wokim dispela man Samoa long SP Gems salens long Mande tasol em i aut long poms. Foto: JASON PINI

fainel na ol nokaut.

Boksen tim bilong ol man bai i gat bikpela sans long winim 6-pela medol long nau nait taim ol i pait long ol semi fainel bilong ol.

Sapos olgeta i lus ol bai kisim brons medol na sapos sampela i

win bai ol i go het long winim gol medol. Long fainel ol inap kisim silva medol sapos ol i lus long kisim gol medol.

Namba bilong ol medol PNG i kisim i putim PNG long namba 5 mak klostu long Fiji, Nu Kaledonia na ol arapela husat i

go pas long winim moa medol long dispela wik.

Ol ripot i kam long Fiji long ples bilong pilai i soim olsem ol meri netbal tim i wok long winim ol gem bilong ol i kam. Tim we bai givim bikpela salens long PNG em Kuk Ailan tasol long

dispela wik PNG i nekim Kuk Ailan pinis na i redi long pilaim Samoa sapos Fiji i winim Samoa bikos. Fiji bai pilaim Kuk Ailan long semi fainel.

• Long sait bilong soka, tim bilong ol man i bin dro wantaim Tonga 2-2 long Tunde dispela wik long namba tu gem bilong ol. Tasol ol boi PNG i bin lus long Nu Kaledonia 2-0 long fultaim long Mande taim ol opim soka salens bilong ol long dispela Saut Pasifik Gems.

Ol meri PNG i soim stail na strong bilong ol long soka taim ol i nekim Kiribat 13-0 long Mande. Dispela i soim gutpela stat bilong pilai ol soka meri bilong PNG i mekim long dispela Saut Pasifik Gems long Fiji.

Dispela em wanpela bikpela win tru ol meri i kamapim long opim gem bilong ol long dispela Saut Pasifik Gems long Fiji. Ol gol i kam long Miriam Lanta, Margaret Aka, Julie Alau, Declyn Sinui na Glenda Matthies. Ol meri i gat gutpela sans long winim gol na ol bai pilai hat yet long winim olgeta gem bilong ol. Tim husat i ron namba wan long poin bai kamap sempion. Bikos ol i pilai long raun robin stail.

Long namba wan gem bilong PNG man long soka, ol i lus 2-0 long Nu Kaledonia na long namba tu gem long Tunde dispela wik ol man i dro wantaim Tonga 2-2 long fultaim.

Ol ripot i tok kriket tim bilong PNG wantaim boling i wok long go gut na winim ol gems bilong ol. PNG i gat bikpela sans tu long winim moa medol long weit lifting. Taekwando na arapela spot bilong.





# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.